

**11**

# JAHON TARIXI



**Shuhrat Ergashev, Begzod Xodjayev,  
Jamshid Abdullayev**

# **JAHON TARIXI**

**(1991 – 2017-yillar)**

*O'rta ta'lif muassasalarining 11-sinfi va o'rta maxsus,  
kasb-hunar ta'limi muassasalarining o'quvchilari uchun darslik*

**Birinchi nashr**

**O'zbekiston Respublikasi Xalq ta'limi vazirligi tasdiqlagan**

Toshkent  
«TURON-IQBOL»  
2018

UO'K 94(100)(075.3)=513.133

KBK 63.3(0)ya72

**J 39 Ergashev, Shuhrat**

Jahon tarixi [Matn]: O'rta ta'lif muassasalarining 11-sinfi va o'rta maxsus, kasb-hunar ta'limi muassasalarining o'quvchilari uchun darslik / Sh.Ergashev, B.Xodjayev, J.Abdullayev. – Toshkent: «Turon-Iqbol», 2018. – 144 b.

**KBK 63.3(0)ya721**

**Mas'ul muharrirlar:**

**M. Rahimov** – tarix fanlari doktori, professor;

**T. Bobomatov** – tarix fanlari nomzodi.

**Taqrizchilar:**

**Q. Rajabov** – tarix fanlari doktori, professor;

**G. Pasilova** – Toshkent shahar Yunusobod tumanidagi 257-maktabning tarix fani o'qituvchisi;

**F. Amanova** – Toshkent shahar Mirzo Ulug'bek tumanidagi 248-maktabning tarix fani o'qituvchisi;

**O. Ergashev** – Toshkent viloyati Ohangaron tumanidagi 22-maktabning tarix fani o'qituvchisi

**Shartli belgilari**



Internet bilan  
ishlashga doir  
topshiriq



Atamalar izohi



Esga oling



Yodda tuting



Xarita bilan ishslashga  
doir topshiriq



O'zingizni sinang



Ijodiy ish  
topshirig'i

**Respublika maqsadli kitob jamg'armasi mablag'lari hisobidan chop etildi.**

ISBN 978-9943-14-511-5

© Sh. Ergashev va boshq., 2018.  
© «TURON-IQBOL», 2018.

## KIRISH

Jahon tarixining 1991-yildan boshlangan davrida dunyoning ijtimoiy-siyosiy va iqtisodiy tizimida katta o'zgarishlar yuz berdi. Bu davrda jamiyat hayotining barcha jabhalariga kuchli ta'sir ko'rsatgan omil ilmiy-texnik inqilobning yangi bosqichi – kompyuter-axborot inqilobi bo'ldi. Bu inqilob ta'siri ostida rivojlangan mamlakatlarda sivilizatsiyaning industrial bosqichidan postindustrial, axborot bosqichiga o'tish boshlandi.

Mazkur darslik shu davr voqealarini bayon qilish bilan birga, jamiyat taraqqiyotining hozirgi bosqichini tahlil qilish va mustaqil hayotga qadam qo'yish arafasida turgan Siz o'quvchilarga o'z hayotiy istiqbolingizni belgilab olish imkonini beruvchi bilimlarni shakllantiradi. Bu bilimlar jahon xalqlari madaniyatining har biri o'ziga xos noyob ekanligini, gumanizm va vatanparvarlik tamoyillari, fuqarolik jamiyati va huquqiy davlat g'oyalariga asoslangan umuminsoniy qadriyatlarni anglashga ko'maklashadi. Jamiyat taraqqiyotining muhim qonuniyatlarini bilib olish, rivojlanishning o'ziga xos yo'llarini tushunish va istiqbollari haqida tasavvurlarga ega bo'lish imkonini beradi. Shuningdek, olgan bilimlaringiz ilg'or mamlakatlarning tarixiy tajribasini O'zbekistonda ijodiy qo'llashga yordam beradi.

### DARSLIKDA QO'LLANILGAN QISQARTMA SO'ZLAR:

BMT – Birlashgan Millatlar Tashkiloti

NATO (ingl. North Atlantic Treaty Organization) – Shimoliy Atlantika harbiy bloki

YI – Yevropa Ittifoqi

SSSR (rus. Soyuz Sovetskix Sotsialisticheskix Respublik) – sobiq Sovet Sotsialistik Respublikalari Ittifoqi

RSFSR – Rossiya Sovet Federativ Sotsialistik Respublikasi

AQSH – Amerika Qo'shma Shtatlari

BRIKS (ingl. BRICS – Brazil, Russia, India, China, South Afrika) – Braziliya, Rossiya, Hindiston, Xitoy, Janubiy Afrikas mamlakatlaridan iborat ittifoq.

ITI – ilmiy-texnik inqilob

YIM – yalpi ichki mahsulot

ASEAN – Janubi-Sharqiy Osiyo davlatlar ITASQATSIYASI



## I BOB. XX ASR OXIRI – XXI ASR BOSHLARIDA DUNYO MAMLAKATLARI

### 1-MAVZU. XX ASR OXIRI – XXI ASR BOSHLARIDA XALQARO MUNOSABATLAR

Jahon tarixi eng yangi davrining uchinchi bosqichi 1991-yildan boshlanib, hozirgi kungacha bo‘lgan voqealarni o‘rganadi. Bu davrda sotsialistik tizimning barbod bo‘lishi, SSSRning tarqalib ketishi jahon miqyosida kuchlar nisbatiga, qudratli davlatlar o‘rtasida shakllangan muvozanatga katta ta’sir ko‘rsatdi.



**Birlashgan Millatlar Tashkiloti qachon tashkil top-gan edi?**

Bu davrda iqtisodiy va madaniy hayotning globallashuvi, ekologiya muammolarining keskinlashuvi, jahoning juda katta qismida modernizatsiya jarayonlarining tugallanmaganligi bilan bog‘liq ziddiyatlarning kuchayishi xalqaro barqarorlikka jiddiy xavf sola boshladi, ko‘plab mamlakatlardagi murakkab muammolarning manbayiga aylandi.

**XX asrning 90-yillari oxirida xalqaro munosabatlar.** Ikkinchi jahon urushidan so‘ng jahondagi kuchlar nisbatini belgilab kelgan kapitalistik va sotsialistik harbiy-siyosiy bloklar o‘rtasidagi qaramaqarshilik 1990-yillarda barham topdi. Ammo, ayni paytda, mintaqaviy mojarolar va «kichik urushlar» xavfi kuchayib, shaxs hamda xalqlarning huquq va xavfsizligini himoya qilish, gumanitar-huquqiy, madaniy aloqalarni ta’minalash, obyektiv axborot tarqatish masalalari jahon siyosatining dolzarb muammolariga aylandi.

1990-yillar boshlarida xalqaro munosabatlar tizimida tub buriish yuz berdi. Avval Markaziy va Sharqiylar Yevropa mamlakatlarida sotsializmning barbod bo‘lishi, keyin esa SSSRning tarqalib ketishi va «ikki qutbli dunyo» modelining barham topishi natijasida dunyoda bitta qutb, ya’ni AQSH boshchiligidagi G‘arb davlatlarining hukmronligi o‘rnatildi. Sobiq sotsialistik lager mamlakatlaridagi qiyinchiliklar, Germaniyaning birlashishi va G‘arb davlatlaridagi integratsiyalashuv jarayonlari XX asr oxiri – XXI asr boshlaridagi xalqaro munosabatlarning muhim omiliga aylandi.

Ayni paytda ikki qutbli dunyo tizimining o'zgarishi bir qator davlatlar siyosiy rivojlanishida keskin burilishga, totalitar mafkuraning barham topishiga olib keldi. Vujudga kelgan mafkuraviy bo'shliqqa millatchilik, diniy mutaassiblik, tajovuzkorlik g'oyalari kirib kela boshladi. BMTning tinchliksevarlik harakatlari har doim ham samarali bo'lmadi. Ikki qutbli dunyo barham topgandan so'ng global to'qnashuv xavfi o'rnnini lokal urushlar xavfi egalladi.

Sobiq SSSR va Yugoslaviya hududlaridagi muammolardan tashqari Yaqin Sharqdagi holat ham tangligicha qoldi. Shuningdek, Hindiston va Pokistonning yadro quroliga ega bo'lish uchun qilgan intilishlari shu mintaqadagi ziddiyatlarni kuchaytirdi.

Dunyoning turli mintaqalaridagi siyosiy beqarorlik yangidan yangi mojarolarni keltirib chiqardi. 1990-yillar oxirida Tropik va Janubiy Afrikaning bir qator mamlakatlari qonli urushlar, davlat to'ntarishlari, partizanlik harakatlari maydoniga aylandi.

**XXI asr boshlaridagi xalqaro munosabatlар.** XXI asr boshlariga kelib jahonda yangi qudratli davlatlarning paydo bo'lishi va ularning muqobil markazlarga aylanish jarayoni ko'zga tashlanib qoldi. Bu davlatlar ta'sirining oshishida ularning iqtisodiy imkoniyatlarini o'sishi asosiy omil bo'ldi. Hindiston, Pokiston va Shimoliy Koreyaning yadro quroliga ega bo'lishi bu davlatlarning xalqaro munosabatlarda mustaqilligini oshirdi. Eron ham o'z rolini oshirishga intilib, boshlagan yadroviy dasturi jahon jamoatchiligini qattiq tashvishga soldi.



Rang-barang dunyo

Xitoy va Braziliyaning jadal rivojlanishi ularni «uchinchi dunyo» mamlakatlari qatoridan iqtisodiy rivojlangan mamlakatlarning kuchi o'nligiga va jahon siyosatining yetakchilari qatoriga olib chiqdi. Shunday jadal rivojlanayotgan boshqa mamlakatlar – Turkiya, Saudiya Arabiston, Meksika, Fors ko'rfazi mintaqasidagi arab davlatlari va boshqa davlatlar xalqaro va mintaqaviy munosabatlarga kuchli ta'sir ko'rsata boshladi. Ayni paytda AQSHning xalqaro munosabatlarda bu davlatlarga ta'siri kamayib bordi. Shu tariqa ko'pqtubli dunyo modelining shakllanish jarayoni boshlandi. Bu jarayonda har bir davlat o'z o'rni ega bo'lishga intilmoqda.

O'zbekiston Respublikasi Prezidenti Sh. Mirziyoyevning 2017-yil 19-sentabrda BMTning 72-sessiyasida so'zlagan nutqi ko'pqtubli dunyo shakllanishi va globallashuv jarayonida O'zbekistonning o'rnnini belgilab berishga qaratildi. Uning Markaziy Osiyoni tinch va gullabyashnayotgan hududga aylantirish, Orol muammosini hal qilishda umumjahon ishtiroki, Afg'onistonda tinchlik o'rnatish va butun dunyo yoshlarini terrorchilik xavfidan asrab qolish zarurligi haqidagi takliflari jahon jamoatchiligi tomonidan qiziqish bilan kutib olindi.

Dunyo shiddat bilan o'zgarib bormoqda. Jahonda yangi paydo bo'lgan qudratli mamlakatlar 2008 – 2009-yillardagi jahon moliyaviy inqirozi YI va AQSHga jiddiy ta'sir ko'rsatganidan foydalanib, jahon iqtisodiyotida kuchlar nisbatini o'zgartirishga intilmoqdalar. Ayni paytda jahon iqtisodiyotining boshqaruvchanligini oshirish maqsadida G'arb davlatlarining rivojlanayotgan mamlakatlar bilan yaqinlashuvi yuz bermoqda. Shu maqsadda jahoning 20 ta iqtisodiy eng yirik mamlakatlari vakillarini birlashtirgan «Katta yigirmalik» – G-20 klubi tashkil qilindi. G-20 mamlakatlari jahon iqtisodiyotiga jiddiy ta'sir ko'rsatish imkoniyatiga ega. Zero, jahon YIMining 80%i shu mamlakatlar hissasiga to'g'ri keladi, Yer yuzi aholisining 2/3 qismi shu mamlakatlarda istiqomat qiladi.



**2017-yil 19-sentabrda ...**

**2008 – 2009-yillardagi ...**

**Eng yangi davrning uchinchi bosqichi – bu ...**

Iqtisodiy hamkorlik va integratsiyaning kuchayishiga qaramasdan, jahon hamjamiyati oldida hal qilinishi lozim bo'lgan bir qator muammolar turibdi. Ular, avvalo, Yaqin Sharq (Iroq, Falastin, Suriya), Shimoliy Koreya, Ukraina va Afrikadagi mojarolar bilan

bog'liq. Bu muammolarni hal qilishga G'arb mamlakatlari, Rossiya va Xitoyning turlicha yondashuvi ular o'rtasidagi munosabatlarni murakkablashtirmoqda.

Ikki yetakchi yadroviy davlat – AQSH va Rossiya o'rtasidagi murakkab munosabat jahon jamoatchiligi oldida turgan bir qator dolzARB muammolarni hal qilishga xalaqt bermoqda. Shunday muammolar ichida eng xavfisi xalqaro terrorizmdir. U hozir global jahon sivilizatsiyasining shakllanish jarayoni o'z yakuniy pallasiga o'tayotgan davrda yangi sifat kasb etdi va jahon siyosatida katta muammoga aylandi.

Xalqaro munosabatlardagi o'zgarishlar XXI asrda xalqaro xavfsizlik va hamkorlikka asoslangan yangi dunyo tartibini o'rnatish g'oyasining ilgari surilishiga olib keldi. Ammo bu vazifani amalga oshirish jahon mamlakatlari, birinchi o'rinda, yetakchi davlatlar o'rtasida hamkorlikni talab qiladi.

«Sovuq urush» yakunlangandan so'ng xalqaro munosabatlarda, avvalo AQSH va Rossiya o'rtasida vujudga kelgan hamkorlik holati 2014-yilgacha davom etdi. Shu yili Ukrainianada boshlangan siyosiy inqiroz Rossiya va G'arb davlatlari o'rtasidagi jiddiy qarama-qarshilikning yangi bosqichiga olib keldi.



**1990-yillar boshlarida xalqaro munosabatlar tizimida tub burilish yuz berdi.**

**AQSH va Rossiya o'rtasida vujudga kelgan hamkorlik holati 2014-yilgacha davom etdi.**

XXI asrga kirib kelgan insoniyat nafaqat global da'vatlarga, balki geosiyosiy holatning o'zgarishi bilan bog'liq muammolarga ham duch kelmoqda. Yagona buyuk davlat bo'lib qolgan AQSH o'zining yetakchilik rolini jahon hamjamiyatining xohish-irodasi sifatida taqdim etib keldi. Iraq va sobiq Yugoslaviya, Afg'oniston va Suriyada harbiy kuchning qo'llanilishi, Shimoliy Atlantika ittifoqining kengayishi, sayyoramizning boshqa mintaqalarida ham kuchdan keng foydalanish AQSHning jahonda mutlaq gegemonligini namoyish qildi. Ammo bugun xalqaro munosabatlarda tobora katta rol o'ynayotgan Xitoy, Rossiya, Hindiston kabi davlatlarning bunga rozi bo'lishi qiyin. Vujudga kelgan sharoitda insoniyatning haqiqiy xavfsizligi mamlakatlar va xalqlar o'rtasidagi qarama-qarshilikning chuqurlashuvi bilan emas, sivilizatsiyani saqlab qolish va uning gullab-yashnashini ta'minlashga qodir bo'lgan o'zaro hamkorlik bilan bog'liq bo'lib qolmoqda.



**Globallashuv** – bu jahon mamlakatlarining iqtisodiy, siyosiy, madaniy va diniy jihatdan birlashishi yoki yaqinlashish jarayoni.

**Modernizatsiya** – bu ijtimoiy tizimni jadal rivojlan-tirish maqsadida uni to'liq yoki qisman yangilash, an'anaviy jamiyatdan yangilangan jamiyatga, agrar sivilizatsiyadan industrial sivilizatsiyaga o'tish jarayoni.

**Totalitar mafkura** – mafkuraviy rejim shakli bo'lib, totalitar jamiyatda aholini keng miqyosda ommaviy ravishda mafkuraviy qayta tarbiyalash vositasidir.

**Ko'pqtubli dunyo** – jahonda bir-biridan ustun bo'lмаган bir nechta siyosiy, iqtisodiy, harbiy va madaniy markazlarning (qutblarning) mavjudlik holati.

**Uchinchi dunyo** – XX asrning ikkinchi yarmiga xos bo'lgan siyosiy atama. U «sovuz urush»da va u bilan bog'liq qurollanish poygasida bevosita ishtirok etmayotgan davlatlarga nisbatan qo'llanilgan. Dastlab AQSH tarafдорлари va sotsialistik lagerga kirmagan barcha mamlakatlar «uchinchi dunyo» deb atalgan.

**ITI (ilmiy-tehnik inqilob)** – fan va texnika taraqqiyotida yangi sifat bosqichiga o'tish, katta sakrash va uning asosida ishlab chiqaruvchi kuchlarni tubdan qayta qurish.

**Integratsiya** – bu suveren davlatlar o'rta-sida tovarlar, xizmatlar, moliya, investitsiya, ishchi kuchi erkin harakatlanadigan iqtisodiy kenglikni tashkil qilish maqsadida birlashish jarayoni.

## Mustahkamlash uchun savol va topshiriqlar

1. Ikki qarama-qarshi harbiy-siyosiy bloklar barham topgandan keyin xalqaro munosabatlarning dolzarb muammolari nimalardan iborat bo'lib qoldi?
2. 1990-yillar boshlarida xalqaro munosabatlarda yuz bergen tub burilish nimalarda namoyon bo'ldi?
3. XXI asrda ko'pqtubli dunyo modelining shakllanishi xalqaro munosabatlardagi qanday jarayonlarda ko'zga tashlanmoqda?
4. Darslikdagi materiallardan foydalanib XX asr oxiri – XXI asr boshlarida xalqaro munosabatlarga ta'sir ko'rsatayotgan muhim omillarning ro'yxatini tuzing.

## Mustaqil ish



Matnda keltirilgan xarita bilan tanishing va «Rang-barang dunyo» mavzusida esse yozing.

### 2-MAVZU. SHARQIY YEVROPA MAMLAKATLARIDA DEMOKRATIK INQILOBLAR VA SOTSIALISTIK LAGERNING PARCHALANISHI

**Sotsialistik tuzumning parchalanishi.** Sharqiy Yevropa mamlakatlariida sotsialistik tuzumning ag'darilishi turlicha ko'rinishda amalga oshirildi. Qayta qurish davrida faol islohotlar olib borgan, mafkuraviy plynuralizmni o'rnata olgan va rahbarlari o'zgarishlarning muqarrarligini his qilgan mamlakatlarda sotsializmning qulashi ancha silliq kechdi.



**Ikkinci jahon urushi Sharqiy Yevropa mamlakatlari uchun qanday natijalar bilan yakunlandi?**

Polshada aholining mamlakatdagi sotsialistik tuzumdan norozilik namoyishlari 1988-yildan boshlab kuchayib bordi va ular siyosiy islohotlarni, Lex Valensa boshchiligidagi «Birdamlik» kasaba uyushmasining erkin faoliyat yuritish huquqini talab qildi.

1989-yili bo'lib o'tgan saylovlar hukmon Polsha birlashgan ishchi partiyasining (PBIP) obro'yi tushib ketganligi, ayni paytda, muxolifatdagi «Birdamlik» kasaba uyushmasining ommalashib borayotganini ko'rsatdi. Yangi tarkibdagi parlament konstitutsiyaga o'zgarish kiritib, Polshani demokratik huquqiy davlat deb e'lon qildi. PBIP o'z faoliyatini to'xtatdi. 1990-yili navbatdan tashqari prezidentlik saylovlarida Lex Valensa g'alaba qozondi.



Lex Valensa



Ion Iliyesku

Ruminiyada kommunistik rejimning qulashi jiddiy harbiy to'qnashuv oqibatida yuz berdi. 1989-yil dekabrda Timishoara shahrida aholining N. Chaushesku rejimiga qarshi tinch namoyishi Ruminiya maxfiy xizmati xodimlari tomonidan o'qqa tutilishi mamlakat bo'ylab qo'zg'olonning boshlanishiga olib keldi. Armiya qo'zg'olonchilar tomoniga o'tdi. Bir necha ming kishilik olomon tank qismlari yordamida Davlat kengashini qamal qildi. Qo'zg'olon N. Chaushesku va uning rafiqasini sud qilish, sudning hukmiga ko'ra otib tashlash jarayoni bilan tugadi. Qo'zg'olonda mingdan ortiq kishi halok bo'ldi. Hokimiyat qo'zg'olon kunlari tashkil qilingan Milliy qutqarish fronti qo'liga o'tdi. Qo'mita raisi bo'lgan Ion Iliyesku 1990-yilgi saylovlarda mamlakat prezidenti etib saylandi.



1988-yildan Polshada ...  
1989-yilda Polshada ...

1990-yilda ....  
PBIP – bu ...

Ikkinchi jahon urushidan keyingi eng muhim voqealardan biri Germaniyaning birlashishi bo'ldi. 1980-yillar oxirida Germaniya Demokratik Respublikasida ijtimoy-iqtisodiy va siyosiy inqiroz avj olib, 1989-yil noyabrda ikki nemis davlatini ajratib turgan Berlin devorining qulashiga olib keldi. Bu amalda ikki Germaniya o'rtaSIDagi chegaraning ochilishi edi. 1990-yil sentabr oyida Moskvada ikki nemis davlatini bitta – Germaniya Federativ Respublikasiga birlashtirish to'g'risida shartnoma imzolandi.

**Sharqiy Yevropa mamlakatlari XX asr oxiri – XXI asr boshlarida.** Asosan tinch yo'l bilan amalga oshirilgan demokratik inqiloblar natijasida Sharqiy Yevropa davlatlari rivojlanishning iqtisodiy va siyosiy yo'nalishi qilib Yevropa Ittifoqini tanladi. Sharqiy Yevropaning ko'pchilik davlatlari NATOga a'zo bo'ldi.

Bozor iqtisodiga jadal o'tish bir qator jiddiy muammolarni keltirib chiqardi. Inflatsiya darajasi va ishsizlikning oshishi, turmush darajasining pasayishi, jamiyatning boylar va ko'p sonli o'ta kambag'allarga ajralishi kuzatildi. Natijada, islohotlar uchun javobgar bo'lgan hukumatlarni aholi qo'llamay qo'ydi. Polshada ijtimoiy muhitning o'zgarishi natijasida 1990-yillarning eng mashhur siyosatchilarini

dan biri Lex Valensa prezidentlik saylovlarida mag'lubiyatga uchradi. Kuchli mafkuraviy bosimga qaramasdan, so'llar Litvada, keyinchalik Albaniyada hokimiyat keldi.



Markaziy va Sharqiy Yevropa davlatlari

O'zgarishlar boshqa Yevropa mamlakatlaridagiga nisbatan **Yugoslaviyada** biroz murakkab kechdi. Oltita respublikadan tashkil topgan Yugoslaviya Federativ Respublikasida sotsialistik tuzumning qułashi millatchi va ayirmachi kuchlarning faollashuvi uchun imkoniyat yaratdi. Oqibatda 1991 – 1992-yillari Yugoslaviya davlati tarqalib ketdi. Faqat Serbiya va Chernogoriya federatsiyada qoldi. Sloveniya, Xorvatiya, Bosniya va Gersegovina hamda Makedoniya mustaqil davlatlarga aylandi. Biroq, mustaqil davlatlarga ajralish etnik ziddiyatlarni keskinlashtirib yubordi.



**1989-yil noyabrdasi ...  
1991 – 1992-yillari ...**

**1990-yili Moskvada ...**

1990-yildan keyin Serbiyada musulmon-albanlar o'zlarining «Kosovo Respublikasi»ni e'lon qildi. Bu Serbiya bilan qurolli mojaroga olib keldi va unga NATO aralashdi. 1999-yili NATO qo'shinlari Yugoslaviyani bombardimon qildi. Mojarlo Yevropa miqyosidagi inqirozga aylandi.



**Yugoslaviyaning parchalanishi**

Yana bir og'ir vaziyat Bosniya va Gersegovinada vujudga keldi. Bu yerda serblar, xorvatlar va musulmonlar tarixan qo'shni yashashgan. Shu sababli etnik farqqa diniy ziddiyat ham qo'shildi. Bosniya va Gersegovinada milliy ziddiyatlar alohida keskin tus oldi. Aholining yarmini tashkil qilgan serblar Yugoslaviya tarkibidan chiqishni istamadi va o'zlarining Bosniya serb respublikasini e'lon qildi. 1992 – 1994-yillari serblar, musulmonlar va xorvatlar o'ttasida harbiy mojarobanib ketdi va bu tinch aholi orasida ham ko'plab qurbonlarga olib keldi. Bosniyadagi etnik mojarolarni bartaraf qilish uchun bu yerga BMT tinchliksevar kuchlari kiritildi va urush harakatlari to'xtatildi. 2006-yili o'tkazilgan referendum natijasiga ko'ra, Chernogoriya Serbiyadan ajralib chiqdi. Yugoslaviya Respublikasi barham topdi.

**Chexoslovakiya** milliy muammolarni hal qilishning tinch yo'lini tanladi. 1992-yili o'tkazilgan referendum natijasiga ko'ra, mamlakat aholisi bo'linishga qaror qildi. Bo'linish jarayoni jiddiy muhokama qilinib, puxta tayyorlandi. 1993-yil 1-yanvardan jahon xaritasida ikkitita mustaqil davlat – Chexiya Respublikasi va Slovakiya Respublikasi paydo bo'ldi.

**Chexoslovakiyada milliy muammolarni hal qilish maqsadida 1992-yili referendum o'tkazildi.  
1999-yili NATO qo'shinlari Yugoslaviyani bombar-dimon qildi.**

Sharqiy Yevropa mamlakatlarida yuz bergen voqealar sezilarli xalqaro siyosiy o'zgarishlarga olib keldi. Bu mamlakatlarni endi G'arbiy Yevropa davlatlarining iqtisodiy va harbiy-siyosiy tashkilotlari – avvalo YI va NATO o'ziga jalb qildi. Vengriya, Latviya, Litva, Estoniya, Polsha, Sloveniya, Slovakiya va Chexiya, Ruminiya va Bolgariya YIga a'zo bo'ldi. Bu mamlakatlarda demokratik an'analar mavjud bo'lganligi va G'arbiy Yevropa bilan umumiy sivilizatsiyaga mansubligi ularning rivojlanishiga ijobjiy ta'sir ko'rsatmoqda. Markaziy va Sharqiy Yevropa mamlakatlarida aholi yashash darajasining o'sganligi jamiyatda demokratik islohotlarga ishonchni kuchaytirdi.

Ammo bu mamlakatlarning ko'pchiligidagi ishsizlik ancha yuqori, bir qism aholi G'arbiy Yevropaning rivojlangan davlatlariga chiqib, ish izlashga majbur bo'immoqda. Shunga qaramasdan, Markaziy va Sharqiy Yevropa G'arbiy Yevropa bilan iqtisodiy va madaniy tenglik

sari dadil qadam tashlamoqda. Bu davlatlarning eng katta muammo-laridan biri jamiyatda korrupsiya darajasining yuqoriligi bo'lib qol-moqda.



**Ko'ppartiyaviylik prinsipi** – bu zamonaviy demokratik mamlakatlarda siyosiy hayotni tashkil qilishning asosiy konstitutsiyaviy tamoyillaridan biri bo'lib, mafkuraviy plyuralizm (ko'pxillik)ning yorqin ifodalan-gan ko'rinishidir.

**Etnik mojaro** – odatda, bir-biri bilan qo'shni yashaydigan turli etnik guruhga mansub jamoalar o'rtasidagi to'qnashuv.

### Mustahkamlash uchun savol va topshiriqlar

1. Sharqiy Yevropa mamlakatlarida sotsialistik tuzumning parchalaniши qanday ko'rinishlarda amalga oshirildi?
2. Sharqiy Yevropa mamlakatlari NATOGa a'zo bo'lishda o'z xavf-sizligining kafolatidan tashqari yana qanday afzallikkarni ko'rdilar?
3. Sharqiy Yevropa mamlakatlarida sotsializm parchalangandan so'ng qanday muammolar paydo bo'ldi?
4. Matndan foydalanib sotsializm parchalangandan so'ng Sharqiy Yevropada vujudga kelgan yangi davlatlarning ro'yxatini tuzing.

### Mustaqil ish



Xaritadan foydalanib, Markaziy va Sharqiy Yevropa davlatlariga tegishli hududlarni maqomiga ko'ra tasniflang va izoh bering.



Matndan foydalanib, Sharqiy Yevropa mamlakatlarida demokratik o'zgarishlar xronologiyasini tuzing.

## **3-MAVZU. SOVET DAVLATINING PARCHALANISHI VA SOBIQ SOVET RESPUBLIKALARIDA MUSTAQILLIKNING E'LON QILINISHI**

**MDHning tashkil topishi.** 1991-yilning oxiriga kelib barcha sobiq respublikalar SSSR tarkibidan chiqqanligini e'lon qildilar. 1991-yil 8-dekabrda Rossiya, Ukraina va Belarus rahbarlari yig'ilib, SSSR siyosiy birlik sifatida tugatilganligini va Mustaqil Davlatlar Hamdo'stligi (MDH) tuzilganligini tasdiqladilar.



**SSSR qachon va qaysi davlatlar ishtirokida tuzilgan edi?**

1991-yil 25-dekabr kuni SSSR prezidenti M. Gorbachyov davlat boshlig'i vakolatlarini o'zidan soqit qilganligi to'g'risida bayonet berdi.

1991-yil dekabrda Turkmaniston poytaxti Ashxobod shahrida beshta Markaziy Osiyo respublikalari rahbarlarining uchrashuvi bo'lib, unda a'zo davlatlarning tengligi va barchasining MDH ta'sischisi sifatida ittifoqqa qo'shilishi ma'lum qilindi. 1991-yil dekabrda Qozog'istonning Olmaota shahrida bo'lib o'tgan uchrashuvda Deklaratsiya qabul qilinib, SSSR xalqaro huquq subyekti va geosiyosiy reallik sifatida o'z faoliyatini tugatganligi ta'kidlandi. Shu yil oxirigacha Boltiqbo'y respublikalari – Latviya, Litva, Estoniyadan tashqari barcha sobiq sovet respublikalari MDH tarkibiga kirdi. Ammo Gruziya 2008-yili, Ukraina esa 2014-yildan MDH faoliyatida qatnashmasligini ma'lum qildi. Mo'g'uliston MDHning bir qator tuzilmalarida kuzatuvchi sifatida ishtirok etib kelmoqda. 2008-yili Afg'oniston MDHga kirish istagini bildirib, hozir MDH parlamentlararo assambleyasida kuzatuvchi sifatida ishtirok etmoqda.

MDHning tuzilishi SSSR parchalangandan so'ng sobiq sovet respublikalari o'rtasida iqtisodiy va gumanitar aloqalarni saqlab turishda, ijtimoiy va gumanitar halokatlarning oldini olishda, paydo bo'lgan muammolarni hamkorlikda hal etishda muhim rol o'ynadi.



**MDH bayrog'i**

**SSSR tarqalgandan keyingi muammolar.** SSSR parchalangan-dan keyin tashkil topgan mustaqil davlatlarda bir qator muammolar vujudga keldi. Shulardan birinchisi siyosiy rivojlanish bilan bog'liq edi. Sobiq SSSR hududida tashkil topgan mustaqil davlatlarda siyosiy jihatdan demokratik tizimning qaror topishi juda og'ir kechdi, aksariyat davlatlarda avtoritar rejimlar o'rnatildi. Buning bir qancha sabablari mavjud. Eng asosiysi, demokratik tamoyillarning e'lon qil-nishiga qaramasdan, rahbarlik usullarida, ijtimoiy ongda sovet davri-dan beri yashab kelayotgan totalitar tafakkur ustunlik qildi. Natijada, sobiq sovet respublikalarida nisbatan demokratik yo'l bilan hokimi-yatga kelgan rahbarlar shu yo'lni davom ettirmadi, turli xil usullar va bahonalar bilan o'z shaxsiy hokimiyatini mustahkamlash va uni saqlab qolish yo'lidan bordi. Muxolifat shafqatsiz bartaraf qilindi va oqibatda avtoritar rejimlar shakllandi.

Sobiq sovet respublikalarining iqtisodiy rivojlanishi biroz boshqa-cha kechdi. Ularning bir qismida sovet rejali iqtisodiyotining belgilari saqlanib qolgan bo'lsa-da, asosiy qismi bozor iqtisodiyoti yo'lini tanladi.



**1991-yil dekabrda ...**

**1991-yil 25-dekabr kuni ...**

**2008-yili ...**

SSSRning tarqalib ketishi sobiq respublikalar o'rtasidagi an'anaviy iqtisodiy aloqalarning buzilishiga olib keldi. Mustaqillikka erishgan sobiq sovet respublikalari qaytadan Rossiya ta'siriga tushib qolmaslik uchun ehtiyyotkorlik bilan harakat qildilar. Rossianing iqtisodiy, texno-logik va harbiy imkoniyatlari pasayishi sababli uning xalqaro may-dondagi obro'yi ham tushib ketdi. XX asrning so'nggi o'n yilda Rossianing jahon xo'jalik aloqalarida ishtiroki keskin qisqardi.

SSSRning parchalanishi Rossiya uchun geostrategik holatning jid-diy o'zgarishiga olib keldi. Rossianing xalqaro obro'yi ham pasayib, Yugoslaviya, Iroqdagi kabi keskin xalqaro muammolarni hal qilishda deyarli ishtirok etmadi.

1990-yillarning ikkinchi yarmida Rossiyadagi iqtisodiy-ijtimoiy holat va Rossiyadan tashqaridagi ruslar muammosi alohida dolzarblik kasb etdi. Bunga sobiq SSSRning turli hududlaridan Rossiyaga ko'chib ke-layotganlar muammosi ham qo'shildi. Shu davrda ruslar dunyodagi eng katta bo'lingan millat bo'lib qoldi. SSSR tarqalib ketgandan so'ng 80 mln rus Rossiya hududidan tashqarida qolib ketdi.



**1990-yillarning ikkinchi yarmida ...  
1999-yil oxirida ...  
XXI asr boshlarida ...**

1999-yil oxirida B. Yelsin prezidentlik vakolatlarini V. Putinga topshirdi. 2000-yil mart oyida bo'lib o'tgan saylovlarda V. Putin Rossiya prezidenti etib saylandi. U davlatni boshqarish tizimini isloh qildi. Markaziy hokimiyatni mustahkamlab, joylardagi o'zboshimchalikka chek qo'ydi. O'ylab olib borilgan iqtisodiy, ijtimoiy, moliyaviy siyosat tufayli 2000-yillar boshlariga kelib, Rossiya og'ir ahvoldan chiqib oldi. Tashqi siyosatda AQSH va G'arbnинг yetakchi davlatlari bilan munosabatlар tarangligicha qoldi. Ayniqsa, 2014-yili Ukrainada yuz bergan navbatdagi «rangli inqilob» tufayli hokimiyat almashgandan so'ng Qrimning Rossiyaga qo'shilishi ortidan G'arb davlatlari Rossiyaga qarshi iqtisodiy sanksiyalar e'lon qildi, u «Katta sakkizlik»—G-8 dan chiqarildi. Rossiya iqtisodiyotida bir qator muammolar paydo bo'ldi, rubuning qiymati tushib ketdi. Hozir Rossiya BRIKS va SHHT doirasida hamkorlikni kuchaytirmoqda. MDH davlatlari o'rtasidagi o'zaro munosabatlар ham oson kechmadi. Rossiya bilan Ukraina o'rtasida Qora dengiz flotini bo'lib olish, Qrim yarimorolidagi Sevastopol shahrining maqomi to'g'risida keskin bahslar ketdi. Rossiya bilan Boltiqbo'yи davlatlari o'rtasida ham u yerda yashovchi ko'п sonli rusiy zabon aholi huquqlari va hududiy masalalar bo'yicha qattiq tortishuvlar bo'lib o'tdi. Tojikiston va Moldova respublikalarida fuqarolararo mojarolar yuz berгanda, Rossiya o'zining iqtisodiy va strategik manfaatlari yuzasidan bu muammolarni bartaraf qilishda qatnashdi.



**2000-yillardan boshlab MDH davlatlari yaxshi iqtisodiy o'sish sur'atlarini namoyish etmoqda.  
2014-yili Ukrainianada «rangli inqilob» tufayli hokimiyat almashdi.**

XXI asr boshlarida Rossiya tashqi siyosatida ham judiy o'zgarishlar yuz berdi. MDH davlatlari bilan ham munosabatlarga katta e'tibor berila boshladi. Masalan, 2017-yili O'zbekiston va Rossiya munosabatlari yangi bosqichga ko'tarilib, ikki 100 yilning yonta hamkorlik kelishuvlari imzolandi.

O'ZBEKISTON RESPUBLIKASI
XALQ TA'LIMI VAZIRLIGI
MDH DAVLATLARI HAMCORLIK O'ZGARISHLAR
MUNOSABATLARIGA KATTA E'TIBOR
IZBOSHAN TUMKANI
KALE TA'LIMI BOSSHARMASI
XXI ASR BOSHЛАРИ
TA'LIM MAKTABI
11.07.2018 y
No 1/26
171220 TOSHLOQ MFY

2000-yillardan boshlab MDH davlatlari yaxshi iqtisodiy o'sish sur'atlarini ko'rsatib kelmoqda. 2012-yil natijalari bo'yicha MDH davlatlarida YIMning o'sishi 4% ni tashkil qildi. Aholi jon boshiga YIMning hajmi bo'yicha MDH mamlakatlari Lotin Amerikasi, Yaqin Sharq kabi mintaqalarni quvib o'tdi.

Bugungi kunga kelib, MDHdan tashqari mintaqaviy xalqaro tashkilotlar ham paydo bo'ldi. Shanxay Hamkorlik Tashkiloti (SHHT), Bojxona Ittifoqi shular jumlasidan bo'lib, O'zbekiston Respublikasi bu tashkilotlar faoliyatida o'zaro manfaatdorlik va tenglik asosida qatnashib kelmoqda.



**Geostrategiya** – davlatning xalqaro maydonda olib boradigan tashqi siyosiy va iqtisodiy faoliyati yo'nalishlari. Geostrategiya milliy xavfsizlik doktrinasining ajralmas qismi bo'lib, geosiyosiy yoki geoiqtisodiy makonda o'z maqsadiga erishish uchun davlat tomonidan qo'llaniladigan harakat texnologiyalarini ham o'z ichiga oladi.

**«Rangli inqilob»** – bu XX asr oxiri – XXI asr boshlaridagi norozilik namoyishlari va ular natijasida yuz bergen hokimiyat almashinuvlarining umumiy nomi.

### Mustahkamlash uchun savol va topshiriqlar

1. SSSR parchalangandan so'ng sobiq sovet davlati hududida MDH qanday rol o'ynadi?
2. Mustaqillikka erishgan sobiq sovet respublikalari rivojlanishida qanday siyosiy va iqtisodiy muammolar vujudga keldi?
3. 2010-yillardan keyin Rossiya va MDH davlatlari o'rtaqidagi munosabatlarda qanday o'zgarishlar yuz berdi?
4. 2000-yillardan boshlab MDH davlatlari rivojlanishida qanday o'zgarishlar ro'y berdi?

### Mustaqil ish



Internetdan foydalanib, Mustaqil Davlatlar Hamdo'stligiga doir suratlarni izlab toping va rangli klaster tuzing.

### 4-MAVZU. 1991–2017-YILLARDA ROSSIYA FEDERATSIYASI

**Iqtisodiy islohotlar.** 1991-yilgi avgust inqirozidan so'ng Rossiyada asosiy lavozimlarga demokratik kuchlar vakillari emas, kommunistik partiya faollari keldi. Qayta qurish yillarida bu faollarning ko'pchiligi kommunistik partiya bilan aloqalarini uzgan bo'lsa-da, ularning islohotchilik imkoniyatlari cheklangan edi. B. Yelsin tomonidan Bosh vazir lavozimiga taklif qilingan Y. Gaydar Rossiyadagi islohotlarning «arxitektori» bo'ldi.



**«Qayta qurish» qanday sabablarga ko'ra o'zini oqlamadi?**

Islohotlar juda og'ir kechdi. Milliy daromad va sanoat ishlab chiqarishi pasayib ketdi. 1992-yil 1-yanvardan erkin qo'yib yuborilgan narxlar keskin ko'tarildi. Ko'pchilik oilalarda oziq-ovqat xarajatlari oila daromadining asosiy qismini tashkil qildi. Oqibatda urushdan keyingi davrda birinchi marta Rossiya aholisi kamaya boshladи.

Inflatsiya va siyosiy beqarorlik investitsiyalarning kirib kelishiga to'sqinlik qildi. 1999-yilga kelib Rossianing tashqi qarzi 130 mlrd dollardan oshib ketdi. Xalqaro moliya tashkilotlari qarz bermay qo'ydi. Mamlakatning iqtisodiy ahvoli ijtimoiy holatga ham ta'sir ko'rsatdi. Ish-sizlar, qochoqlar, qashshoqlar va boshpanasizlar soni keskin ko'paydi.



**1991-yilgi avgust ...  
Y. Gaydar ...**

**1992-yil 1-yanvardan ...  
1999-yilga kelib ...**

**Ichki siyosiy hayot.** Siyosiy jahbada ham muhim o'zgarishlar yuz berdi. 1991-yilgi avgust voqealari, SSSRning tarqalishi va «shok terapiyasi» jamiyatda ijtimoiy tanglikni oshirdi. Ish tashlashlar va siyosiy namoyishlar keng quloch yoydi.

1993-yili prezident B. Yelsin Xalq deputatlari syezdi va Oliy Sovetni tarqatib yubordi, davlat hokimiyatining yangi organlari – Federatsiya

Kengashi va Davlat Dumasiga saylovlar hamda mamlakatning yangi konstitutsiyasi haqida referendum o'tkazish to'g'risida farmonni imzoladi. Oliy Sovet rahbariyati va Konstitutsion sudning ko'pchilik a'zolari prezident farmonini konstitutsiyaga xilof deb hisoblab, unga qarshi chiqdi.



Bunga javoban Oliy Sovet binosi qo'shinlar tomonidan o'rab olindi va artilleriyadan o'qqa tutildi.

1993-yil dekabrda Federatsiya Kengashi va Davlat Dumasiga saylovlar bo'lib o'tdi. U birinchi marta partiyaviy ro'yxat bo'yicha o'tkazildi. Saylov natijalariga ko'ra, Davlat Dumasida «Rossiya yo'li», LDPR (Rossiya liberal-demokratik partiyasi), KPRF (Rossiya Federatsiyasi kommunistik partiyasi) partiyalari eng ko'p o'rirlarni egalladi.

Ovoz berishda qatnashganlarning ko'pchiligi prezident tomonidan taklif qilingan Rossiya Konstitutsiyasining loyihasini ma'qulladi. Yangi Asosiy qonun qabul qilinishi bilan hokimiyatning sovet tizimi barham topdi.

Shunday qilib, Rossiyada XX asrning 90-yillarda amalga oshirilgan eng muhim siyosiy islohotlar sovetlardan qolgan hokimiyat tizimini buzish, uning o'rnda zamonaviy va demokratik hokimiyat tizimini yaratish uchun harakatning boshlanishi bo'ldi.



Boris Yeltsin

**Millatlararo munosabatlar.** Rossiya ko'pmillatlilik mamlakat. Shu sababli millatlararo munosabatlar Rossiya uchun doimo dolzarb bo'lib kelgan. Ayniqsa, katta o'zgarishlar davrida bu muammo birinchi o'ringa chiqadi. SSSR tarqalgandan so'ng og'ir holat vujudga keldi. 1991-yil oxiri – 1992-yil boshlarida Tatariston, Boshqirdiston va Yoqtistonligi milliy harakatlar o'zlarining syezdalarini o'tkazib, ularda RSFSR tarkibidan chiqish masalasi qo'yildi. Chechen-Ingush Avtonom respublikasida Chechen xalqining umummiliy kongressi avtonomiyanı Checheniston va Ingushetiyaga bo'lishni, Chechenistonning RSFSR tarkibidan chiqishini bildirdi. 1992-yili Tatariston ham o'z davlat mustaqilligini e'lon qildi.

Bularning hammasi markaziy hokimiyatni Federativ Sharhnomalar imzolashini tezlashtirishga majbur qildi. Federativ Sharhnomalar 1992-yil mart oyida Tatariston va Checheniston bilan tashqari barcha subyektlar tomonidan imzolandi. Markaz va mintaqalarning vakolatlari Rossiya Konstitutsiyasida ham o'z aksini topdi.



**1992-yili Tatariston o'z davlat mustaqilligini e'lon qildi.**

**1999-yilga kelib, Rossiyaning tashqi qarzi 130 mlrd dollardan oshib ketdi.**

Tatariston prezidenti etib saylangan M.Shaymiyev voqealar rivojini o'z qo'liga olishga erishdi. Tatariston 1994-yilda federal hokimiyat bilan vakolatlarni taqsimlash to'g'risida shartnomani imzoladi.

Checheniston markaz bilan har qanday shartnomalar tuzishni rad etish yo'lidan bordi. U bilan munosabatlar fojiali xarakter kasb etdi. 1996-yili Checheniston bilan federal markaz o'rtaida boshlangan urush 2000-yilgacha davom etdi. Bu urush ikkinchi jahon urushi dan so'ng SSSR hududida yuz bergan eng katta harbiy to'qnashuv bo'ldi. Urush Rossiyaga bir necha mlrd dollar zarar yetkazdi, ikki tomonidan 120 mingdan ortiq kishi qurban bo'ldi.

**1990-yillardagi tashqi siyosat.** SSSRning tarqalib ketishi Rossiya uchun jiddiy geosiyosiy o'zgarishlarga olib keldi. Mamlakat Sharqiy va Markaziy Evropadagi an'anaviy ittifoqchilaridan ayrıldi, ular NATO bilan hamkorlik qila boshladilar. Boltiqbo'yı va boshqa MDH mamlakatlarida milliy yetakchilarning hokimiyatga kelishi ularning ko'pchiligi bilan Rossiya munosabatlarini murakkablashtirdi.

Qanday qilib bo'lsa ham, G'arb bilan munosabatlarni yaxshilash uchun qilingan harakatlar shunga olib keldiki, Rossiya asta-sekin

xalqaro maydonda o‘zining mustaqil rolini yo‘qotib bordi. Yildan yilda oshib borayotgan Rossiyaning G‘arb davlatlariga iqtisodiy qaramligi ham mamlakat xavfsizligiga putur yetkazdi.

**Rossiya XXI asrda.** B. Yelsin 1999-yil dekabr oyida iste’foga chiqdi. Vaqtincha prezident lavozimini egallagan Vladimir Putin 2000-yil mart oyida bo‘lib o‘tgan saylovlarda Rossiya prezidenti etib saylandi.



**1993-yil dekabrdra ...  
1996-yili ...**

**1992-yil martda ...  
2000-yil martda ...**

V. Putin o‘zining kuchli davlat hokimiyati tarafdori ekanligini ko‘rsatdi. Yangi prezidentning dastlabki harakatlari jamiyat hayotida davlat hokimiyatining roli va obro‘yini mustahkamlashga qaratildi. Xalqaro maydonda ham Rossiyaning roli tiklanib bordi.

2008-yil avgust oyida Gruziya o‘zining tarkibiy qismi hisoblangan Janubiy Osetiya va Abxaziyada konstitutsion tartibni tiklash maqsadida bu hududlarni artilleriyadan bombardimon qilishni boshladi. Shundan so‘ng mojaroga Rossiya qo‘shlari aralashib, Gruziya hududigacha bostirib kirdi. Harbiy mojaro tezda yakunlandi. Ammo Rossiya – Gruziya munosabatlari keskin yomonlashdi.

2014-yil fevral oyida Ukrainada hokimiyat almashdi. Qrimda hokimiyatga kelgan rossiyaparastlar Kiyevdagi yangi hukumatni tan olmadidi. 2014-yil 16-martda ular referendum o‘tkazib, uning natijasiga binoan Qrimning mustaqilligini e’lon qildi va Rossiya Federatsiyasi tarkibiga kirish to‘g‘risida shartnoma imzoladi.



Vladimir Putin

Rossiyaning Ukrainianaga nisbatan siyosatidagi yana bir muammoli jihat Ukrainianing sharqida, xususan, Donetsk va Lugansk viloyatlarida bo‘layotgan voqealar bilan bog‘liq. Bu yerda ham Ukrainianadagi hokimiyat almashinuvini tan olmagan bir guruh rusiy zabon yetakchilar tomonidan Donetsk va Lugansk Xalq respublikalari e’lon qilinib, o‘z armiyalarini shakllantirdi.

Tashqi siyosatda Rossiya hal qilishi lozim bo‘lgan masalalardan biri Suriya muammosi bo‘ldi. Rossiyaning harbiy-kosmik kuchlari 2015-yil sentabrdan boshlab Suriyadagi janglarda ishtirok etmoqda. Suriyada ISHID (Iraq va Shom islom davlati) va boshqa xalqaro terrorchi

tashkilotlarga qarshi kurashda Rossiya bir qator yutuqlarga erishdi. Bu unga o‘zining geosiyosiy mavqeyini mustahkamlash imkonini berdi.



**Shok terapiyasi** – bu iqtisodiy nazariya, shuningdek, shu nazariyaga asoslangan keskin iqtisodiy islohotlar.

### Mustahkamlash uchun savol va topshiriqlar

1. Rossiyada Y. Gaydar hukumati tomonidan amalga oshirilgan iqtisodiy islohotlar qanday natijalarga olib keldi?
2. 1990-yillari Rossiyada amalga oshirilgan eng muhim siyosiy islohotning mohiyati nimadan iborat edi?
3. Rossiyada 1990-yillari vujudga kelgan millatlararo tanglik qanday usullar bilan hal etildi?
4. XXI asrda Rossiya tashqi siyosatda qanday muammolarni hal qilishga urinmoqda?

### Mustaqil ish



**Xaritaga asoslanib, SSSR parchalanganidan so‘nggi Rossiya Federatsiyasi hududini tahlil eting.**

### 5-MAVZU. 1991 – 2017-YILLARDA UKRAINA, BELARUS VA MOLDOVA RESPUBLIKALARI

**Ukraina.** 1991-yil 24-avgustda Ukraina o‘z mustaqilligini e’lon qildi. 1991-yil dekabrda o’tkazilgan referendumda mutlaq ko‘pchilik aholi Ukraina mustaqilligi uchun ovoz berdi.

Referendum bilan birga Ukraina prezidentligiga o’tkazilgan saylovlarda Leonid Kravchuk Ukrainaning birinchi prezidenti etib saylandi.

Mustaqillik e’lon qilindi. Ammo yuqori samarali, barqaror milliy iqtisodni tashkil qilmasdan real siyosiy mustaqillikni qaror toptirish mumkin



Leonid Kravchuk

XX asr 90-yillarining ikkinchi yarmidan ish haqidan qarzdorlikni bartaraf qilish, chet el kreditlari va valuta bozorini tartibga solish hisobiga iqtisodiy holat o'zgardi, 1996-yili milliy valuta – grivna muomalaga kiritildi. Ammo kutilganidek, chet el investitsiyasi mamlakatga oqib kelmadi, grivna tez qadrsizlanib bordi.

XX asr oxiriga kelib, ko'plab korxonalarda mulkdorlar almashdi, yangi xo'jayinlar ishlab chiqarishni tiklashga kirishdi. Yuqori malakali va juda arzon ishchi kuchi hamda qudratli sanoat bazasi Ukraina iqtisodiga mablag' kiritishni foydali qilib qo'ydi. Bu o'zgarishlar iqtisodning barqarorlashuvini, keyin esa iqtisodiy o'sishni ta'minladi. Ammo bu ko'pchilik MDH mamlakatlaridagi singari Ukrainada ham rahbar elitaning korrupsiyalashuviga, aholi katta qismining esa qashshoqlashuviga olib keldi.

**Ukrainada davlat qurilishi va siyosiy jarayonlar.** Mustaqillikning dastlabki yillarida Ukraina oldida turgan eng muhim vazifalardan biri davlat qurilishi muammosi edi. 1996-yili qabul qilingan Ukraina konstitutsiyasi bu jarayonning huquqiy asosi bo'ldi.

Ammo siyosiy beqarorlik va iqtisodiy qiyinchiliklar uzoq yillardan beri hal qilinmay kelinayotgan ijtimoiy muammolar bilan qo'shib, bir qator siyosiy inqirozlariga olib keldi. 2004-yilgi saylovlarda Viktor Yanukovichning g'olib deb e'lon qilinishi ko'pmingkishilik norozilik namoyishiga sabab bo'ldi. Natijada, o'tkazilgan uchinchi tur saylovlarida «Bizning Ukraina» bloki yetakchisi Viktor Yushchenko Ukraina prezidenti etib saylandi. Lekin V. Yushchenko mamlakatda katta ijobjiy o'zgarishlar qilishga erisha olmadi. Shu sababli 2010-yilgi saylovlarda V. Yanukovich g'olib chiqdi. U mamlakatdagi ijtimoiy tizimni to'liq isloh qilishga kirishdi. Ammo uning 2013-yili Yevroittifoq bilan hamkorlik to'g'risida kelishuvni imzolashdan bosh tortishi siyosiy inqirozga sabab bo'ldi. Kiyev va boshqa shaharlarda ommaviy norozilik chiqishlari bo'lib, ular ijtimoiy tarmoqlarda «Yevromaydan» nomini oldi. V. Yanukovich Ukrainiani tark etdi. 2014-yil bo'lib o'tgan saylovlarda Pyotr Poroshenko Ukraina prezidenti etib saylandi.

Qrim Avtonom respublikasi va Sevastopol shahri Rossiyaga qo'shib olingandan so'ng esa Ukraina bilan Rossiya o'rtasidagi munosabatlar o'ta keskinlashdi.



Pyotr Poroshenko

emasdi. SSSRni qamrab olgan iqtisodiy inqiroz, umumittifoq iqtisodiy kompleksining barbod bo‘lishi boshqalar qatori Ukrainaga ham jiddiy ta’sir ko‘rsatdi. Mustaqillik e’lon qilinishi paytida Ukraina iqtisodiyoti kuchsiz holatda edi.

Inqiroz sanoat va qishloq xo‘jaligini qamrab oldi. Inqirozdan chiqishning ko‘plab dasturlari ishlab chiqildi, ammo ulardan birortasi ham oxirigacha amalga oshirilmadi.



**Sobiq Ittifoqda 1991-yil 19–21-avgust kunlari qanday voqealar sodir bo‘lgan edi?**



Ukraina Respublikasi



1991-yil 24-avgustda ...  
2004-yilgi ...

1996-yili ...  
2014-yil ...

Ukrainadagi yangi hokimiyatni jahon jamoatchiligi tan oldi. Agar poytaxtda, shimoliy, markaziy va g'arbiy mintaqalarda Yevrointegratsiya tomon intilayotgan yangi hukumat tezda tan olinib, aholining xayrixohligiga erishgan bo'lsa, janubi-sharqi hududlarda rusiyabzon aholining norozilik chiqishlari kuchayib bordi. Bu hudud aholisi tari-xan Rossiya bilan bog'liq bo'lgani uchun ikki davlat o'rtaсидаги alo-qalarni saqlab qolishni talab qildi va o'ta o'ng, ekstremistik, millatchi guruhlarning o'z mintaqasida tarqalishiga qarshi chiqdi. Rossiyaparast yetakchilar boshchiligidagi bu harakatlar Donetsk va Lugansk viloyatlarda qurolli qarama-qarshilikka aylanib ketdi. Ukraina rahbarlari bu hududlarda antiterror operatsiya boshlanishini e'lon qildi, bu esa ikki tomon o'rtaсида keng miqyosdagi urush harakatlariga olib keldi. 2014-yil sentabr oyida Belarus Respublikasi poytaxti Minsk shahrida Rossiya, Ukraina hamda Donetsk va Lugansk viloyatlari vakillari o'rtaсида harbiy harakatlarni to'xtatish to'g'risida kelishuv imzolandi. Ammo 2015-yil yanvar oyining o'rtaридан janglar yana boshlanib ketdi. Shu yil fevral oyida Germaniya, Fransiya, Rossiya va Ukraina davlat rahbarlari Minsk shahriga yig'ilib, Ukraina sharqida harbiy mojaroni hal etish to'g'risida yangi kelishuv imzoladi (Minsk – 2). Ammo urush to'xtamayapti. 2017-yil noyabr oyida artilleriyadan o'zaro otishmalar yangidan boshlanib ketdi. G'arb davlatlari va Ukraina bu mojaroda Rossiyanı isyonchilarni qo'llab-quvvatlashda ayblab kelmoqda. Rossiya esa buni rad etib, mojaro Ukrainianing ichki ishi ekanligini ta'kidlamoqda.



Aleksandr Lukashenko

**Belarus Respublikasi.** Belarus poytaxti Minsk shahrining 1944-yili nemis fashistlaridan ozod qilingan kuni – 3-iyul Mustaqillik kuni sifatida nishonlanadi.

1994-yil qabul qilingan konstitutsiyaga binoan Belarus Respublikasi unitar demokratik ijtimoiy-huquqiy davlat deb e'lon qilindi. 1994-yil bo'lib o'tgan saylovlarda Aleksandr Lukashenko mamlakat prezidenti etib saylandi. Uning tashabbusi bilan referendum

o'tkazilib, belarus tili bilan bir qatorda rus tiliga ham davlat tili maqomi berildi, davlat bayrog'i o'zgartirildi, prezidentning vakolatlari kengaytirildi.

Belarus va Rossiya o'rtaida Do'stlik, yaxshi qo'shnichilik va hamkorlik to'g'risida, keyin esa Rossiya va Belarus o'rtaida Ittifoq davlatni tuzish to'g'risida shartnomalar imzolandi. Shartnoma Rossiya va Belarus o'rtaida yaqinlashuv va huquqiy, iqtisodiy, moliyaviy, bojxona va boshqa tizimlarini birlashtirishni, davlatlararo hokimiyat tizimlarini shakllantirishni, ayni paytda davlatlar mustaqilligi va suvereniteti saqlanib qolishini ko'zda tutadi.

1996-yili birinchi Umumbelarus xalq yig'ini mamlakatning 1996 – 2000-yillarga mo'ljallangan ijtimoiy-iqtisodiy rivojlanishi asosiy yo'nalishlarini tasdiqlagandan so'ng Belarusda asta-sekin iqtisodiy yuksalish kuzatildi. 2000-yilga kelib sanoat hamda xalq iste'moli mahsulotlarini ishlab chiqarish va aholining real daromadlari inqirozdan oldingi darajadan oshib ketdi. Fuqarolarning o'rtacha oylik daromadi MDH davlatlari orasida eng yuqorilaridan biri bo'lib qoldi.

Oziq-ovqat mahsulotlari ishlab chiqarish bo'yicha ham Belarus MDH davlatlari orasida oldingi o'rinnlardan birini egallaydi. Belarus sut va sut mahsulotlari yetkazib beruvchi dunyoning ilg'or mamlakatlari qatoriga kiradi.

**Moldova Respublikasi.** Moldaviya 1991-yil 27-avgustda o'z mustaqilligini e'lon qildi. Moldova Respublikasi nomini olgan davlatning birinchi prezidenti etib Mircha Snegur saylandi.

1990-yili Moldovaning Ruminiya bilan integratsiyalashuvi jarayonida respublikaning janubi-sharqiy mintaqalaridagi mahalliy rusiy-zabon aholi orasida ayirmachilik kayfiyatlari kuchaydi. Ular o'zlari yashaydigan hududni Dnestrbo'yи Moldaviya Respublikasi deb e'lon qildi. Bu qonli to'qnashuvga olib keldi va Rossiya armiyasi aralashgandan so'ng urush to'xtatildi.

**1991-yil 24-avgustda Ukraina o'z mustaqilligini e'lon qildi.**

**Belarusda 3-iyul Mustaqillik kuni sifatida nishonlanadi.**

**Moldaviya 1991-yil 27-avgustda o'z mustaqilligini e'lon qildi.**





Igor Dodon

Moldova iqtisodiy jihatdan agrar-industrial mamlakatlar qatoriga kiradi. Uning iqlimi qishloq xo'jaligi uchun juda qulay. Mamlakatda mineral resurslar zaxirasi yo'q, shu sababli iqtisodiyot qishloq xo'jaligiga asoslangan. Aholining yarmidan ko'pi qishloqlarda yashaydi. Eksportning asosiy qismini oziq-ovqat va to'qimachilik mahsulotlari tashkil qiladi. Moldova – Yevropaning eng kambag'al mamlakatlaridan biri. Ammo 2009-yilgi inqirozdan so'ng Moldova jadal rivojlanishni boshlab yubordi.

Shunday bo'lsa-da, holat beqarorligicha qolmoqda. 2017-yil may oyida bo'lib o'tgan prezident saylovlarida Rossiya bilan yaxshi munosabatlar tarafdori bo'lgan Igor Dodon g'olib chiqdi.



**Korrupsiya** – bu amaldor shaxs tomonidan o'z vakolatlarini va unga ishonib topshirilgan huquqlarni, shuningdek, rasmiy lavozim bilan bog'liq obro'yni va aloqalarini qonunga va axloq me'yorlariga xilof ravishda o'z shaxsiy manfaatlari yo'lida suiste'mol qilish.

**Antiterror operatsiya** – bu terroristik aktni bartaraf qilish, aholi, tashkilot va muassasalarning xavfsizligini ta'minlash, shuningdek, terroristik aktning oqibatlarini bartaraf qilish uchun o'tkaziladigan maxsus tadbirlar (jangovar, harbiy) kompleksi.

### Mustahkamlash uchun savol va topshiriqlar

1. XX asr oxiriga kelib qanday o'zgarishlar Ukrainada kapitalistik iqtisodning shakllanishiga olib keldi?
2. Ukrainada 2014-yilgi siyosiy inqiroz natijasida qanday muammolar paydo bo'ldi?
3. Belarus Respublikasi mustaqillik yillari iqtisodiy rivojlanishda qanday yutuqlarga erishdi?
4. Moldova Respublikasi oldida mustaqillik yillari qanday siyosiy va iqtisodiy muammolar paydo bo'ldi?
5. Ukraina, Belarus va Moldova respublikalari rivojlanishidagi umumiy jihatlarni ko'rsatib bering.

## Mustaqil ish



Matndan foydalaniib, Ukraina, Belarus va Moldova respublikalarining mustaqillik yillarida erishgan yutuq va kamchiliklarini SWOT-chizmasi asosida tahlil qiling va daftaringizga yozing.



Pyotr Poroshenko, Aleksandr Lukashenko, Igor Dodonlar haqidagi ma'lumotlarni izlab topping va tarixiy shaxslar faoliyatiga baho bering.

### 6-MAVZU. 1991 – 2017-YILLARDA BOLTIQBO'YI DAVLATLARI

Boltiqbo'yi respublikalari deganda, odatda, Latviya, Litva va Estonia tushuniladi.



**O'rta asrlarda Boltiqbo'yi respublikalari hududida qaysi xalqlar yashagan?**

Mustaqillik e'lon qilingandan boshlab Boltiqbo'yi respublikalari jadal ravishda bozor iqtisodiyotini joriy qilishga, o'zlarining G'arb davlatlari bilan munosabatlарини mustahkamlashga kirishdi. Uchala davlat ham 2004-yilda NATOga, shu yili YIga a'zo bo'ldi.

Mustaqillik yillarida obro'li xalqaro tashkilotlarga a'zo bo'lgan bu davlatlar shiddat bilan iqtisodiy rivojlanish yo'liga kirdi. Shu jadal rivojlanish tufayli ular «Boltiq yo'lbarslari» deb ataldi. Ammo bunday shiddatli rivojlanish 2008 – 2009-yillardagi inqirozgacha davom etdi.

**Latviya.** 1988-yili tuzilgan Latviya Xalq fronti mustaqillik uchun kurash boshladi. Natijada 1990-yil 4-mayda Latviya o'z mustaqilligini e'lon qildi.

Mustaqillik yillarida Latviya sovet davrida qurilgan yirik sanoat korxonalarini, jumladan, elektrotexnika buyumlarini ishlab chiqaruvchi eng yirik VEF, mikroavtobuslar ishlab chiqaruvchi RAF zavodlarini yopdi. Bu ko'plab tajribali ishchi-mutaxassislarining qisqarishiga, ishsizlar sonining keskin oshishiga olib keldi. Baliq mahsulotlarini qayta



Latviya presidenti  
Raymonds Veyonis

ishlash zavodi ham katta zarar ko'rdi. Hokimiyatga kelgan yangi siyosiy kuchlar bank sektori va logistikani rivojlantirishga qaror qildi. Dastlab G'arb davlatlarining investitsiyalari jadal iqtisodiy o'sishga olib keldi. Ammo 2008-yilgi inqiroz chet el investitsiyalariga to'liq qaram bo'lgan mamlakat iqtisodining o'ta beqarorligini ko'rsatdi va katta zarar yetkazdi. Shu davrdan Latviyada iqtisodiy rivojlanish ko'rsatkichlari tushib ketdi. 2010-yilda kelib mamlakat yalpi milliy mahsuloti hajmi 1990-yilgi ko'rsatkichga ham yetmadi.

Ishsizlikning yuqori darajasi tufayli aholi ish izlab ommaviy ravishda G'arb davlatlariga ketishga majbur bo'lmoqda. SSSR tarqalgandan so'ng Latviya aholisi 400 ming kishiga kamaydi.

Mamlakat oldida turgan muammolardan yana biri etnik muammomdir. Mustaqillik yillarida sovetlar davrida bu yerga ko'chib kelgan rusiyzabon aholiga va ularning avlodlariga Latviya fuqaroligi berilmadi. Rusiyzabon aholi hozir Latviya aholisining 30% ini tashkil qilmoqda. Mamlakatda latish va rus millatiga mansub fuqarolar o'rtaida munosabat ham tarangligicha qolmoqda.

**Litva.** 1988-yil iyunda Litvada «Sayudis» («Harakat») tashkiloti tuzildi va o'z oldiga Litvaning mustaqillikka erishishini ta'minlash vazifasini qo'ydi.



Boltiqbo'yи davlatlari

1990-yil 11-martda Litva Oliy Soveti Litva Respublikasining mustaqilligini e'lon qildi. Ammo mustaqillik osonlikcha qo'lga kiritilmadi. 1991-yil 13-yanvar kuni Vilnyusda mustaqillikni qo'llab o'tkazilgan namoyishda teleminora va parlament binosini sovet qo'shinlaridan himoya qilgan 14 nafar namoyishchi halok bo'ldi. Shu davrdan Litva bilan tugab borayotgan SSSR rahbarlari o'rta sidagi munosabatlar deyarli uzildi.



**«Boltiq yo'lbarlari» ...      1991-yil 13-yanvar kuni ...  
2008-yilgi ...      2010-yilga kelib ...**

Bu respublikaning etnik tarkibi Latviya va Estoniyaga nisbatan bixilligi bilan ajralib turadi. Aholining 90% ga yaqinini litvaliklar tashkil qiladi. Shu sababli mustaqillikdan so'ng mamlakatda yashovchi barcha aholiga millatidan qat'i nazar Litva fuqaroligi berildi.

Litva ham 2008-yildan keyin og'ir ijtimoiy-iqtisodiy inqirozni boshdan kechirdi. 2010-yili ishsizlar soni 20% ga yaqinlashdi. Odamlarning ish izlab ko'plab Yevropa mamlakatlariiga ko'chib ketishi oqibatida aholi soni umuman o'smayapti, aksincha, kamaymoqda. Inqiroz tufayli ko'plab litvaliklar G'arbg'a ko'chib ketdi.

**Estoniya.** Estoniyada «Xalq fronti» 1988-yili tashkil qilindi. U qayta qurishni qo'llab-quvvatlashini e'lon qilib, respublikaning SSSR tarkibidan chiqishini o'zining ochiq vazifasi qilib qo'ymadidi.



Litva prezidenti  
Dalia Grybauskaitė



**1990-yil 4-mayda Latviya o'z mustaqilligini e'lon qildi.**

**1990-yil 11-martda Litva Oliy Soveti Litva Respublikasining mustaqilligini e'lon qildi.**

**1988-yil 16-noyabrda Estonia Oliy Soveti «Estoniya SSRning davlat suvereniteti to'g'risida deklaratsiya»ni qabul qildi.**

Shunday bo'lsa-da, 1988-yil 16-noyabrda Estonia Oliy Soveti «Estoniya SSRning davlat suvereniteti to'g'risida deklaratsiya»ni qabul qildi.



Estoniya prezidenti  
Kersti Kaljulayd

Boltiqbo‘yi respublikalari ichida eng shimaliysi bo‘lgan Estoniya ham sovet davrida jadal industrlashtirildi. Ko‘plab malakali ish-chilarning jalb qilinishi mamlakatdagi demografik va etnik holatni o‘zgartirdi. Mamlakat aholisida estonlarning ulushi qisqarib bordi, aholining ancha qismini ruslar tashkil qildi. Mustaqillik e’lon qilingandan so‘ng Estoniya ruslarning fuqarolik olishlariga to‘siq bo‘luvchi qat’iy qonunlar qabul qildi. Bu ruslar-

ning Estoniyani tark etishiga olib kelmadi, ammo millatlararo munosabatlarni murakkablashtirdi. Buning ustiga, Estoniyada (umuman Boltiqbo‘yi davlatlarida) sovet davri, ayniqsa, urush davridan qolgan yodgorliklarni yo‘q qilish yoki shahar chekkasiga ko‘chirish Rossiyaning noroziligidagi sabab bo‘lib, ikki tomon munosabatlarida katta muammolarni keltirib chiqarmoqda. 2011-yili rusiyabon aholi vakillari bilan eston politsiyasi o‘rtasida bo‘lib o’tgan to‘qnashuvda 1 kishi halok bo‘ldi, ko‘plar yaralandi.

Qiyinchiliklarga qaramasdan, Boltiqbo‘yi mamlakatlari Yevroittifoqqa integratsiyalashuv yo‘lidan ketmoqda. Ularning barchasi yevro pul birligi hududiga kirgan.

Ukrainadagi inqirozdan keyin Rossiyaning tajovuzkor siyosatidan xavotirga tushgan Boltiqbo‘yi davlatlari va NATO rahbarlari bu mamlakatlardagi NATO harbiy kuchlarini ko‘paytirishga kirishi. 2016 – 2017-yillari Boltiqbo‘yi mamlakatlariga NATOning kichik sonli harbiy texnikasi va qo‘sishlari joylashtirildi. Ayniqsa, Rossiya va Belarus tomonidan hamkorlikda o‘tkazilgan «G‘arb – 2017» harbiy mashqlaridan so‘ng Boltiqbo‘yi mamlakatlarida Rossiyaning bu yerdagi siyosatidan xavotir va g‘ayrirus tashviqot kuchayib ketdi. Bunday holat, o‘z navbatida, Rossiyaning ham noroziligidagi sabab bo‘lmoqda.



**Demografiya** – bu aholi va uning ko‘payish qonuniyatлari to‘g‘risidagi fan. U aholining son jihatidan tarkibi, uning o‘zgarishi, joylashishi va shu kabilarni o‘rganadi.

**Logistika** – bu tovarlar, yuklar va shu kabilarni bir hududdan boshqasiga yetkazib berishning tizimini tashkil qilish.

## **Mustahkamlash uchun savol va topshiriqlar**

1. Mustaqillik yillarda Boltiqbo‘yi davlatlari G‘arb bilan munosabatlarda qanday yo‘ldan bordi?
2. Mustaqillik yillari Latviya qanday iqtisodiy va ijtimoiy muammlarga duch keldi?
3. Litva Respublikasi qanday jihatlari bilan Latviya va Estoniyadan farq qiladi?
4. Estoniya bilan Rossiya o‘rtasidagi munosabatlarda qanday muammolar mavjud?

### **Mustaqil ish**



1991-yil Sovet Ittifoqi parchalangandan so‘nggi Boltiqbo‘yi davlatlari xaritasini tahlil qiling va chegaralarni aniqlashtiring.

### **7-MAVZU. 1991 – 2017-YILLARDA KAVKAZORTI DAVLATLARI**

**Ozarbayjon Respublikasi** 1991-yil 18-oktabr kuni o‘z mustaqilligini e’lon qildi. Ozarbayjon 1991-yildan beri o‘tgan vaqt davomida o‘zining mustaqil yo‘liga ega davlat ekanligini isbotlab kelmoqda. U mintaqasi siyosatida muhim rol o‘ynaydi. Ozarbayjon katta neft va gaz zaxiralariga egaligi, strategik joylashuvi bois Rossiya va G‘arb manfaatlari orasida mohirlik bilan muvozanatni saqlab, o‘z manfaatlarini ta’minlab kelmoqda.

Ammo, tashqi siyosatdagi muvaffaqiyatlarga qaramasdan, bir qator ichki muammolar saqlanib qolmoqda. Bular qatoriga, birinchi navbatda, Tog‘li Qorabog‘ muammosini kiritish mumkin.

XX asrning 80-yillari ikkinchi yarmida Ozarbayjon bilan Armaniston o‘rtasidagi azaliy muammo – Tog‘li Qorabog‘ muammosi yana ko‘tarildi. Tog‘li Qorabog‘ Ozarbayjon hududida joylashgan va asosan arman millatiga mansub aholi yashaydigan avtonom viloyat edi. Tog‘li Qorabog‘ avtonom viloyati rahbarlarining viloyatni Armaniston tarkibiga qo‘sishini so‘rab qilgan murojaati mintaqadagi milliy muammolarni chigallashtirib yubordi.

1990-yili Boku shahrida muxolifatchi siyosiy tashkilot – Ozarbayjon Xalq frontining namoyishi boshlandi. Xalq fronti Abulfayz Elchibey boshchiligidagi Milliy mudofaa kengashi tuzilganligini e'lon qildi. Xalq frontining millatchilik ruhidagi mitinglari Bokudagi armanlar qirg'iniga bevosita turtki bo'ldi. Bunga qarshi Bokuga Sovet armiya-si qo'shinlari kiritildi. Mamlakatda favqulodda holat e'lon qilindi. Armiyaning kiritilishi Ozarbayjon uchun katta fofia bo'ldi. To'qnashuvlarda yuzlab kishilar halok bo'ldi.



Kavkazoti davlatlari



Abulfayz Elchibey

1992-yil mayda Bokuda davlat to'ntarishi amalga oshirilib, prezident Ayaz Mutalibov hokimiyatdan ag'darildi va A. Elchibey boshchiligidagi Xalq fronti hokimiyatga keldi. Ammo Xalq fronti mamlakatda tinchlik va totuvlikni ta'minlay olmadi. Natijada Milliy Majlis A. Elchibeyni lavozimidan mahrum qilib, uning vakolatlarini Ozarbayjon Milliy Majlisiga raisi bo'lgan Geydar Aliyevga top-

shirdi. 1993-yili bo'lib o'tgan prezidentlik saylovlarida G. Aliyev Ozarbayjon Respublikasi Prezidenti etib saylandi.

G. Aliyev hokimiyatga kelgandan keyin respublikadagi ziddiyatli ahvolni yumshatishga erishdi. U prezidentlik qilgan o'n yil Ozarbayjonda unchalik demokratik bo'lmasa-da, mamlakatning tinch taraqqiyotini ta'minladi, qo'shnilar bilan yaxshi hamkorlik munosabatlari o'rnatildi. Tog'li Qorabog' masalasi hal qilinmagan bo'lsa ham, faol jang harakatlari to'xtatildi, muzokaralar boshlandi.

2003-yil dekabrda G. Aliyev vafot etganidan so'ng mamlakat prezidenti etib uning o'g'li Ilhom Aliyev saylandi. I. Aliyev otasining siyosatini davom ettirib kelmoqda.

**Gruziya.** 1991-yil mart oyida o'tkazilgan referendumda Gruziya aholisining mutlaq katta qismi mamlakat mustaqilligi uchun ovoz berdi. 1991-yil 9-aprel kuni Gruziya o'z mustaqilligini e'lon qildi. Ayni paytda prezident lavozimi joriy qilindi. Shu yili bo'lib o'tgan prezident saylovlarida muxolifat yetakchisi Zviad Gamsaxurdiya mamlakat prezidenti etib saylandi. Boshqaruv tajribasiga ega bo'lмаган Z. Gamsaxurdiya o'zining sakkiz oylik prezidentlik davrida mamlakat elitasi, ziyorilar bilan munosabatlarini buzdi, millatlararo munosabatlarni keskinlashtirib, gruzin-abxaz mojarosini keltirib chiqardi. 1991-yili Gruziya xalq demokratik partiyasi rahbarlari Z. Gamsaxurdiyaning iste'foga chiqishini talab qildi. Mamlakatda isyon boshlanib, Tbilisida haqiqiy janglar bo'lib o'tdi. Z. Gamsaxurdiya o'z tarafдорлари bilan Tbilisini tark etdi.

Z. Gamsaxurdiya prezidentlikdan chetlashtirilgandan so'ng hokimiyat Eduard Shevardnadze boshchiligidagi Davlat kengashiga o'tdi. Bu paytda mamlakatda ahvol og'ir, gruzin-osetin urushi davom etayotgan edi. E. Shevardnadze bu urushni to'xtatishga erishdi.

Shu yil oktabrda o'tkazilgan saylovarda E. Shevardnadze Gruziya Oliy Kengashi raisi etib saylandi. Ammo mamlakatda yig'ilib qolgan muammolar, ayniqsa, iqtisodiy ahvolning og'irligi E. Shevardnadze boshqaruviga nisbatan aholining noroziligini kuchaytirdi. 2003-yili o'tkazilgan parlament saylovlaridan so'ng E. Shevardnadze iste'foga chiqqanligini e'lon qildi. Yangi saylovlarda Mixail Saakashvili g'olib



Geydar Aliyev



Zviad Gamsakhurdia

chiqdi. Bu jarayonlar Gruziya va G'arb matbuotida «Atirgullar inqilobi» nomini oldi. Hokimiyatga ko'pchiligi G'arb davlatlarida ta'lrim olgan «yangi demokratlar» keldi.



Mikheil Saakashvili

M. Saakashvili hukumati Gruziyada fuqarolarning davlat organlariga murojaat qilishini yengillashtirish, soliqlarni kamaytirish, davlat mulkini xususiylashtirish kabi muhim islohotlarni amalga oshirdi. Mamlakatda korrupsiyaga qarshi kurash e'lon qilindi. Ammo M. Saakashvili davrida ham Gruziya bilan Janubiy Osetiya o'rtaсидаги mojaro o'z yechimi topmadi. 2008-yil avgustda Gruziya, Rossiya, Janubiy Osetiya va Abxaziya ishtirokida bo'lib o'tgan harbiy to'qnashuv oqibatida Rossiya Abxaziya va Janubiy Osetiyaning mustaqilligini tan olib, ular bilan ikki tomonlama munosabatlari o'rnatdi.

2012-yili bo'lib o'tgan parlament saylovlarida muxolifatchi «Gruziya orzusi» partiyasi g'olib chiqdi. Shu partiya vakili Georgiy Margvelashvili Gruziya prezidenti etib saylandi.

2016-yili bo'lib o'tgan parlament saylovlarida ham «Gruziya orzusi» g'alaba qozondi.



**1992-yil mayda ...**

**1993-yil ...**

**1991-yil martda Gruziya ...**

**1990-yili Boku shahrida ...**

**Armaniston.** 1991-yil 21-sentabrda Armanistonda respublika maqomi bo'yicha referendum o'tkazildi. Unda qatnashganlarning mutlaq ko'pchiligi Armanistonning SSSR tarkibidan chiqishi uchun ovoz berdi. Shundan so'ng «Armanistonning davlat mustaqilligi to'g'risida deklaratsiya» qabul qilindi. Shu tariqa referendum Armanistonda respublika tuzumini o'rnatdi. 1991-yil oktabrda bo'lib o'tgan saylovlarda Levon Ter-Petrosyan Armanistonning birinchi prezidenti etib saylandi.

Armanistonning mustaqil davlatga aylanishi boshqa respublikalarga nisbatan o'zgacha asosda yuz berdi. XX asrning 80-yillari ikkinchi yarmidayoq mustaqillik uchun kurash tashqi omil – Tog'li Qorabog' muammosi qizigan bir paytda boshlandi. Tog'li Qorabog'ni qo'shib olish arman jamiyatida etnik birlashish, tarixiy adolatning qaror topishi sifatida qaraldi. Bu kurash jarayonida kommunistik partiya rahbar-

lari o'rniغا kelgan milliy siyosiy elita shakllandi. Shu elita bugun ham Armanistonning rivojlanish yo'naliшини belgilab kelmoqda.

SSSRning so'nggi yillarida birinchilardan bo'lib ittifoq markaziga qarshi kurash boshlagan Armaniston, mustaqillikdan so'ng Moskva bilan munosabatlarini aniq belgilab oldi. Ayrim sobiq respublikalar qatorida sovetlarning aybi uchun zamonaviy Rossiyani ayblamadi. Buning

sabablaridan biri Tog'li Qorabog' masalasida Armanistonning Rossiya tayanishi edi. Chunki Armanistonning Ozarbayjon va Turkiya bilan chegaralari amalda yopiq, Gruziya bilan munosabatlari murakkab, Eron bilan ancha jiddiy geosiyosiy kelishmovchiliklar mavjud. Shu tariqa Rossiya Armanistonning mintaqadagi yagona ittifoqchisi bo'lib qolmoqda. 2008-yili Armaniston prezidenti etib saylangan Serj Sargsyan shu siyosatni ustalik bilan davom ettirib kelmoqda.

Armaniston sanoati asosan sovet davrida yaratilgan. U SSSRning ichki bozoriga dastgohlar, uskunalar, to'qimachilik va boshqa sanoat mahsulotlari yetkazib berib, o'rniغا xomashyo va elektr energiyasi olardi. Qishloq xo'jaligi yirik agrosanoat komplekslari bazasida rivojlandi.



**1991-yil 18-oktabr kuni Ozarbayjon Respublikasi o'z mustaqilligini e'lon qildi.**

**1991-yil 9-aprel kuni Gruziya o'z mustaqilligini e'lon qildi.**

**1991-yil oktabrda bo'lib o'tgan saylovlarda Levon Ter-Petrosyan Armanistonning birinchi prezidenti etib saylandi.**

Armaniston – industrial-agrar mamlakat. Uning yerosti qazilma boyliklari ancha katta miqdorni tashkil qiladi. Sintetik kauchuk, to'qimachilik, oziq-ovqat sanoati, qurilish materiallari ishlab chiqarish va mashinasozlik rivojlangan.



**Milliy siyosiy elita** (elita – eng yaxshisi, saralangan) – bu jamiyatni boshqarishning ma'lum layoqatiga ega bo'lgan shaxslar guruhi bo'lib, ular siyosiy hokimiyatni o'z qo'llarida jamlaydi, rahbar lavozimlarni egallaydi, jamiyatni boshqaradi.



**Serj Sargsyan**

## **Mustahkamlash uchun savol va topshiriqlar**

1. Ozarbayjonda A.Elchibey boshchiligidagi Milliy mudofaa kengashining millatchilik chiqishlari qanday oqibatlarga olib keldi?
2. G.Aliyev prezident etib saylangandan so'ng Ozarbayjonning ichki va tashqi siyosati qanday o'zgardi?
3. Gruziyada M.Saakashvili olib borgan islohotlar qanday natijalariga olib keldi?
4. Armanistonning qo'shni davlatlar bilan munosabatida qanday omil asosiy rol o'ynatdi?
5. Matndan foydalaniib, Kavkazorti mamlakatlaridagi etnik muammolar ro'yxatini tuzing.

### **Mustaqil ish**



1991-yildan so'ng Kavkazorti mamlakatlari xaritasini tahlil qiling va chegaralarni aniqlashtiring.

### **8-MAVZU. 1991 – 2017-YILLARDA MARKAZIY OSIYO DAVLATLARI**

Markaziy Osiyo mamlakatlariga, odatda, O'zbekistondan tashqari Qozog'iston, Turkmaniston, Tojikiston va Qirg'iziston kiradi.



**Turkiston atamasi qachon paydo bo'lgan?**

**Qozog'iston Respublikasi.** 1991-yil 16-dekabrda Qozog'iston o'z mustaqilligini e'lon qildi. Shu yili bo'lib o'tgan prezidentlik saylovlarida Nursulton Nazarboyev Qozog'istonning birinchi prezidenti etib saylandi. 1993-yil Qozog'istonning yangi konstitutsiyasi qabul qilindi. Unda eng katta vakolatlar prezidentga berildi. Hukumat iqtisodiy islohotlarni boshlab yubordi.

1993-yil noyabrda milliy valuta – tenge muomalaga kiritildi. Shu yil dekabrdan Qozog'iston hukumati yirik neft konsernlari bilan Kaspiy dengizining shimoliy qismida qidiruv o'tkazish to'g'risida keli-shuv imzoladi. Yirik korxonalarni xususiyashtirish amalga oshirildi. Shu yili parlament mamlakat poytaxtini Akmola shahriga ko'chirish to'g'risida qaror qildi. U 1998-yildan «Ostona» deb ataladigan bo'ldi.


O'tgan davrda Qozog'iston iqtisodiyotining asosiy sohalari neft, gaz va metallurgiya bo'lib qoldi. Aynan shu sohalarning hisobiga iqtisodiyotning boshqa sohalarida ham jadal o'sishga erishildi.

2007-yil fevralda N. Nazarboyev prezidentning vakolat muddatini yetti yildan besh yilga o'zgartirish, parlament deputatlari sonini oshirish tashabbusi bilan chiqdi. Bu MDH davlatlarida keng tarqalgan siyosiy texnologiya bo'lib, konstitutsiyada bir kishining ikki muddatdan oshiq president bo'lishiga qo'yilgan taqiqni chetlab o'tishning yo'li bo'lib qoldi. N. Nazarboyev ham konstitutsiyaga kiritilgan o'zgarishdan so'ng prezidentlik saylovlarida yana o'z nomzodini qo'yish imkoniga ega bo'ldi.

2010-yili Qozog'istonning birinchi prezidenti – Elboshi to'g'risida qonun qabul qilindi. Ammo 2011-yili Mangistau viloyatida mehnat sharoiti va oylik maoshidan norozi bo'lgan neft konlari ishchilarining mustaqillik davridagi eng yirik norozilik namoyishlari bo'lib o'tdi. Janaozen shahridagi tartibsizliklarda 15 kishi halok bo'ldi, o'nlab namoyishchilar qamoqqa olindi.

2015-yili bo'lib o'tgan navbatdan tashqari prezidentlik saylovlarida N. Nazarboyev g'alaba qozondi.

**Turkmaniston.** 1991-yil 26-oktabrda referendum o'tkazilib, unda qatnashganlarning aksariyati Turkmaniston mustaqilligi uchun ovoz berdi. 1991-yil dekabrdan mamlakat MDHga a'zo bo'ldi. 1999-yildan Xalq Majlisи qaroriga ko'ra Saparmurod Niyoziy davlat boshlig'i lavozimini umrbod egalladi. S.Niyoziy hukumati muxolifatchi partiyalar faoliyatini taqipladi. U «Turkmanboshi» unvonini oldi. S. Niyoziyning «Ruhnama» nomli kitobi ommaviy axborot vositalarida keng targ'ib qilinib, o'quv yurtlarida o'qitildi. S. Ni-



Nursultan Nazarboyev



Saparmurod Niyoziy

yozov 2006-yili vafot etdi. Turkmaniston prezidenti etib Gurbanguli Berdimuhamedov saylandi.



Markaziy Osiyo davlatlari



Gurbanguli  
Berdimuhamedov

Mustaqillik yillari avvalida Turkmaniston iqtisodiyoti chuqur inqirozda edi. 1998-yili YIM hajmi 1991-yilga nisbatan ikki marta kamayib ketdi. Mamlakatda oziq-ovqat tanqisligi yuz berdi, aholining yashash darajasi keskin tushib ketdi. Bir qator kundalik iste'mol mollarini fuqarolar o'rtaida bepul tarqatish va xizmatlarni bepul ko'rsatish to'g'risida qaror qabul qilinishi ahvolni biroz yaxshiladi. Gaz qazib chiqarishning o'sishi ham mamlakat iqtisodiga katta madad bo'ldi.



Asqar Akayev

A. Akayevni hokimiyatdan ag'darib tashlagan 2005-yilgi «Lolalar inqilobi» juda tez va katta yo'qotishlarsiz amalga oshirildi. Hokimiyatga kelgan Kurmanbek Bakiyev kuch ishlatar tizimlarga tayaniib, jamiyatda shaxsiy hukmronligini mustahkamlashga, muxolifatni butunlay tugatishga harakat qildi. Ammo bu harakat uzoqqa bornadi. 2010-yili «Aprel inqilobi» deb atalgan ommaviy harakat natijasida K. Bakiyev hokimiyati ag'darib tashlandi. U oila a'zolari bilan mamlakatdan qochib ketdi. Mamlakatda tartibni saqlash uchun Roza Otunbayeva boshchiligidagi muvaqqat hukumat tashkil qilindi.



**1991-yil 16-dekabrda Qozog'iston o'z mustaqillagini e'lon qildi.**  
**1991-yil 9-sentabr kuni Tojikiston o'z mustaqillagini e'lon qildi.**  
**1991-yil 31-avgustda Qirg'iziston o'z mustaqilligni e'lon qildi.**

Biroq, hokimiyatning kuchsizligidan foydalangan millatchi va ekstremistik kuchlar 2010-yil iyunda Janubiy Qirg'izistonning O'sh va Jalolobod shaharlarida bu yerdagi o'zbek jamoalariga qarshi fitna yusushtirdi.



Almazbek Atambayev

2011-yil oktabrda bo'lib o'tgan saylovlarda Qirg'iziston sotsial-demokratik partiyasi yetakchisi Almazbek Atambayev prezident etib saylandi.

Mustaqillik yillarida Qirg'iz Respublikasi og'ir iqtisodiy inqirozni boshdan kechirdi. 1996-yili iqtisodiy barqarorlashuv jarayoni boshlandi. Bu davrda bozor iqtisodiga o'tish uchun islohotlar o'tkazilib, ular 2000-yillardan iqtisodiy o'sishga olib keldi. Asosiy sanoat korxonalari xususiylashtirildi, yerga xususiy mulkchilik joriy qilindi. Oltin va simob

qazib olish keskin oshirildi. Qирғизистон олтин qазиб чиқарышда MDHda Rossiya va O'zbekistondan keyin uchinchi о'ringa чиқди. 2017-yil sentabr oyida O'zbekiston Respublikasi Prezidenti Shavkat Mirziyoyevning Qирғизистонга, A. Atambayevning shu yil oktabrda O'zbekistonga tashrifi ikki davlat о'rtasidagi munosabatlarning keskin yaxshilanishiga olib keldi.

Qирғизистонда iqtisodiyotning o'sishi jamiyatning ham barqarorlashuviga olib keldi. 2017-yil oktabrda o'tkazilgan prezidentlik saylovlari natijasiga ko'ra, hukmron sotsial-demokratik partiya vakili Sooronbay Jeenbekov g'alaba qozondi. U 2017-yil dekabrda O'zbekistonga rasmiy tashrif bilan kelib, bir qator shartnomalarni imzoladi.



**Siyosiy texnologiya** – bu siyosiy faoliyatning ma'lum usullari bo'lib, ulardan jamiyatning ongiga ta'sir o'tkazish orqali ma'lum bir siyosiy maqsadga erishish uchun foydalilaniladi.

**Transmilliy korporatsiya** – bu bir nechta mamlakatlarda ishlab chiqarish bo'limlariga ega bo'lgan va faoliyatining asosini xalqaro biznes tashkil qiladigan kompaniya.

### Mustahkamlash uchun savol va topshiriqlar

1. Mustaqillik yillarda Qozog'iston iqtisodiyoti asosan qaysi sohalar hisobiga rivojlandi?
2. G.Berdimuhamedov prezident etib saylangandan so'ng Turkmanistonning ichki siyosatida qanday o'zgarishlar yuz berdi?
3. Tojikistonda fuqarolar urushi qanday oqibatlarga olib keldi?
4. Nima uchun Qирғизистонда A. Akayev prezidentligi davri norozilik va inqilobga olib keldi?

### Mustaqil ish



Internet vositasida «Turkiston – umumiylar uyimiz» mavzusida esse yozing va sinfda kichik guruhlarda taqdimot o'tkazing.

## **9-MAVZU. G'ARB MAMLAKATLARIDA INTEGRATSIYALASHUV JARAYONLARINING JADALLASHUVI. YEVROPA ITTIFOQI VA AQSH MUNOSABATLARI**



**Yevropada integratsiyalashuv  
jarayoni**  
lari ham bu mintaqalarning

**Integratsiyalashuv jarayonlari va ularning  
natijalari.** XX asrning ikkinchi yarmida boshlangan kapital, tovarlar, xizmat ko'rsatish va ishchi kuchining erkin harakatlanishi G'arbiy Yevropa mamlakatlarida rivojlanish va yashash darajasini bir-biriga yaqinlashtirdi. Ishchi kuchlarining rivojlangan mamlakatlarga mavsumiy yoki shartnomalar asosida ishga borishi kam rivojlangan mamlakatlarda ishsizlik muammosini hal qilishga ko'maklashdi. Qolqo mintaqalarni rivojlantirish umumyevropa dastur-iqtisodiy o'sishiga yordam berdi.



**Ikkinci jahon urushi Yevropa davlatlari uchun  
qanday natijalar bilan yakunlandi?**

Integratsiya ta'sirida rivojlangan Yevroatlantika mamlakatlarida astasekin yagona iqtisodiy siyosat modeli shakllanib bordi. Ular o'rta-sidagi asosiy farq iqtisodiyot ustidan davlat nazoratining darajasi, unga ta'sir ko'rsatish usullari bilan bog'liq edi.

1990-yillardan boshlab Yevropa integratsiyasining keyingi rivojlaniishi ikki yo'nalish bo'yicha bordi. Birinchidan, yangi a'zolarni qabul qilish yo'nalishi bo'lib, 1996-yili a'zolar soni 15 taga yetdi. 2002-yili Kopengagenda (Daniya) bo'lib o'tgan uchrashuvda Yevroittifoqqa yangi a'zolar – Vengriya, Kipr, Latviya, Litva, Malta, Polsha, Slovakiya, Sloveniya, Chexiya, Estoniya qabul qilindi. Albatta, yangi a'zolar uchun o'tish davri ko'zda tutilgan bo'lib, bu davr mobaynida ular o'z qonunchiligini, moliyaviy va iqtisodiy tizimini yagona Yevropa talablariga moslashtirishi lozim edi. Ularga o'zlarining ichki muammolarini hal qilish uchun Yevroittifoq budgetidan subsidiyalar berildi.

Ikkinchidan, integratsiyaning chuqurlashuvida Yevropa mamlakatlarida o'zaro siyosiy munosabatlar sohasini ham qamrab olish yo'lidan borildi. Yevropa parlamentining maqomi oshdi, Yevroparlamentga

to'g'ridan to'g'ri saylovlar o'tkaziladigan bo'ldi. 1987-yili Yevropa Iqtisodiy Hamkorlik tashkilotini YIga aylantirish bilan u «ichki chegaralarsiz makon» bo'lib qoldi. 1993-yili yagona Yevropa fuqaroligini ta'minlagan Maastricht kelishuvlari kuchga kirdi. YIga kiruvchi mamlakatlar fuqarolari hech qanday vizasiz Ittifoqning istalgan mamlakatida o'zi xohlagan muddat yashashi va mahalliy saylovlarda ishtirok etishi mumkin bo'ldi. Qonunchilikni birxillashtirish huquqiy me'yorlarning yagona Yevropa tizimi shakllanishiga olib keldi. 2002-yili Yevropada (Buyuk Britaniyadan tashqari) yagona valuta – yevro joriy qilinishi YI davlatlarini yanada yaqinlashtirdi. Kelishilgan yagona tashqi va mudofaa siyosati olib borilmoqda. Endi Yevropa Ittifoqiga amalda konfederatsiya tipidagi yagona davlat tuzilmasi sifatida qarash mumkin bo'ldi. Yevroatlantika mamlakatlarining keyingi integratsiyasi G'arbiy Yevropa bilan Shimoliy Amerika davlatlarining yanada yaqinlashuvi asosida yuz bermoqda.



**1987-yili ...**

**Maastricht kelishuvlari ...**

Ammo so'nggi paytlarda YIga kiruvchi bir qator davlatlar qarzining haddan oshib ketishi katta muammolarni keltirib chiqardi. 2015-yilgi saylovlarda Gretsiyada hokimiyatga kelgan A.Sipras boshchiligidagi so'llar hukumati mamlakatning qarzini kreditorlar qo'ygan shartlar bo'yicha uza olmasligini e'lon qildi. Shundan so'ng o'tkazilgan referendumda Gretsiya aholisining ko'pchiligi hukumatni qo'llab ovoz berdi. Gretsiya hukumati qarzlarning bir qismidan voz kechishlarini talab qildi. Gretsiya qarzini restrukturizatsiya qilish to'g'risida Yevrokomissiya kelishuvga erishgan bo'lsa-da, Yevropa markaziy banki va Xalqaro valuta fondi bilan muzokaralar yana davom etdi.

Italiya va Ispaniyaning ham qarzları juda katta miqdorni tashkil qildi. Ayni paytda YIda iqtisodiy jihatdan yetakchilik qilayotgan Germaniya va Fransiyaning siyosiy bosimidan ham norozilik kuchayib bormoqda. Bu norozilikning yorqin namoyishi Buyuk Britaniyada 2016-yil iyunda o'tkazilgan referendum bo'lib, unda ishtirok etgan aholining yarmidan ko'pi mamlakatning Yevropa Ittifoqidan chiqishi uchun ovoz berdi. 2016-yil sentabrda Bratislava shahrida bo'lib o'tgan YI rahbarlari yig'ilishida ilk bor Buyuk Britaniya bosh vaziri qatnashmadi. Unda nutq so'zlagan GFR kansleri A. Merkel YI og'ir inqirozda ekanligini tan oldi.

Bu inqirozning yana bir namoyishi 2017-yil oktabr oyida Ispaniya-ning Kataloniya avtonom viloyatida o'tkazilgan referendum bo'ldi. Uning natijalariga ko'ra Kataloniya mustaqilligi e'lon qilindi. Ammo Madriddagi markaziy hokimiyat referendum natijalarini tan olmadи, Kataloniya hukumati a'zolarini qamoqqa oldi va avtonomiyaning to'g'ridan to'g'ri Madriddan boshqarilishini e'lon qildi.

**YI va AQSH munosabatlari.** «Sovuq urush» yakunlanib, kommunizm xavfi bartaraf qilingandan so'ng AQSH bilan YI o'rtaсидаги munosabatlarda ham o'zgarish yuz berdi. 1990-yili YI va AQSH o'rtaсида Deklaratsiya – Transatlantik xartiya imzolandi. Unda ikkala tomonning yaqin hamkorligi, muhim masalalar bo'yicha maslahatlashuvlari ta'kidlandi.



**2002-yili Kopengagenda (Daniya) bo'lib o'tgan uchrashuvda Yevroittifoqqa yangi a'zolar – Vengriya, Kipr, Latviya, Litva, Malta, Polsha, Slovakiya, Sloveniya, Chexiya, Estoniya qabul qilindi.**

**2002-yili Yevropada (Buyuk Britaniyadan tashqari) yagona valuta – yevro joriy qilindi.**

**2015-yil saylovlarda Gretsiyada hokimiyatga A.Sipras keldi.**

YI va AQSH o'rtaсида munosabatlarning o'ziga xos tomoni shundaki, unda an'anaviy ikki tomonlama shartnomalar mavjud emas. Bu munosabatlar xalqaro tashkilotlarning me'yor va qoidalari bilan tartibga solinadi.

2007-yili YI va AQSH Transatlantik iqtisodiy integratsiyani chuqurlashtirish to'g'risida kelishuv imzoladi va Transatlantik iqtisodiy ken-gash joriy qildi. Ammo tomonlar bu kelishuvni to'liq amalga oshirishga shoshilmadi. 2000-yillar davomida bir qancha kelishuvlar imzolaniб, ular tomonlar o'rtaсида aloqalarning turli xususiy jihatlarini tartibga solishga qaratildi.

AQSH va YI dunyoda eng yirik energiya iste'molchilarini bo'lib, ular atmosferaga eng ko'p zaharli moddalarni chiqaradi. 2000-yillar boshlarida ikki tomon energetika samaradorligi, xavfsizlik va iqlim o'zgarishi to'g'risida bayonot, Iqlim o'zgarishi to'g'risida BMTning Parij konvensiyasini imzoladi. Ammo 2017-yili AQSH prezidenti D.Tramp mamlakatning bu konvensiyadan chiqishini e'lon qildi. AQSH bilan YI o'rtaсида munosabatlarda ma'lum kelishmovchiliklar mavjud. Bu kelishmovchiliklar ayniqsa xalqaro muammolarni hal etishdagi yon-

dashuvlarning farqida keskin ko'zga tashlanmoqda. AQSH xalqaro mojarolarni hal qilishda kuchga tayanish tarafdori, YI esa diplomatik imkoniyatlardan oxirigacha foydalanish lozim deb hisoblaydi. Shunga qaramasdan, ular o'zaro siyosiy, harbiy-strategik va iqtisodiy hamkorlik manfaatlari orqali bir-biri bilan uzviy bog'langan. AQSH va YI yagona Yevroatlantik sivilizatsiyaning vakillari bo'lib, bu ular o'rta-sidagi munosabatlarni belgilovchi asosiy omil hisoblanadi.



**Kapital** – bu qo'shimcha qiymat olishda foydalaniладиган маддий, интеллектуал ва молиавија виситалариг'инди.

**Subsidiya** – davlat yoki boshqa biron-bir muassasa томонидан бoshqa davlat, muassasa, alohida shaxsga ko'rsatiladigan moliaviy yoki moddiy yordam.

**Restrukturizatsiya** – bu qarz yoki kreditni to'lash shartlarini qayta ko'rib chiqish va o'zgartirish.



**1990-yili ...**

**2015-yilgi ...**

**1987-yili ...**

**2017-yili ...**

### Mustahkamlash uchun savol va topshiriqlar

1. 1990-yillari Yevropa integratsiyasi qanday yo'nalishlar bo'yicha davom ettirildi?
2. Buyuk Britaniyaning Yildan chiqishiga qanday omillar sabab bo'ldi?
3. YI va AQSH munosabatlari qanday hujjatga asoslanadi?
4. YI va AQSH o'rta-sida qanday masalalar bo'yicha kelishmov-chiliklar mavjud?

### Mustaqil ish



Internet vosisasida Transatlantik xartianing mazmun-mohiyati bilan tanishing.

## **10-MAVZU. 1991–2017-YILLARDA AMERIKA QO'SHMA SHTATLARI**

**Iqtisodiy rivojlanish.** 1990-yillar boshida AQSH iqtisodiyotida qisqa muddatli retsessiya kuzatildi. O'sish sur'atlarining pasayishi xo'jalikning hamma jabhalarini qamrab oldi. Biroq, 1992-yil bahoridan yalpi ichki mahsulotning o'sish sur'atlari yana jadallasha boshladi.



**Bill Clinton**

Bill Clinton prezidentligining dastlabki uch yili AQSHning iqtisodiy rivojlanishi uchun muvaffaqiyatli kechdi. Bu davrda iqtisodiy konyunktura yaxshilanib, ishsizlik darajasi va inflatsiyaning pasayishiga olib keldi.

B.Klinton prezidentligining ikkinchi muddatida uning ma'muriyati ijtimoiy sohani rivojlantirishga katta e'tibor qaratdi. Federal xarajatlarning asosiy qismi inson resurslarini rivojlantirishga sarflandi. AQSHni ijtimoiy davlatga aylantirish boshlandi. Bu siyosat B.Klintonning «yangi iqtisodiy falsafasi» nomini oldi.

**AQSH tarixida «Uotergeyt ishi» qaysi president faoliyati bilan bog'liq?**

XXI asr boshiga kelib AQSH iqtisodiyoti texnik taraqqiyotning asosiy manbayiga aylandi. Dunyo bo'yicha yangi texnologiyalar ni yaratishga sarflanayotgan barcha xarajatlarning 1/3 qismi AQSH ulushiga to'g'ri keladi. Dunyo ishlab chiqarishida yetakchi pozitsiyani ta'minlab turgan makrotexnologiyalarning ham yarmi AQSHga tegishli edi. Jahonning iqtisodiy yetakechisi bo'lgan AQSH davr muammolarini muvaffaqiyatli hal qilib, XXI asrga yangi iqtisodiyot bilan kirib ketdi. Biroq, 2007 – 2008-yillari AQSHning moliya sektorida boshlangan inqiroz 2009-yilga kelib dunyo miqyosidagi global retsessiyaga aylanib ketdi. 2009-yili jahonda ishlab chiqarilgan YIM ikkinchi jahon urushidan beri birinchi marta salbiy ko'rsatkichga tushib ketdi. Ishsizlikning misli ko'rilmagan darajada oshishi mehnat bozorini kuzatishning butun tarixi davomida eng yuqori ko'rsatkichga yetdi va 2009-yili dunyoda ishsizlar soni 200 mln ga yaqin kishini tashkil

qildi. Miqyosi va oqibatlari bo'yicha bu inqirozni faqat 1930-yillardagi Buyuk depressiya bilan tenglashtirish mumkin. AQSH iqtisodiyoti 2014-yilga kelib ham to'liq tiklanmadidi.



**Siyosiy rivojlanish.** 1980-yillar – 1990-yillarning boshlari neokonservativm g'oyasining tantanasi davri bo'ldi. Bu yillari AQSH ichki taraqqiyotda ham, xalqaro maydonda ham katta muvaffaqiyatlarga erishdi. Shunga qaramasdan, 1992-yilgi prezidentlik saylovlardida respublikachi J.Bush kutilmaganda yosh demokrat B.Klintonga yutqazib qo'ydi. Biroq, demokratlar ham o'z g'alabasini mustahkamlay olmadi. 1994-yilgi oraliq saylovlarda demokratlar qaqshatqich mag'lubiyatga uchradi. Ikkala palatada ham ko'pchilik o'rirlarni, ko'plab shtatlarda gubernatorlik lavozimlarini ham respublikachilar egalladi. Respublikachilar partiyasining obro'yi va ta'sirini tiklash uchun qulay sharoit paydo bo'ldi. Ammo demokratlarning ichki va tashqi siyosatdagi muvaffaqiyatlari 1996-yilgi saylovlarda ikkinchi marta B.Klintonning

g‘alabasini ta‘minladi. B.Klinton ma‘muriyati ijtimoiy sohani o‘z siyosatining ustuvor yo‘nalishi deb e‘lon qildi.



Barak Husayn  
Obama

2000-yilgi saylovlarda yana respublikachilar vakili kichik Jorj Bush prezident etib saylandi. Uning ikkinchi muddat prezidentlik davrida AQSH iqtisodiy inqirozni boshdan kechirdi. Natijada 2008-yili bo‘lib o‘tgan saylovlarda demokratik partiyadan yagona nomzod Barak Obama AQSH prezidenti etib saylandi.

B. Obama prezidentligining ikkinchi muddatida Iroq va Suriyadagi vaziyatning og‘irlashuvi, Yevropa mamlakatlari va AQSHning o‘zida ham terroristik xavfning kuchayishi kabi bir qator muammolar prezident va uning ma‘muriyati obro‘yini tushirib yubordi.



**1992-yil bahoridan yalpi ichki mahsulotning o‘sish sur’atlari yana jadallahsha boshladи.**

**1992-yilgi saylovlarda respublikachi J.Bush kutilmaganda yosh demokrat B.Klintonaga yutqazib qo‘ydi.**



Donald Tramp

Natijada 2016-yili bo‘lib o‘tgan prezidentlik saylovlarida demokratlar partiyasidan nomzod Xillari Klin ton yutqazib qo‘ydi. AQSHning navbatdagি prezidenti etib respublikachilar partiyasidan nomzod Donald Tramp saylandi.

D. Tramp ichki siyosatda Amerikaning buyukligini tiklash, tashqi siyosatda esa boshqa davlatlar ishlariga aralashmaslikni e‘lon qilgan edi. Ammo prezidentlik saylovlariga rossiyalik xakerlarning aralashganligi to‘g‘risidagi gumonlar hamda prezident yordamchilarining Rossiya elchisi bilan xufiya uchrashuvlari D. Trampning obro‘yini tushirib yubordi. Bu esa unga o‘zining saylovoldi va’dalarini bajarish imkoniyatini bermayapti.

**Tashqi siyosat.** 1990-yillari AQSH tashqi siyosatining asosiy tamoyillari o‘z ahamiyatini saqlab qoldi. Yuqori darajada rivojlangan sanoat mamlakati bo‘lgan AQSH turli mintaqalarda o‘zining hayotiy muhim manfaatlarini himoya qilish uchun nafaqat harbiy vositalarga ega. Sanoat, savdo, moliyaviy, ilmiy-texnik, madaniy va boshqa vositalar ham jahon siyosatida juda katta ahamiyat kasb etadi. AQSH xalqaro maydonda shu vositalarning barchasidan unumli foydalanmoqda.

## Mustahkamlash uchun savol va topshiriqlar

1. B. Klintonning «yangi iqtisodiy siyosati» AQSHda qaysi sohani rivojlanadirishga yo'naltirilgan edi?
2. B. Obama prezidentligining ikkinchi muddatida yuzaga kelgan qanday muammolar prezidentning obro'yini tushirib yubordi?
3. AQSH dunyoda o'zining hayotiy manfaatlарини himoya qilish uchun qanday vositalardan foydalанади?
4. B. Obama prezidentligi davrida AQSH qanday xalqaro muammo-larga duch keldi?

### Mustaqil ish



Xaritadan foydalanib, AQSH shtatlarini toping va ta-rixiy voqelik bilan bog'lab izoh bering.

## 11-MAVZU. 1991 – 2017-YILLARDA GERMANIYA FEDERATIV RESPUBLIKASI

**GFR 1990-yillarda.** 1980-yillar oxirida Germaniyaning ikki qismini birlashtirish bo'yicha muzokaralar muvaffaqiyatli yakunlandi. 1990-yil 3-oktabr kuni yagona Germaniya davlati tashkil topganligi e'lon qilindi. 1990-yil dekabrda navbatdan tashqari parlament saylov-lari bo'lib o'tdi.



Germaniya davlati qachon va nima sababdan ikki qismga bo'linib ketgan edi?

1990-yil Germaniya uchun muhim yil bo'ldi. Ikki Germaniyaning birlashishi GDRdagи iqtisodiy qoloqlikni bartaraf qilish vazifa-sini keskin qo'ydi. GDRda bozor mexanizmlarini joriy qilish asosan GFR tomonidan moliyalashtirildi. 1994-yili bo'lib o'tgan saylovlarda xristian-demokratlar bilan liberallar koalitsiyasining pozitsiyasi yana-da mustahkamlandi. Germaniya sotsial-demokratik partiyasi (GSDP)

yetakchi muxolifatchi partiya bo'lib qolaverdi. «Yashillar» partiyasi ham ancha katta kuchga aylandi.

1990-yillarning birinchi yarmida iqtisodiy taraqqiyot sur'atlari ilgarigidek yuqori bo'limasa-da, GFR dunyoning iqtisodiy yetakchi davlatlaridan biri bo'lib qolaverdi. Mamlakatda kuchli ijtimoiy siyosat olib borildi. Fuqarolar o'zlarini yetarli darajada himoyalangan his qildilar. Ammo shu yillari ishsizlik darajasi juda yuqori bo'lib, bu Germaniya tarixida eng katta ko'satkich edi.

Shunday sharoitda 1998-yilgi parlament saylovlarida GSDP g'olib chiqdi. Gerxard Shryoder hukumati iqtisodda va ijtimoiy sohada chuqur islohotlarni boshladi: korxonalar uchun eng qulay sharoitlar yaratish, kichik va o'rta biznesni qo'llab-quvvatlash va natijada ishsizlikni kamaytirish islohotlarning maqsadi qilib belgilandi. Moliya tizimini qayta qurish, pensiya, tibbiy xizmat va ijtimoiy sug'urta tizimini isloh qilish boshlandi.

**Germaniya XXI-asrda.** XXI asr boshlariga kelib Germaniya ijtimoiy-iqtisodiy va ilmiy-texnik taraqqiyotda sezilarli natijalariga erishdi. U Yevropada eng kuchli iqtisodiy imkoniyatlarga ega bo'lib, YIM hajmi bo'yicha AQSH va Yaponiyadan keyin dunyoda uchinchi o'rinni egalladi.

2005-yil sentabrda bo'lib o'tgan saylovlarda birorta partiya mutlaq ustunlikka erisha olmadi. Noyabrda bo'lib o'tgan bundestag (parlament) yig'ilishida A.Merkel GFR kansleri etib saylandi. U birinchi ayol-kansler, butun GFR tarixidagi eng yosh federal kansler bo'ldi.

A.Merkel federativ tizimni isloh qilish, byurokratiyaga qarshi kurashish, ilmiy tadqiqotlarni rivojlantirish, energetika, budget, moliya va oila, mehnat bozori sohalaridagi siyosati hamda sog'liqni saqlash tizimini isloh qilish to'g'risidagi dasturini e'lon qildi.



Gerxard Shryoder



Angela Merkel



1990-yil ...  
1998-yilgi ...

1994-yil ...  
«Yashillar» partiyasi ...

Biroq, 2008 – 2009-yillardagi inqiroz boshqalar qatori Germaniya iqtisodiga ham katta zarar yetkazdi. Faqat 2014-yilga kelib Germaniyaning iqtisodiy o'sish sur'atlari inqirozdan oldingi ko'rsatkichlarga yetib oldi. 2015-yili A. Merkel hokimiyatga kelganligining o'n yilligi nishonlandi. «Merkel davri» mamlakat tarixidagi muhim davr bo'lib, unda Germaniya Yevropa Ittifoqining yetakchi davlatiga aylandi. A. Merkel dunyoning eng nufuzli siyosatchilaridan biri bo'lib qolmoqda.



Germaniya Federativ Respublikasi

da katta psixologik inqirozga aylanyapti. Masalan, 2016-yili kelib chiqishi eronlik bo'lgan 18 yoshli Ali Sonboli Myunxen shahridagi savdo markazida «Men nemisman!», degan qichqiriqlar bilan odamlarga qarata o'q otdi. Natijada 9 kishi halok bo'ldi, o'nlab odamlar yaralandi. A. Sonboli o'zini o'zi otib o'lirdi.

Bu jarayonlar A. Merkel va u boshchilik qilayotgan XDI partiyasi obro'yining pasayishiga olib keldi. GFR tarkibiga kirgan yerlarda o'tkazilgan mahalliy saylovlarida bu aniq namoyon bo'lmoqda.

2017-yil sentabrda bo'lib o'tgan parlament saylovlarida A. Merkel boshchiligidagi koalitsiya 33% ovoz oldi. Bu hukumatni shakllantirish uchun yetarli bo'lmasdi. Bir qator partiyalar bilan koalitsiya tuzish uchun o'tkazgan muzokaralar shu yil noyabr oyida natijasiz yakunlandi.

2014-yil Ukrainada yuz bergen hokimiyat almashinuvi ortidan Germaniya Rossiyaning Qrimni qo'shib olishiga qarshi qat'iy pozitsiyani egalladi va boshqa Yevropa mamlakatlari qatori Rossiya qarshi sanksiyalar e'lon qildi. A. Merkelning Rossiya rahbarlari bilan munosabati murakkabligicha qolmoqda. Shunga qaramasdan, 2015-yil may oyida Yevropani fashizmdan ozod qilganlarni xotirlash uchun A. Merkel Moskvaga keldi. 2015-yil oxiriga kelib, uning obro'yi biroz pasaydi. Bunga Suriyadan va urush harakatlari davom etayotgan boshqa mamlakatlardan kelayotgan qochoqlar muammosi sabab bo'ldi.

Qochoqlarning nemis jamiyatiga ko'nikish jarayoni ancha og'ir kechmoqda. Ularning ko'pchiligi uchun bu ju-



**A. Merkel GFR tarixidagi eng yosh federal kansler lavozimini egallagan.  
1998-yilgi parlament saylovlariida GSDP g'olib chiqdi.**

Shunga qaramasdan, zamonaviy Germaniyaning ijtimoiy va mada-niy muvaffaqiyatlari ancha katta. Bularning barchasi tur mushning yangi, XXI asr da'vatlariga javob bera oladigan yuqori sifatini yaratish imkonini berdi.

### **Mustahkamlash uchun savol va topshiriqlar**

1. Gerxard Shryoder hukumati iqtisodda va ijtimoiy sohada qanday chuqur islohotlar o'tkazdi?
2. «Merkel davri» mamlakat tarixida qanday o'rinn tutadi?
3. Germaniyada A. Merkel davrining tashqi siyosati haqida nimalar bilasiz?
4. Zamonaviy Germaniyada bugun qanday muammolar mavjud?

### **Mustaqil ish**



Xaritadan foydalanib, Germaniyadagi ma'muriy birliklarni topping va daftaringizga yozing.

## **12-MAVZU. 1991 – 2017-YILLARDA BUYUK BRITANIYA**

**Buyuk Britaniya XX asr oxirida.** 1990-yili Buyuk Britaniya bosh vaziri etib saylangan Jon Meyjor siyosati M. Tetcher davridagi neokonservativm kursini davom ettirishga, ayni paytda «tetcherizm»ning avtoritar boshqaruvga og'ish hollaridan va boshqa qoldiqlari dan asta-sekin voz kechishga qaratilgan edi. Ammo uning ko'plab saylovoldi va'dalari amalga oshmasdan qolib ketdi. Shunga qaramasdan, 1992-yil bahor oyida



Jon Meyjor

bo'lib o'tgan parlament saylovlari J. Meyjorning taktikasi to'g'rilingini ko'rsatdi. Konservatorlar partiyasi saylovlarda g'olib bo'ldi.



### Buyuk Britaniyada M.Tetcher davrida qanday ishlar amalga oshirildi?

XX asrning 90-yillari birinchi yarmida Buyuk Britaniya iqtisodiyoti uzoq muddatli retsessiya davrini boshdan kechirdi. Inflatsiya juda yuqorilab ketdi. Soliq tizimini isloh qilishga urinish muvaffaqiyat keltirmadi, aksincha, konservatorlar partiyasining obro'yiga salbiy ta'sir qildi. 1990-yillarning ikkinchi yarmidan iqtisodiy o'sishning boshlanishi ham konservatorlar partiyasining obro'yini ko'tarmadi. J.Meyjor «tetcherizm»dan qat'iy uzoqlashib, o'zining mustaqil kursini ishlab chiqsa olmadidi.



Buyuk Britaniya

Shunday holatda o'zlariga yangi yetakchi va yangi mafkuraviy dasturni tanlagan Leyboristlar partiyasi 1997-yil may oyida bo'lib o'tgan parlament saylovlarida g'olib chiqdi. Partiya yetakchisi yosh Entoni Bler hukumat boshlig'i bo'ldi. Endi ular o'zlarini «yangi leyboristlar» deb atadilar.

E. Bler kabinetni faoliyatining asosiy yo'nalishi konstitutsion islohot bo'ldi. E. Bler va uning safdoshlari fikricha, islohotlar Shotlandiya va Uelsga avtonomiya, Angliya mintaqalariga ko'proq mustaqillik berishni, saylov haqidagi qonunni isloh qilishni, yuqori palatani qayta tashkil qilish va uning saylanishini joriy qilishni va boshqa bir qator tadbirlarni ko'zda tutardi. Ammo bu islohotlarni amalga oshirish ancha og'ir kechdi. Faqat 1999-yilga kelib dastlabki yutuqlarga erishildi. Shotlandiya va Uels milliy assambleyalariga saylovlar o'tkazildi. Tashqi siyosatda leyboristlar siyosati an'anaviyligicha qoldi. E. Bler hukumati tashqi siyosatdagi barcha masalalarda AQSHning eng yaqin hamkorini bo'ldi.

**Buyuk Britaniya XXI asr boshlarida.** XXI asr boshlarida Buyuk Britaniya G'arbiy Yevropaning boshqa davlatlari singari ijtimoiy-iqtisodiy rivojlanishda katta muvaffaqiyatlarga erishdi. Mamlakatda favqulodda qulay holat vujudga keldi. Iqtisodiy o'sish ko'rsatkichlari yuqori, ishsizlik va inflatsiya esa so'nggi o'n yillar ichida eng past bo'ldi.

E. Bler hukumati ijtimoiy ehtiyojlar uchun davlat xarajatlarini oshirish siyosatini yuritdi, bu mablag'larning katta qismi ish o'rinalarini yaratishga sarflandi. Hukumat ishsizlikni ancha qisqartirishga erishdi. Ammo ijtimoiy ta'minot sohasida hukumat bir qator qat'iy qadamlar qo'yishga majbur bo'ldi. Sog'liqni saqlash davlat xizmati, pensiyalar va ommaviy ta'limga davlat xarajatlari qisqartirildi.

Tashqi siyosatda Buyuk Britaniyaning 2003-yili Iroqqa qarshi koalitsiyada ishtiroki jamiyatda qizg'in bahslarni keltirib chiqardi. Buyuk Britaniya ushbu «antiterror» koalitsiyada AQSHning asosiy ittifoqchisiga aylandi. Ammo ko'pchilik inglizlar bu urushga qarshi edi. Leyboristlarning so'l qanoti ham urushga keskin qarshi chiqdi. E. Bler siyosatidan norozilik ramzi sifatida tashqi ishlar vaziri Robin Kuk iste'foga chiqdi. Shunga qaramasdan, 2005-yili bo'lib o'tgan parlament saylovlarida kichik farq bilan leyboristlar partiyasi g'olib chiqdi. Natijada E. Bler uchinchi muddatga bosh vazir etib saylandi.



Entoni Bler



2005-yili bo'lib o'tgan parlament saylovlarida kichik farq bilan leyboristlar partiyasi g'alaba qozondi. Buyuk Britaniya 2003-yili Iroqqa qarshi koalitsiyada ishtirok etdi.

2005-yil Londonda to'rtta terrorchilik akti amalga oshirildi, nati-jada o'nlab kishilar halok bo'ldi. Javobgarlikni «Al-Qoida» xalqaro terrorchilik tashkiloti o'z zimmasiga oldi.

2006-yilgi Isroi-Livan urushi yakunlangandan so'ng, AQSH ortidan Isroiuning yonini olgan Britaniya bosh vaziri E. Blerning iste'fosi talab qilindi. E. Blerning muddatidan oldin iste'foga chiqishini ko'pchilik britaniyaliklar ham qo'llab-quvvatladi, ular bosh vazirning amerikaparast siyosatidan norozi edi.

2007-yil iyunda E. Bler iste'foga chiqdi. Leyboristlar partiyasining ichki saylovlarida partiyaning yangi yetakchisi va bosh vazir lavozimlarini Gordon Braun egalladi. G. Braun jahon iqtisodiyotining globallashuvi tarafdarlaridan edi. Tashqi savdoda proteksionizm siyosatiga qarshi chiqdi.

Faoliyatining dastlabki davrida G. Braun bir qator tashabbuslar bilan chiqdi va ular jamoatchilik tomonidan ijobjiy qabul qilindi. 2008-yili boshlangan jahon moliyaviy inqirozi sharoitida G. Braunning bank tizimini xonavayron bo'lishdan saqlab qolishga, biznesni qo'llab-quvvatlashga qaratilgan qat'iy harakatlari uning obro'yini oshirdi. Shunga qaramasdan, 2010-yili bo'lib o'tgan parlament saylovlarida konservatorlar partiyasi g'alaba qozondi. Konservatorlar yetakchisi Devid Kemeran Buyuk Britaniya bosh vaziri lavozimini egalladi.



**Jon Meyjor siyosati ...**

**Gordon Braun faoliyati ...**

**«Yangi leyboristlar» siyosatining ustuvor yo'nalishi ...**

D. Kemeran hukumatining davlat xarajatlarini tejash uchun qilgan bir qator harakatlari natijasida YIMga nisbatan budget tanqisligi qisqardi. Shunga qaramasdan, bu muammo hamon dolzarbligicha qolmoqda. Bu davrdagi iqtisodiy qiyinchiliklar davlatning butunligiga ham raxna sola boshladi. 2014-yil sentabrda Shotlandiyada Buyuk Britaniyadan ajralib chiqish masalasida umumxalq referendumi o'tkazilib, unda 45% aholi mustaqillik uchun ovoz berdi.

2015-yili bo'lib o'tgan parlament saylovlarida konservatorlar partiyasi yana g'alaba qozondi. Saylovoldi kampaniyasi davrida bosh vazir D. Kemeron agar konservatorlar g'alaba qozonsa, Buyuk Britaniyaning Yevroittifoqdan chiqishi masalasini ko'tarishga va ushbu masha bo'yicha referendum o'tkazishga va'da berdi. 2016-yil iyun oyida bo'lib o'tgan referendumda ishtirok etgan Buyuk Britaniya aholisining 50 % dan ortig'i mamlakatning Yevropa Ittifoqidan chiqishi uchun ovoz berdi. Shundan so'ng bosh vazir D. Kemeron iste'foga chiqdi. Buyuk Britaniya bosh vaziri lavozimini Tereza Mey egalladi.

XX asrning ikkinchi yarmida Buyuk Britaniya mustamlaka imperiyasi to'liq tugatildi. Ammo Buyuk Britaniya uncha osonlik bilan bo'lmasa-da, jahonda o'zining siyosiy va iqtisodiy mavqeyini saqlab kelmoqda. 2016-yil Yevropa Ittifoqidan chiqish uchun ovoz bergen ko'pchilik inglizlar ham buni mamlakat mustaqilligini qadrlashlari bilan izohladi. Nima bo'lganda ham, Buyuk Britaniya XXI asrda jahon hamjamiyatining eng muhim a'zolaridan biri bo'lib qolmoqda.



Devid Kemeron



Tereza Mey



**Proteksionizm** – ichki bozorni ma'lum cheklovlari (import va eksport boj to'lovlari, subsidiyalar va boshqa tadbirlar) orqali chet el raqobatidan himoya qilishga qaratilgan siyosat.

**Taktika** – bu ko'zlangan maqsadga erishish uchun qo'llaniladigan usul va vositalar yig'indisi.

### Mustahkamlash uchun savol va topshiriqlar

1. 1990-yillar oxirida konservatorlar partiyasining mag'lubiyati sabablari nimada?
2. E.Bler kabinetiga faoliyatining asosiy yo'nalishi nimalardan iborat bo'ldi?

3. D. Kemeron kabinetining iste'foga chiqishining sabablari nimada edi?
4. Buyuk Britaniyaning Yldan chiqishida nimalar asosiy omil bo'ldi?

### Mustaqil ish



Xaritadan foydalanib, bosh vazir E.Bler va uning safdoshlari mustaqillik berishni e'tirof etgan hududlarni topping va daftaringizga yozing.

## 13-MAVZU. 1991 – 2017-YILLARDA FRANSIYA

**XX asr oxirlarida Fransiya.** 1980-yillar oxirida Fransiya hukumatি korxonalar, banklar va sug'urta kompaniyalarini ommaviy xususiylashtirish siyosatini e'lon qilgan edi. Xususiylashtirish yo'llaridan biri – korxonaning uning ishchilari tomonidan sotib olinishi bo'ldi. Ishchilar soni 500 dan 1 ming nafargacha bo'lgan korxonalarning chorak qismi shu yo'l bilan sotib olindi. Iqtisodiy taraqqiyotning 1989 – 1992-yillarga mo'ljallangan rejasi pul aylanishi barqarorligini ta'minlashni, inflatsiyaning pasayishini va iqtisodning raqobatbardoshligini qo'llab-quvvatlashni ko'zda tutardi.



**Fransiyada Beshinchи respublika qachon o'rnatilgan edi?**

Fransiyani sotsialistlar boshqargan 1980 – 1990-yillar boshlarida xalqaro hayotda eng muhim voqealar sodir bo'ldi: «sovuv urush» yakunlandi, Germaniya birlashdi, Sovet Ittifoqi va Yugoslaviya tarqalib ketdi, G'arbiy Yevropa birlashdi. Fransiya prezidenti Fransua Mitteran va uning hukumati Germaniya bilan yaqinlashish va G'arbiy Yevropa mamlakatlarining birlashishini o'zining asosiy vazifasi deb bildi. Germaniya bilan birga Fransiya G'arbiy Yevropani birlashtirishning eng faol ishtirokchisi bo'ldi. 1990-yil yanvarda Lyuksemburgning Shengen shahrida Fransiya hukumati Shengen kelishuvini imzoladi. Unga bi-noan Yevropa Iqtisodiy Hamkorligi (YIH) mamlakatlari fuqarolari vidasiz va bojxona nazoratisiz bir-biriga bemalol o'tishi mumkin bo'ldi.



Fransiya Respublikasi

So'llar hokimiyatda turgan yillarda ular tarafdrorlari kutgan nati-jalarga erishilmadi. Iqtisodiy o'sish sur'atlari juda past bo'ldi. 1993-yili ishlab chiqarish hajmi qisqardi. Ishsizlik mislsiz darajaga yetdi. Sotsialistlarning obro'yи tushib ketdi. Markaziy va Sharqiye Yevropada kommunistik rejimlarning qulashi, SSSR va Yugoslaviyaning tarqalib ketishi, Rossiya hukumati tomonidan rasman kommunizmning qoranishi nafaqat kommunistlarni, balki butun sotsialistik g'oyalar va qadriyatlar tizimini obro'sizlantirdi.

1993-yili Milliy majlisga bo'lib o'tgan saylovlarda o'ng kuchlar parlamentda mutlaq ko'p o'ringa ega bo'ldi. Fransiyaning urushdan key-yingi tarixida so'l kuchlar ilk bor shunday qaqshatqich mag'lubiyatga uchradi. So'l kuchlar bunday mag'lubiyatdan so'ng uzoq vaqt inqirozdan chiqqa olmadidi.

1995-yilgi prezidentlik saylovlarida Jak Shirak g'olib chiqdi va ishsizlikka qarshi kurashni, jamiyatning boylar va qashshoqlarga bo'linishini bartaraf qilishni asosiy vazifa deb e'lon qildi. Tashqi

siyosatda uning asosiy faoliyati Fransiyaga Yevropa Ittifoqining «yetakchisi» va butun dunyo uchun «erk mayog‘i» rolini qaytarishga qaratildi. Yangi hukumat davlat budjeti kamomadini kamaytirish, bandlikni ta’minlash rejasini e’lon qildi. 1996-yildan YIMning o’sish sur’atlari, kapital kiritish va shaxsiy iste’mol hajmi oshdi.



### 1990-yil yanvarda Lyuksemburgning Shengen shahrida Fransiya hukumati Shengen kelishuvini imzoladi.

**Postindustrial jamiyat.** 1990-yillari Fransiyada postindustrial jamiyatning shakllanish jarayoni davom etdi. Ilmiy-texnik inqilobning shiddat bilan rivojlanishi Fransiyaning qiyofasini o’zgartirdi. Parij va boshqa yirik shaharlarda osmono’par binolar paydo bo’ldi. Butun mamlakatni avtomobil yo’llari va soatiga 250 – 300 km tezlik bilan yuradigan temiryo’l trassalari qamrab oldi. Angliya bilan hamkorlikda qurilgan La-Mansh bo‘g’ozni ostidan o’tgan temiryo’l tonneli (Yevrotonnel) – XX asrning eng buyuk muhandislik yutuqlaridan biri 1994-yil may oyida tantanali ravishda ochildi.

Boshqa rivojlangan mamlakatlardagi singari Fransiyada ham elektronika, informatika va ular bilan bog’liq sanoat sohalari jadal rivojlandi. Industrial jamiyatning ramzi bo’lgan sanoat sohalari – metalluriya, ko‘mir qazib chiqarish kabi sohalar asta-sekin tushkunlikka yuz tutdi.

**XXI asrda Fransiya.** XX – XXI asrlar chegarasida Fransiya barcha muhim ko’rsatkichlar bo‘yicha dunyoning eng rivojlangan davlatlari qatoriga kirdi. Ammo 2008 – 2009-yillardagi jahon moliyaviy inqirozi Fransiya iqtisodiga juda katta salbiy ta’sir ko’rsatdi. 2007-yili Fransiya prezidenti etib saylangan Nikoly Sarkozy o’ng konservativ «Xalq harakati uchun ittifoq» partiyasining yetakchisi edi.



Fransa Olland

2012-yilgi saylovlarda Fransiya prezidenti lavozimiga saylangan FSP (Fransiya sotsialisistik partiyasi) yetakchisi Fransua Olland Fransiyaning Yevroittifoqdagi rolini yanada oshirish, Yevropa siyosatida yetakchi davlatlardan biri sifatidagi o‘rnini saqlab qolish uchun harakat qildi. U 2012-yili boylar uchun qo’shimcha soliq o’rnatish tashabbusi

bilan chiqdi. Bu tashabbus konstitutsion sud tomonidan bekor qilindi. So'ng bir jinsli shaxslar o'rtaida nikohni yoqlab chiqib, uni qonunlashtirdi. Bu katolik cherkovining noroziligiga sabab bo'ldi.

Suriya va boshqa urush harakatlari bo'layotgan Sharq mamlakatlaridan kelayotgan muhojirlar oqimi ham Fransiyadagi ijtimoiy holatni keskinlashtirdi. 2015-yil noyabr oyida Parijda sodir etilgan terroristik akt oqibatida yuzdan oshiq kishi halok bo'ldi, uch yuzdan oshiq odam yaralandi. Bu terrorchilik aktlarini ISHID terrorchi guruhi o'z zimmasiga oldi.



**Shengen kelishuvi ...  
1996-yildan ...**

**1993-yili ...  
2007-yili ...**

Hukumat tomonidan barcha ehtiyoj choralarini ko'rlishiga qaramasdan, terroristik aktlar yana takrorlandi.

F.Olland Fransiya tarixidagi eng nufuzsiz prezident bo'lib tarixga kirdi. U 2017-yili bo'lib o'tgan prezidentlik saylovlari o'z nomzodini qo'ymadidi. Aprel oyida bo'lib o'tgan saylovlarning ikkinchi turida «Olg'a!» harakatining vakili Emmanyuel Makron g'alaba qozondi. Ayni paytda bu saylovlarni Fransiyada ham Germaniyadagi singari multikulturalizm siyosatining barbod bo'lganligini ko'rsatdi. Muhojirlar sonining oshishi, terrorizm xavfinining kuchayishi sharoitida o'ng Milliy front partiyasining obro'yi oshib bordi. Milliy front vakili Marin Le Pen ilk bor prezidentlik saylovlarida ikkinchi turga chiqib, qariyb 34% ovoz oldi.

Mamlakatdagi ko'plab muammolarga qaramasdan, XXI asr boshlariga kelib, Fransiya ham iqtisodiy, ham siyosiy jihatdan dunyoning yetakchi davlatlaridan biri bo'lib qolmoqda.



Emmanuel Makron



**Multikulturalizm** – bu bitta mamlakatda va butun dunyoda madaniyatlar xilma-xilligini saqlab qolishga yo'naltirilgan siyosat hamda bu siyosatni asoslovchi nazariya va mafkura.

## **Mustahkamlash uchun savol va topshiriqlar**

1. 1990-yillar boshlariда Fransiyada qanday sabablar so'l kuchlar ning mag'lubiyatiga olib keldi?
2. Fransiyada postindustrial jamiyatning shakllanishi nimalarda namoyon bo'ldi?
3. 2010-yillar boshlariда qanday sabablar Fransiyada ijtimoiy holatni keskinlashtirdi?
4. XXI asrda Fransiya oldida qanday muammolar paydo bo'ldi?

### **Mustaqil ish**



Internet vositasida Fransiyaga virtual sayohat uyushtiring va mavzuda o'r ganilgan materiallar asosida tarixiy voqelikni tahlil qiling.

## **14-MAVZU. 1991 – 2017-YILLARDA ITALIYA**

**1990-yillarda Italiya.** Italiyada postindustrial jamiyatning asoslari o'tgan asrning 80-yillarida shakllandi. Keng miqyosda sanoat ishlab chiqarishining texnik bazasi va texnologiyasini yangilash jarayoni – ishlab chiqarishga kompyuter boshqaruv tizimini joriy qilish, robotlardan keng foydalanish boshlandi. Eng asosiysi, bu jarayonning oldingi safida kichik korxonalar bordi.



**Yevropa iqtisodiy hamkorligini tuzish to'g'risida Rim shartnomasi qachon imzolandi?**

Jamiyatning ijtimoiy strukturasida ham jiddiy o'zgarishlar yuz berdi. Jadal rivojlanayotgan xizmat ko'rsatish sohasida band bo'lganlar soni tez o'sdi.

Siyosiy hayotda beqarorlik va hukumatning tez-tez almashishi Italiyaning o'ziga xos an'anasiiga aylandi. Italiyada davlat institutlarining chuqur inqirozi, shuningdek, mafiya tizimlarining faoliyati bilan ham bog'liq edi. Hokimiyatning yuqori organlarida misli ko'rilmagan korrupsiya Italiya siyosiy mexanizmining o'ziga xos to-


monlari bo'lib qoldi. Saylov bu yerda proporsional tizim bo'yicha o'tkazilardi. 1993-yilgi referendumda Italiya aholisi bunday saylov tizimidan voz kechish uchun ovoz berdi.

1980 – 1990-yillar boshlarida ichki siyosiy jarayonlarga an'anaviy partiyalarning ta'siri kamaydi. 1991-yili Italiya kommunistik partiyasi tarqalib ketdi. Uning bazasida Liberal-sotsialistik partiya va Kommunistik uyg'onish partiyasi tashkil qilindi.

1992-yil fevral oyida mamlakatda «Halol qo'llar» kampaniyasi boshlanib, hokimiyatning yuqori qatlami va asosiy partiyalar rahbariyatida ommaviy korrupsiya holatlari aniqlandi. Pora olish bilan bog'liq yangi siyosiy janjal avj oldi. Yirik tadbirdorlar, Xristian-demokratlar partiyasi (XDP) va Italiya sotsialistik partiyasi (ISP) yetakchilari, deputatlar va senatorlar, bir necha vazirlar tergovga tortildi. Italiya prezidenti F.Kossiga iste'foga chiqdi. Jami 20 ming kishi tergov ro'yxatiga kiritildi. 1992-yil fevraldan boshlab ikki yil ichida poraxo'rlikda ayblanib uch mingga yaqin kishi, jumladan, sobiq bosh vazirlar, parlament deputatlari, vazirlar qamoqqa olindi. Hokimiyatning oliy rahbariyati bilan mafiya o'rtasidagi aloqani ochib tashlagan sud jarayoni butun jamiyatni hayratga soldi. Qarshilik harakati to'lqinida shakllangan partiyaviy-siyosiy tizimning qulashi boshlandi. 1992-yilgi parlament saylovlari asosiy siyosiy partiyalar, jumladan, XDP va ISPning ham jamiyatdagi nufuzi pasayganligini ko'rsatdi. 1993-yili XDP bazasida Italiya xalq partiyasi tuzildi. ISP tarqalib ketdi. 1994-yil martda bo'lib o'tgan parlament saylovlari avvalgi partiyaviy tizimning qulaganligini namoyish qildi. Yangi, hali tanilmagan guruhlar: «Olg'a, Italiya!», «Shimol ligasi», «Milliy alyans» – neofashistlar va o'ng natsionalistlar birlashmasi oldingi maydonga chiqdi.

Hukumatni «Shimol ligasi» va «Milliy alyans» koalitsiyasi asosida S.Berlusconi shakllantirdi. Hukumat 1994-yil oxirigacha tura oldi, xolos. Korrupsiyaga qarshi kurash e'lon qilgan S.Berluskonining o'zi soliq qoidalarini buzganlikda ayblandi va iste'foga chiqdi. Italiyaning yangi hukumati partiyasizlardan tashkil qilindi.

1996-yildan hokimiyatda so'l markazchilar koalitsiyasi turdi. Biroq, ijtimoiy ta'minot tizimini o'zgartirishga urinish bilan bog'liq masalalar bo'yicha koalitsiyada kelishmovchiliklar yuz berdi. Ayni paytda bir qator mafiya guruhlari boshliqlarining qamalishi jamiyat tomonidan qo'llab-quvvatlandi.



Silvio Berlusconi



Italiya Respublikasi

1992-yil fevralda mamlakatda «Halol qo'llar» kampaniyasi boshlandi.

1993-yilgi referendumda Italiya aholisi proporsional saylov tizimidan voz kechish uchun ovoz berdi.

Biroq, bosh vazir Romano Prodi hukumati ichki kelishmovchiliklarni bartaraf qila olmadi va parlamentdagi ustunlikni yo'qotib, 1998-yili iste'foga chiqdi. Massimo D'Alema bosh vazir lavozimini egal-ladi. M.D'Alema shu paytgacha yuqori darajada saqlanib kelayotgan ishsizlikni qisqartirishni taklif qildi.

2000-yil aprel oyida bo'lib o'tgan mahalliy saylovlarda barcha shimaliy viloyatlarda o'ng kuchlar g'olib chiqdi. Ijtimoiy fikrga «Halol qo'llar» operatsiyasi katta ta'sir ko'rsatdi, katolik cherkovi ham o'nglarni qo'llab-quvvatladi. M.D'Alema iste'foga chiqdi.

**Italiya XXI asrda.** Zamonaviy Italiya – yuqori darajada rivojlangan industrial mamlakat. XX asrning so'nggi yillarida va XXI asr boshlarida u o'z taraqqiyotida sezilarli natijalarga erishdi. Inflatsiya ancha pasaydi, ishsizlik kamaydi, yangi korxonalar soni tez o'sdi. Puxta o'ylangan yoshlар siyosati olib borilmoqda. Faqat 1998-yili 12 ming kichik va o'rta biznes korxonalari yaratilgan bo'lib, ularning asosiy qismini yoshlarga qarashli firmalar tashkil qiladi. Ayni paytda Italiya yuqori texnologik mahsulotlar ishlab chiqarish bo'yicha yetakchi davlatlardan ortda qolmoqda.

So'nggi o'n yil ichida Italiyada YIM o'sishi o'z beqarorligi bilan ajralib turadi. Bu faqat 2008 – 2009-yillardagi jahon moliyaviy inqirozi bilan bog'liq bo'lmasdan, Italiya iqtisodining o'ziga xos tuzilishi bilan ham bog'liq. YIM kichik bo'lsa-da, doimiy o'sish xarakteriga ega. Ammo davlatning qarzi ham juda katta, hozir u YIMga nisbatan 130% ni tashkil qiladi.



1992-yil ...

Proporsional saylov tizim – bu ...

1993-yili ...

1998-yili ...

2014-yil fevral oyidan boshlab Italiya hukumatini boshqargan Matteo Renzi soliqlarni pasaytirish evaziga italyanlarning daromadini oshirish maqsadini e'lон qildi. U 2015-yildan ta'lim tizimini isloh qilishni ham boshladi. 2016-yil dekabrda bosh vazir lavozimini egallagan Paolo Jentiloni shu siyosatni davom ettirmoqda.

XXI asrga kirib kelgan Italiya dunyoning yetakchi mamlakatlariiga nisbatan texnologik qoloqlikni bartaraf etishga, o'z iqtisodining raqobatbardoshligini oshirishga intilmoqda. Zamonaviy axborot texnologiyalarini, iqtisodning noan'anaviy sohalari – bank faoliyati, turizm, sport va sog'lijni saqlash industriyasini rivojlantirishga alohida e'tibor qaratilmoqda.



Matteo Renzi



**Proporsional saylov tizimi** – bunda mandatlar partiylar o'rtasida ular olgan ovozlar soniga proporsional ravishda bo'linadi.

**Neofashizm** – bu 1920–1940-yillardagi fashistik tashkilotlarning g'oyaviy-siyosiy davomchisi bo'lgan o'ng radikal tashkilotlar.

## **Mustahkamlash uchun savol va topshiriqlar**

1. 1980 – 1990-yillarda Italiya jamiyatida qanday ijobiy o‘zgarishlar yuz berdi?
2. «Halol qo’llar» kampaniyasi Italiyada qanday natijalarga olib keldi?
3. XXI asr boshlarida Italiya iqtisodiy rivojlanishda qanday yutuqlarga erishdi?
4. Yangi asrda Italiyada qanday muammolar saqlanib qolmoqda?

### **Mustaqil ish**



Xaritadan foydalanib, Italiya qaysi davlatlar bilan chegaradosh ekanligini daftaringizga yozing.



Italiyadagi «Halol qo’llar» kampaniyasini tahlil etish asosida «Biz korrupsiyaga qarshimiz» mavzusida kichik o‘quv loyihasini tayyorlang va to‘garak mashg‘ulotida taqdimot qilishga tayyorgarlik ko‘ring.

## **15-MAVZU. OSIYO, AFRIKA VA LOTIN AMERIKASI MAMLAKATLARI SIYOSIY, IJTIMOIY-IQTISODIY RIVOJLANISHINING ASOSIY YO‘NALISHLARI**

**Modernizatsiyalashning murakkab yo‘li.** XX asr oxiriga kelib Osiyo, Afrika va Lotin Amerikasi mamlakatlarida modernizatsiya muammolari chuqurlashib bordi. Bunda «sovuv urush»ning yakunlanganligi ham ma’lum rol o‘ynadi. SSSRdan yordam olib turgan Osiyo, Afrika va Lotin Amerikasidagi mamlakatlar u tarqalib ketgandan so‘ng og‘ir sharoitga tushib qoldi. Vyetnam, Laos, Angola, Mozzambik, Kuba, Nikaragua kabi SSSR yordamiga tayangan davlatlarda tuzumlar almashdi yoki rivojlanishning muqobil yo‘llariga o‘tildi.



**«Afrika yili» deb nomlangan davrda dunyo xaritasida nechta mustaqil davlatlar paydo bo‘lgan?**

XX asrning ikkinchi yarmida amalga oshirilgan modernizatsiyaning ijobjiy natijalari ham rivojlanayotgan mamlakatlarda bir qator muammo larni keltirib chiqardi. Ulardan biri demografik muammo bo'lib, hozir Yer yuzi aholisi o'sishining asosiy qismi rivojlanayotgan mamlakatlar hissasiga to'g'ri kelmoqda. Hayot kechirish manbalarining cheklangani holda aholi sonining jadal o'sishi dolzarb muammolarni yanada ko'paytirmoqda. Jumladan, aholining eng boy qismi bilan eng kambag' al qismi daromadi o'rta sidagi farq juda yuqoriligidicha qolmoqda.

**Janubiy Osiyo mamlakatlarining o'ziga xosligi.** Modernizatsiyalashni maqsad qilgan Osyoning eng yirik mamlakatlari (Hindiston, Pokiston, Indoneziya, Filippin, Tailand va boshqalar) o'zlari uchun yagona to'g'ri yo'lni topishga harakat qildilar.

Bu yo'l ijtimoiy-siyosiy islohotlarni amalga oshirishda ehtiyojkorlikni, asosan ijtimoiy hayotning eng qoloq shakllarini bartaraf qilish bilan cheklanishni talab etardi.


Chet el kapitalini jalb qilishning sharti bo'lgan ijtimoiy va siyosiy barqarorlikni ta'minlashga katta e'tibor berildi. Shunisi diqqatga sazovorki, bu mamlakatlarda umumiylayotgan hayot darajasi ancha past bo'lgan holatda eng boyolar bilan eng kambag'allarning daromadlari o'rta sidagi farq uncha yuqori bo'lmasdan, rivojlangan mamlakatlardagi ko'rsatkichga yaqin. Hukumat jamiyatda norozilikning o'ta kuchayishiga yo'l qo'ymasdan, modernizatsiyalashning puxta o'ylangan strategiyasini olib bormoqda. Uning asosini davlat investitsiyalarini iqtisodiyotning istiqbolli sektorlariga yo'naltirish, proteksionizm siyosati, chet el kapitalini mahsuloti xaridorgir bo'lgan sohalarga kiritish tashkil qildi. Janubiy Osiyo mamlakatlarida Yevropa tipidagi gigant-shaharlar, postindustrial zonalar, yuqori texnologiyali ishlab chiqarish, ilg'or mamlakatlardagi zamонавиј fan yutuqlari darajasida faoliyat yurituvchi ilmiy markazlar paydo bo'ldi.

Ammo hal qilinmagan muammolar ko'p. Masalan, katta yoshdagidan aholining qariyb yarmi savodsiz. Aholi o'qishni ham, yozishni ham bilmaydigan bu mamlakatlarda modernizatsiya o'choqlari qishloqlardagi natural xo'jalik bilan yonma-yon faoliyat yuritmoqda.

**Islom dunyosi.** XX asr oxiri – XXI asr boshlarida islom mamlakatlari modernizatsiyaning murakkab bosqichini boshdan kechirmoqda. Erondagi 1979-yilgi islom inqilobi butun musulmon olamiga juda katta ta'sir ko'rsatdi. Ko'plab mamlakatlarda mutaassib guruhlar paydo bo'ldi yoki borlari faollashdi, ko'plari maqsadga erishishning vositasi sifatida terrorni tanladi.

Bu jarayonda islom fundamentalizmi alohida rol o'yynamoqda. Aslida fundamentalizm faqat islomga xos emas. Masalan, so'nggi yillarda Hindistonda hinduizmning dastlabki qadriyatlariga qaytishni tabab qilayotgan kuchlar faollashib qoldi. Ammo hozir ko'proq «islom fundamentalizmi» haqida gapirilmoqda. Hatto u XXI asrda xalqaro munosabatlarning ham asosiy muammosi bo'lishi haqidagi taxminlar hozircha o'zini oqlamoqda.

Islom fundamentalizmi turli ko'rinishlarda namoyon bo'ladi. Masalan, 1990-yillarning boshlarida arab mamlakatlari va Shimoliy Afrikada «Musulmon birodarlar» kabi terrorchi guruhlar faollashdi. Ular ayrim arab davlatlari tomonidan moliyalashtirildi. Ba'zi islom davlatlaridagi ekstremistik guruhlar Usoma bin Lordin yetakchiligidagi «Jihad xalqaro fondi»ni tashkil qildi, bu tashkilot butun dunyo bo'ylab terroristik aktlarni rag'batlantirdi.



Islom dunyosi xaritasi: ■ – sunniylar; ■ – shialar.



**1979-yil ...  
1990-yillarning boshlarida ...**

XXI asr boshlarida AQSH «demokratiya o'rnatish» bahonasida Iroq va Liviya kabi suveren davlatlarda hokimiyatni quroq kuchi bilan ag'darib tashladi. Natijada mintaqada terroristik oqimdagি mutaass-

sib tashkilotlar kuchayib, bo'shab qolgan hokimiyatni egallash uchun kurash boshladi. Iroq, Liviya, Suriya urush alangasida qoldi. ISHID terrorchilik tashkiloti atrofida dunyoning barcha qismidan terrorchilar yig'ilib, islom bayrog'i ostida jang olib bormoqda.

Islom fundamentalizmi – bu oddiy terrorizm emas, u favqulodda ko'pqirrali va xavfli hodisa. Unga juda ehtiyojlik bilan munosabatda bo'lmoq lozim. Haqiqiy dinni uning nomidan terror uyuştirayotgan, jahonda tinchlikka xavf solayotgan guruhlardan ajrata olishda odamlarga yordam ko'rsatish, islom dinining tinchliksevar din ekanligini asoslash bugungi kunda islom nazariyotchilarining dolzarb vazifasi bo'lib qolmoqda.

**XX asrda Lotin Amerikasi mamlakatlari** uchun umumiy bo'lgan modernizatsiyalashning uchta – inqilobi, neokonservativ va islohotchilik variantlari yaqqol ko'zga tashlanadi. Ammo Lotin Amerikasi mamlakatlari ijtimoiy taraqqiyotning yuqori pog'onasiga ko'tarilish uchun qo'llagan barcha variantlari kutilgan natijalarini bermadi. Lotin Amerikasi jamiyatlari bir vaqtida uchta muammoni: samarali, barqaror rivojanuvchi iqtisodni yaratish; o'tmishtdan qolgan ijtimoiy muammolarni hal qilish; industrial rivojlangan mamlakatlar, avvalo AQSHga qaramlikni bartaraf qilishning umumiy yo'llini topa olmadı.

Lotin Amerikasida 1990-yillardagi neoliberal islohotlarning salbiy oqibatlarini bartaraf qilish jarayonida so'l yo'nalishdagi hukumatlar saylov yo'li bilan hokimiyatga keldi. Bu butun dunyoning e'tiborini o'ziga jalb qildi va «so'l burilish» nomini oldi.

XX asrning oxiri – XXI asr boshlarida Lotin Amerikasi mamlakatlari o'z tarixida birinchi marta diktaturalarsiz rivojlandi, deyarli barcha mamlakatlarda saylovlar orqali konstitutsion rejimlar hokimiyatga keldi. Ammo 2008-yilgi jahon moliyaviy inqirozi va 2014-yili boshlangan energetika inqirozi oqibatida Lotin Amerikasida vujudga kelgan og'ir sharoit bu mamlakatlarning islohotlarga muhtojligini ko'rsatmoqda.



**Neokonservativizm** – bu konservativ g'oyaviy-siyosiy oqimning an'anaviy ijtimoiy qadriyatlarni saqlash va rivojlanadirishga yo'naltirilgan turi.

**Neoliberal islohot** – davlatning iqtisodiyotga aralashuvini kamaytirish maqsadida o'tkaziladigan tadbirlar. Neoliberalizm va killari bozor o'zini o'zi tartibga soladi deb hisoblaydi.

## Mustahkamlash uchun savol va topshiriqlar

1. Osiyo, Afrika va Lotin Amerikasi mamlakatlari modernizatsiyalash jarayonida qanday muammolarga duch kelmoqda?
2. Janubiy Osiyo mamlakatlari rivojlanishidagi o'ziga xos tomonlar nimalardan iborat?
3. Islom mamlakatlaridagi modernizatsiyalash jarayonida islom fundamentalizmi qanday rol o'yynamoqda?
4. Lotin Amerikasi mamlakatlari XX asr oxirlarida o'z oldida turgan qanday muammolarni hal qilish yo'llarini topa olmadi?

## Mustaqil ish



Konseptual jadval asosida Osiyo, Afrika va Lotin Amerikasi mamlakatlari ijtimoiy-iqtisodiy rivojlanishi asosiy yo'nalishlarining o'ziga xosliklarini tahlil eting.

## 16-MAVZU. 1991 – 2017-YILLARDA XITOY XALQ RESPUBLIKASI

**Xitoy Xalq Respublikasining siyosiy rivojlanishi.** Sotsialistik tizim va SSSR tarqalib ketgandan so'ng Xitoy Xalq Respublikasi (XXR) eng yirik sotsialistik davlat sifatida saqlanib qoldi. Bu yerda Xitoya xos sotsializm qurish davom ettirildi. Hokimiyatni yagona Xitoy kommunistik partiyasi (XKP) egallab turibdi.



**Xitoyda «Buyuk milliy inqilob» qanday natijalar bilan yakunlandi?**

1989-yil Tyananmen maydonidagi tinch namoyish bostirilgandan so'ng uch yilga yaqin Xitoy siyosatida jiddiy o'zgarish yuz bermadidi. Faqat 1992-yili Den Syaopin mamlakatning janubiy provinsiylariga qilgan safari paytida bir qator bayonotlar berib, iqtisodiy islohotlar siyosatini to'xtatib bo'lmaydi, dedi. Islohotlar boshlangandan so'ng qo'lga kiritilgan yutuqlar tanlangan yo'lning to'g'rilingiga odam-

larni ishontirdi. Den Syaopin o‘z safari davomida yana bir muhim qarorni qabul qildi: u o‘z shahrida namoyishlarni tinch yo‘l bilan to‘xtata olgan Shanxay shahri meri Szyan Szeminni o‘zining vorisi deb e’lon qildi.

Shu davrda davlat apparati ham yarmiga qisqartirildi. Samarasiz ishlayotgan keksa amaldorlar o‘rniga yoshlari keldi. XKPning Bosh kotibi iste’foga chiqib, o‘rniga nisbatan yosh Xu Szintao saylandi.

2012-yili hokimiyatga kelgan Si Szinpin boshchiligidagi XKP va XXR rahbarlarini «Xitoy orzusi»ni amalga oshirish g‘oyasi birlashtirib turibdi. «Xitoy orzusi» deganda eng umumiy ma’noda «xitoy millatini tiklash» yo‘lida ikki qadam – XKPning yuz yilligiga (2021-yil) «o‘rtacha farovonlik» darajasiga erishish, XXRning yuz yilligiga (2049-yil) esa jahoning rivojlangan mamlakatlari qatoridan o‘rin olish tushuniladi.

**Iqtisodiy islohotlar.** 1989-yili Tyananmen maydonidagi talabalar namoyishi shafqatsiz bostirilgandan so‘ng Xitoyga qarshi ma’lum sanksiyalar e’lon qilinishiga qaramasdan, mamlakatda islohotlar davom ettirildi. Ularни muvaffaqiyatli amalga oshirish uchun Mao Szedun davridagi bir qator tadbirlardan voz kechishga to‘g‘ri keldi. Avvalo, jamaoa xo‘jaliklari tugatildi. Dehqonlar hosilning bir qismini erkin bozorda sotish imkoniyatiga ega bo‘ldi, shaharlар va qishloqlarda kichik mahalliy korxonalarni tuzish rag‘batlantirildi. «Boy bo‘lish – bu juda yaxshi» – deya ta’kidladi Den Syaopin. U tadbirkorlikni qo‘llab-quvvatlash dasturi doirasida Xitoyning qirg‘oq bo‘yidagi to‘rtta viloyatini maxsus iqtisodiy zonalar deb e’lon qildi. Bu iqtisodiy zonalarda chet el investorlari uchun qulayliklar yaratildi.

1997-yil fevral oyida Xitoy «islohotlarining otasi» Den Syaopin vafot etdi. Shu yil sentabrda XKP «Davlat sektorini modernizatsiya qilish dasturi»ni qabul qildi. Zarar keltirib ishlaydigan davlat banklari va korxonalaridan voz kechishga qaror qilindi.

Islohotlarning muvaffaqiyatli amalga oshirilishi natijasida XX asrning oxirgi yigirma yilda XXRning YIMi olti martadan ko‘proqqa oshdi. XXR rahbariyati XXI asrning dastlabki yigirma yilidan ham o‘ta samarali foydalanishni maqsad qilib qo‘ydi. Bu davr iqtisodiy, harbiy, tashqi siyosiy qudratni oshirish va jahonda sifat jihatidan yangi o‘rinni egallash uchun «strategik imkoniyatlar bosqichi» sifatida qaraldi.




Den Syaopin

Xitoy 2001-yili Jahon savdo tashkilotiga (JST) a'zo bo'lgandan so'ng jahon bozorining imkoniyatlaridan va mamlakatning Yer yuzidagi «eng yirik fabrika» sifatidagi ustunligidan unumli foydalanib, iqtisodiy o'sishning yuqori sur'atlarini saqlab qoldi hamda o'zining jahon iqtisodidagi mavqeyini yanada oshirishga erishdi.

2017-yil oktabrda bo'lib o'tgan XKPning 19-Umumxitoy syezdida Si Szinpin Xitoy kommunistlarining azaliy maqsadi xitoy xalqining baxti uchun kurash va xitoy millatini tiklash ekanligini ta'kidlab, XXI asr o'rtalariga kelib Xitoy zamonaviy buyuk sotsialistik davlatga aylanadi, deb e'lon qildi.

**Ijtimoiy muammolar.** Iqtisodiy o'sishning muntazam yuqoriligiga qaramasdan, XXI asr boshlariga kelib, Xitoy bir qator jiddiy iqtisodiy, ekologik va ijtimoiy muammolarga duch keldi: boylar bilan kambag'allar daromadi o'rtaqidagi farq keskin oshdi.



Si Szinpin


Xitoyning eng dolzarb muammolari qatoriga aholining tez keksayib borishi va ishlab chiqarishning ekologiyaga yetkazayotgan zararini kiritish mumkin. Xitoyda uzoq yillar olib borilgan «bitta oila – bitta farzand» siyosati natijasida mamlakatda yoshlar soni keksa avlod soniga nisbatan kamayib bormoqda. XXI asr boshlarida industrilashtirish, urbanizatsiya va xalqaro savdo ta'siri ostida ener-

giya sarfi yuqori bo'lgan og'ir sanoat keng miqyosda jadal rivojlandi. Oqibatda zaharli gazlar Xitoy shaharlarida juda og'ir ekologik sharoitni vujudga keltirdi. Qishloqlarda esa suvning ifloslanishi asosiy muammo bo'lib qolmoqda. Bu aholi sog'lig'idan tashqari milliy iqtisodiyotga ham katta zarar yetkazmoqda. Xitoy hukumati yaqin kelajakda ekologik holatni yaxshilash bo'yicha tadbirlar ishlab chiqqan. Unda ekologik sof muhitni yaratish XXI asrning asosiy vazifasi sifatida qaraladi.

Xitoyning dolzarb muammolaridan yana biri terrorizm hisoblaniadi. Ayniqsa, Sinszyan-Uyg'ur avtonom o'lkasida terrorizm xavfi juda kuchli. Faqat 2013-yili mintaqada 200 ga yaqin terroristik aktlar amalga oshirildi.

XX asrning oxiridagi islohotlardan farqli ravishda yangi asrning boshlaridagi islohotlarning asosiy maqsadi iqtisodiy o'zgarishlar bo'lmay qoldi. XXI asr boshida e'tibor faqat iqtisodiy yuksalishga emas, islohotlar jarayonida vujudga kelgan ijtimoiy-iqtisodiy muammolarni bar-

taraf etishga qaratildi. Bu muammolar asosan shahar bilan qishloq, mamlakat g'arbiy qismi bilan sharqi qismi rivojlanishi o'rtaсидаги farq bilan bog'liq. Iqtisodiy islohotlarning hozirgi bosqichida davlatning asosiy e'tibori bozor munosabatlarni rivojlantirishga qaratilgan.



Xitoy Xalq Respublikasi

**Tashqi siyosat.** Xitoy BMT Xavfsizlik Kengashining doimiy a'zosi hisoblanadi. G'arb mamlakatlari Xitoy tashqi siyosatini Koreya Xalq Demokratik Respublikasini qo'llab-quvvatlagani uchun tanqid qilib keladi. XXR hukumati jahon siyosatida Xitoyning rolini oshirishga qaratilgan tashqi siyosat olib bormoqda va ayni paytda, ko'plab xalqaro masalalar bo'yicha neytral pozitsiyani egallab turibdi.



2001-yili ...      2017-yil oktabrda ...      2013-yili ...  
**«Xitoy islohotlarining otasi» – bu ...**

AQSH Xitoyning asosiy savdo hamkorli bo'lib qolmoqda. Ammo ikki davlat o'rtaсидаги munosabatlarda bir qator muammolar ham mav-

jud. Bu avvalo AQSHning Osiyo-Tinch okean mintaqasida o‘z ta’sirini kuchaytirishga qaratilgan siyosati oqibatida paydo bo‘lgan ziddiyatlardir. AQSHning bu siyosati mintaqadan Xitoyni siqib chiqarishga qaratilgani uchun Pekinning jiddiy qarshiligiga uchramoqda. Bu mintaqada keskinlikning oshishiga olib keldi. Xitoy va AQSH o‘rtasida boshlangan qurollanish poygasi ham keskinlikni yanada kuchaytirmoqda.

Shunga qaramasdan, tomonlar o‘rtasida XXI asr boshidan iqtisodiy masalalar bo‘yicha strategik kelishuv mavjud bo‘lib, muntazam uchrashevularda asosiy muammolar muhokama qilinadi. Masalan, 2017-yil noyabr oyida AQSH prezidenti D. Tramp Xitoyga rasmiy tashrif bilan kelib, bir qator iqtisodiy hamkorlik masalalarini hal qilishga va 250 mlrd dollardan oshiq summaga savdo kelishuvini imzolashga erishdi.

XXR tashqi siyosatining asosiy maqsadi Osiyo va Afrika mamlakatlarida o‘z ta’sirini oshirishga qaratilgan. Buning uchun Xitoy yetarli iqtisodiy, harbiy va siyosiy imkoniyatlarga ega.



**Urbanizatsiya** – shaharlar soni ko‘payib, ularda davlatning siyosiy, iqtisodiy va madaniy hayoti jamlanishi tarixiy jarayoni.

### **Mustahkamlash uchun savol va topshiriqlar**

1. XX asr oxiri – XXI asr boshlarida XXRda amalga oshirilgan siyosiy o‘zgarishlardan qanday maqsadlar ko‘zlangan edi?
2. Xitoyda amalga oshirilgan iqtisodiy islohotlar qanday natijalarga olib keldi?
3. XXI asr boshlariga kelib Xitoyda industrlashtirish va urbanizatsiya bilan bog‘liq qanday muammollar vujudga keldi?
4. Xitoy tashqi siyosatida AQSH bilan munosabatlar qanday rol o‘ynaydi?

### **Mustaqil ish**



Xaritadan foydalanib, Xitoy tarixida 1991–2017-yillarda asosiy o‘rin egallagan viloyatlarni toping va izoh yozing.

## 17-MAVZU. 1991 – 2017-YILLARDA YAPONIYA

**1990-yillarda Yaponiyaning rivojlanishi.** Bu davrda Yaponiya siyosiy hayotida liberal-demokratik partiyaning (LDP) obro‘yi tiklandi. 1990-yili hokimiyatga kelgan Tosiki Kayfu Yaponiyaning xalqaro obro‘yini oshirishga erishdi. 1990-yili Quvaytning Iroq tomonidan aneksiya qilinishi paytida Yaponiya xalqaro harbiy kontingentga, shuningdek, Misr, Jordaniya va Turkiyaga moliyaviy yordam tarzida bir necha milliard dollar mablag‘ ajratdi.



**Qachon Yaponiya yalpi ichki mahsulotning hajmi bo‘yicha dunyoda AQSHdan keyingi ikkinchi o‘ringa chiqib olgan?**

1990-yillardan iqtisodiyotda davlat sektorining ulushi kamayib bordi. Shuningdek, sanoatni davlat tomonidan tartibga solish ham susaydi. Bu davrda Yaponiyaning asosiy eksporti chetga kapital chiqarish bo‘lib qoldi. Chet davlatlarda joylashtirilgan investitsiyalar miqdori 1 trln dollardan oshib ketdi. Yaponiya mehnat unumdarligi bo‘yicha ham G‘arbiy Yevropa mamlakatlaridan o‘tib, AQSHga tenglashib bordi. 1990-yillari butun dunyoda ishlab chiqarilgan videoapparatulararning 90% i, sanoat robotlarining 2/3 qismi Yaponiya hissasiga to‘g‘ri kelardi. Ammo tashqi bozorga bog‘liqlik 1997 – 1998-yillardagi «Osiyo inqirozi» paytida Yaponiya uchun katta qiyinchiliklar tug‘dirdi. Shunga qaramasdan, Yaponiya iqtisodiyoti inqirozlar davrida o‘zining moslashuvchanligi va chidamliligini namoyish qildi.

Ichki siyosatda 1990-yillar hukumat beqarorligi bilan xarakterlanadi. Bu yillari Yaponiyada bir necha koalitsion hukumatlar almashgandan so‘ng 1996-yil yanvarda LDP yana bir partiyalı hukumat tuzishga erishdi. Unga Ryutaro Xasimoto boshchilik qildi. U «olti islohot»: 1) soliq; 2) ta’lim sohasida; 3) ijtimoiy ta’minotda; 4) iqtisodiyotda davlat boshqaruvini pasaytirish bo‘yicha; 5) ma’muriy boshqaruvni detsentralizatsiyalash bo‘yicha; 6) sanoat kompaniyalariga yer uchastkalari ajratish bo‘yicha islohotlar boshlanishini e’lon qildi. Shuningdek, R.Xasimoto yangicha diplomatiyani na-



Keydzo Obuti

moyish qilib, tashqi siyosatda «yevroosiyochilik» konsepsiyasini tatbiq etishga urindi. U Yaponiyada bir qator terrorchilik aktlarini amalgaloshirgan «Aum Sinrikijo» sektasi faoliyatiga chek qo'yishda qat'iy harakatlari bilan ham tanildi.



Yaponiya

XX asr oxirida Yaponiya ichki siyosatida LDP yetakchilikni saqlab goldi. 2000-yil Yaponiya bosh vaziri Keydzo Obuti vafot etgandan so'ng bu lavozimni Yosiro Mori egalladi.

**Yaponiya XXI asrda.** Yaponiya XXI asr boshlarida iqtisodi barqaror rivojlanayotgan mamlakat bo'lib qolmoqda. U 400 mlrd dollardan oshiqroq summaga teng mahsulot eksport qilyapti. Yaponiya kemasozlik, traktorsozlik, metallni qayta ishlash sanoati uchun

uskunalar ishlab chiqarish bo'yicha dunyoda birinchi o'rinni egallab turibdi. U po'lat, televizorlar va avtomobil ishlab chiqarishda ham jahonda yetakchilardan hisoblanadi. Yaponiya YIM hajmi bo'yicha jahonda AQSH va Xitoydan so'ng uchinchi o'rinni egallab turibdi.

Yaponiya ko'plab orollardan iborat mamlakat. U boshqa mamlakat-larga nisbatan tabiat kuchlari: okean bo'ronlari, tayfunlar, zilzilalarga ko'proq bog'liq. Yaponlar o'z ishlab chiqarish madaniyatida ana shu bog'liqlikni kamaytirishga intilib keldi. Ammo tabiat kuchlaridan to'liq ustun kelishning iloji yo'q, ularning zararini kamaytirish mumkin, xolos.

2011-yil mart oyida Xonsyu orolida yuz bergan zilzila Yaponiyaga katta zarar yetkazdi. Minglab kishilar halok bo'ldi, 300 mingdan oshiq kishi boshpanasiz qoldi. Bir necha atom elektrostansiyalariga zarar yetdi, Fukushima-1 atom elektrostansiyasidan radioaktiv moddalarning atrof-muhitga tarqaliishi yuz berdi. Mamlakatga juda katta iqtisodiy zarar yetkazildi.

Ichki siyosatda asosan LDPning yetakchiligi saqlanib qoldi. 2001-yili Yaponiya bosh vaziri lavozimini Junitiro Koidzumi egalladi. U nisbatan yosh, serg'ayrat bo'lib, mamlakatda katta obro'ga ega edi. J. Koidzumi Yaponiya konstitutsiyasining mamlakatga o'z qurolli kuchlariga ega bo'lishini taqiqlovchi moddasini qayta ko'rib chiqish tarafdoi bo'lib chiqdi. J. Koidzumi uch muddat hukumatni boshqardi. 2012-yildan LDP yetakchisi Sindzo Abe hukumatni boshqarib kelmoqda.

Shuni aytish lozimki, siyosiy inqirozlar faqat Yaponiya uchun xos bo'lgan hodisa emas. Shunga o'xshash jarayonlar yangi, postindustrial sivilizatsiya shakllanayotgan boshqa mamlakatlarda ham yuz bermoqda. Aholining ijtimoiy tarkibi o'zgarmoqda, jamiyatni tashvishga solayotgan muammolarning ham mohiyati o'zgacha tus olyapti; ko'plab eski partiyalar inqirozni boshdan kechirmoqda – ular juda qiyinchilik bilan yangi sharoitlarga moslashmoqda, har doim ham yangilikni o'z vaqtida ilg'ab ololmayapti. Rivojlangan mamlakatlar siyosiy tizimida ham jiddiy qayta qurish ketyapti. Vakillik demokratiyasining rivojlanishi yaqin ke-lajakda mutlaqo yangi mazmun kasb etishi mumkin, qandayligini vaqt ko'rsatadi. Ammo hozirdanoq yaponlar muammolarning muvaffaqiyatli hal qilinishiga ishonch bilan harakat qilmoqda.

Yaponiya tashqi siyosatida AQSH bilan munosabatlar asosiy o'rin tutadi. Ikkinci jahon urushi yakunlangandan beri Yaponiya



Sindzo Abe

AQSHning mintaqadagi eng yaqin savdo hamkori va strategik sherigi bo'lib kelmoqda. Yaponianing Xitoy bilan munosabatlari ancha murakkab. 2005-yili J.Koidzumi hukumati Tayvan oroli masalasida ilk bor AQSHni ochiq qo'llaganda Xitoy bilan munosabatlari keskin yomonlashdi. Jahon hamjamiyatini tashvishga solib kelayotgan va 2017-yili yanada keskinlashgan Shimoliy Koreya masalasida ham Yaponiya bilan Xitoy o'rtaida kelishmovchiliklar mavjud.



**Detsentralizatsiya** – bu qarorlar qabul qilish bo'yicha vakolat va majburiyatlarni markazdan boshqa tashkilotlarga o'tkazish.

**Sekta** – bu kishilarning ko'pincha tor, o'ta mutaassib va ekstremistik qarashlar doirasida birlashishi, umumiy diniy yo'nalishdan chetga chiqish.

**Harbiy kontingent** – bu ma'lum harbiy vazifani bajarish uchun tashkil qilingan qo'shinlar va harbiy texnika majmuasi.

### **Mustahkamlash uchun savol va topshiriqlar**

1. 1990-yillari Yaponiya iqtisodiyotida qanday o'zgarishlar yuz berdi?
2. Ryutaro Xasimoto qanday islohotlarni e'lon qildi?
3. XXI asrda Yaponianing barqaror rivojlanishi qanday omillarga tayanadi?
4. Yaponiya tashqi siyosatida AQSH va Xitoy bilan munosabatlar nima uchun asosiy yo'nalish hisoblanadi?

### **Mustaqil ish**



«Yapon iqtisodiy mo'jizasi» mavzusida esse yozing.



Internet vositasida Yaponiyaga virtual sayohat uyush-tiring va zamонавиј Yaponiya taraqqiyotining asosiy sabablarini daftaringizga ustun holatida yozing.

## 18-MAVZU. 1991 – 2017-YILLARDA JANUBI-SHARQIY OSIYO MAMLAKATLARI

Janubi-Sharqiy Osiyo (JSJO) mamlakatlariga rivojlanish darajasi bir-biriga yaqin bo'lgan Vyetnam, Kambodja, Laos, Myanma, Tailand, Malayziya, Bruney, Sharqiy Timor, Indoneziya va Filippin kiradi. Bu mamlakatlarda yarim milliarddan oshiq aholi yashaydi. Taraqqiyotning sotsialistik yo'lini tanlagan Vyetnam, Kambodja, Laos 1990-yillarda juda og'ir ahvolda qoldi. Ular dunyoning eng kambag'al mamlakatlari qatoriga kirardi. Sotsialistik yo'nalishdagi hukmron partiyalar hokimiyatda qolgan bo'lsa-da, ular o'z mamlakatlarida jiddiy islohotlar o'tkazishga majbur bo'ldi.

### Janubi-sharqiy Osiyoda qaysi davlatlar Yaponiya modeeli asosida rivojlanish yo'lini tanlagan?

**Vyetnam, Kambodja, Laos.** 1991-yili bo'lib o'tgan Vyetnam Kommunistik partiyasining VII syezdi islohotlar kursini e'lon qildi. Syezd erkin tadbirkorlikka ruxsat berdi, dehqonlar uzoq muddat yerga egalik qilish huquqini oldi.

Bozor islohotlari natijasida barqaror iqtisodiy o'sish ta'minlandi, XX asrning so'nggi yillarida bu ko'rsatkich yiliga 9% ni tashkil qildi. Chet el kapitali muvaffaqiyatli o'zlashtirildi, investitsiyalarning o'sishi kuzatildi. XX asr oxiri – XXI asr boshlarida Vyetnamda chet el firmalari ishtirokida bir qator loyihibar amalga oshirildi. Iqtisodiy yutuqlar aholining yashash darajasini oshirish imkonini berdi. Bu esa ko'pmillatli davlatda barqarorlik garovi bo'lib qoldi.

Hozir Vyetnam oziq-ovqat eksporti bo'yicha Osiyo mamlakatlari ichida birinchi, sholi eksporti bo'yicha dunyoda mamlakatlar o'rtasida ikkinchi o'rinni egallab turibdi.

**Kambodjada** hokimiyatni Oliy milliy kengashga berish to'g'risida 1991-yil oktabrda yakunlangan Parij konferensiyasida qaror qilindi. BMTning Kambodjadagi Muvaqqat ma'muriyati tuzildi va u umumiy saylovlarga tayyorgarlikni amalga oshirdi.

1999-yili Kambodja ASEANning teng huquqli a'zosi bo'ldi. XXI asr boshlarida Kambodja og'ir iqtisodiy holatda bo'lib, xalqaro yordam hisobiga kun kechirardi. Mamlakatda «tirik tovar» savdosи keng avj olgan bo'lib, ota-onalar bolalarini arzimagan pulga so-

AQSHning mintaqadagi eng yaqin savdo hamkori va strategik sherigi bo'lib kelmoqda. Yaponianing Xitoy bilan munosabatlari ancha murakkab. 2005-yili J.Koidzumi hukumati Tayvan oroli masalasida ilk bor AQSHni ochiq qo'lllaganda Xitoy bilan munosabatlari keskin yomonlashdi. Jahon hamjamiyatini tashvishga solib kelayotgan va 2017-yili yanada keskinlashgan Shimoliy Koreya masalasida ham Yaponiya bilan Xitoy o'rtaida kelishmovchiliklar mavjud.



**Detsentralizatsiya** – bu qarorlar qabul qilish bo'yicha vakolat va majburiyatlarni markazdan boshqa tashkilotlarga o'tkazish.

**Sekta** – bu kishilarning ko'pincha tor, o'ta mutaassib va ekstremistik qarashlar doirasida birlashishi, umumiy diniy yo'nalishdan chetga chiqish.

**Harbiy kontingent** – bu ma'lum harbiy vazifani bajarish uchun tashkil qilingan qo'shinlar va harbiy texnika majmuasi.

### Mustahkamlash uchun savol va topshiriqlar

1. 1990-yillari Yaponiya iqtisodiyotida qanday o'zgarishlar yuz berdi?
2. Ryutaro Xasimoto qanday islohotlarni e'lon qildi?
3. XXI asrda Yaponianing barqaror rivojlanishi qanday omillarga tayanadi?
4. Yaponiya tashqi siyosatida AQSH va Xitoy bilan munosabatlar nima uchun asosiy yo'nalish hisoblanadi?

### Mustaqil ish



«Yapon iqtisodiy mo'jizasi» mavzusida esse yozing.



Internet vositasida Yaponiyaga virtual sayohat uyush-tiriring va zamonaviy Yaponiya taraqqiyotining asosiy sabablarini daftaringizga ustun holatida yozing.

## **18-MAVZU. 1991 – 2017-YILLARDA JANUBI-SHARQIY OSIYO MAMLAKATLARI**

Janubi-Sharqiy Osiyo (JSZO) mamlakatlariga rivojlanish darajasi bir-biriga yaqin bo'lgan Vyetnam, Kambodja, Laos, Myanma, Tailand, Malayziya, Bruney, Sharqiy Timor, Indoneziya va Filippin kiradi. Bu mamlakatlarda yarim milliarddan oshiq aholi yashaydi. Taraqqiyotning sotsialistik yo'lini tanlagan Vyetnam, Kambodja, Laos 1990-yillarda juda og'ir ahvolda qoldi. Ular dunyoning eng kambag'al mamlakatlari qatoriga kirardi. Sotsialistik yo'nalishdagi hukmron partiyalar hokimiyatda qolgan bo'lsa-da, ular o'z mamlakatlarida jiddiy islohotlar o'tkazishga majbur bo'ldi.



### **Janubi-sharqiy Osiyoda qaysi davlatlar Yaponiya modeli asosida rivojlanish yo'lini tanlagan?**

**Vyetnam, Kambodja, Laos.** 1991-yili bo'lib o'tgan **Vyetnam** Kommunistik partiyasining VII syezdi islohotlar kursini e'lon qildi. Syezd erkin tadbirkorlikka ruxsat berdi, dehqonlar uzoq muddat yerga egalik qilish huquqini oldi.

Bozor islohotlari natijasida barqaror iqtisodiy o'sish ta'minlandi, XX asrning so'nggi yillarida bu ko'rsatkich yiliga 9% ni tashkil qildi. Chet el kapitali muvaffaqiyatli o'zlashtirildi, investitsiyalarning o'sishi kuzatildi. XX asr oxiri – XXI asr boshlarida Vyetnamda chet el firmalari ishtirokida bir qator loyihibar amalga oshirildi. Iqtisodiy yutuqlar aholining yashash darajasini oshirish imkonini berdi. Bu esa ko'pmillatli davlatda barqarorlik garovi bo'lib qoldi.

Hozir Vyetnam oziq-ovqat eksporti bo'yicha Osiyo mamlakatlari ichida birinchi, sholi eksporti bo'yicha dunyoda mamlakatlar o'rtasida ikkinchi o'rinni egallab turibdi.

**Kambodjada** hokimiyatni Oliy milliy kengashga berish to'g'risida 1991-yil oktabrda yakunlangan Parij konferensiyasida qaror qilindi. BMTning Kambodjadagi Muvaqqat ma'muriyati tuzildi va u umumiy saylovlargacha tayyorgarlikni amalga oshirdi.

1999-yili Kambodja ASEANning teng huquqli a'zosi bo'ldi. XXI asr boshlarida Kambodja og'ir iqtisodiy holatda bo'lib, xalqaro yordam hisobiga kun kechirardi. Mamlakatda «tirik tovar» savdosи keng avj olgan bo'lib, ota-onalar bolalarini arzimagan pulga so-

tardi. XXI asr boshlarida ayrim ijobiy o'zgarishlar ko'zga tashlandi. Sog'liqni saqlash va ta'limga ajratilgan xaratjatlar ko'paytirildi, mamlakatda qashshoqlik darajasini pasaytirish tadbirlari amalga oshirildi.



ISHO mamlakatlari

**Laosda** 1991-yili konstitutsiya qabul qilindi. Parlament – Milliy assamb-leyaning qonunchilik faoliyati kuchaydi, Laos ASEANga a’zo bo’ldi.

XXI asr boshiga kelib iqtisodning faqat 10%i davlatga tegishli edi. 1999-yili mamlakat birinchi marta o’zini sholi bilan ta’minladi. Asta-sekin Laosga chet el kapitali qaytmoqda, inflatsiya pasaydi, milliy valuta – kipaning qiymati oshmoqda. Konstitutsiyaga binoan mamlakatda bir partiyali tizim hukmron bo’lishiga qaramasdan, demokratiya elementlari asta-sekin paydo bo’lmoqda. 2016-yili bo’lib o’tgan parlament saylovlarida bir o’ringa o’rtacha 1,5 nafar nomzod to‘g’ri keldi.

**Sharqiy Osiyo mamlakatlari.** 1980 – 1990-yillar Sharqiy Osiyo mamlakatlarining barchasida iqtisodiy o’sishning yuqori sur’atlari kuzatildi. Bu ularga 1990-yillarning boshidayoq zamonaviy dunyoda jiddiy ta’sirga ega bo’lgan «yangi industrial mamlakatlar» deb ataluvchi guruh qatoridan joy olish imkonini berdi.

**Malayziya** shiddatli iqtisodiy rivojlanish tufayli korrupsiya va mamlakat shimolida islom fundamentalistlarining faollashuvi bilan bog’liq ichki siyosiy inqirozni yengib o’tdi. 1995-yil aprelda bo’lgan saylovlarda doktor Mahatxir Muhammad boshchiligidagi Malayya birlashgan milliy partiyasi (MBMP) ishonchli g’alabani qo’lga kiritdi va bu bilan islom fundamentalistlari hokimiyatga kelishining oldini oldi.

1990-yillardan Malayziyaning iqtisodiy o’sish sur’atlari yuqori bo’lib, u industrial rivojlangan mamlakatlar qatoriga intilmoqda. XXI asr boshlariga kelib mamlakat nafaqat xomashyoning muhim turlarini, balki juda katta miqyosda sanoat mahsulotlarini ham eksport qilmoqda.

Malayziyada mamlakatni rivojlantirishning 2020-yilgacha bo’lgan dasturi ishlab chiqilgan. Unga binoan, 2020-yilga kelib, Malayziya industrial rivojlangan mamlakatlar qatoridan o’rin olishi ko’zda tutilgan.

**Indoneziyaga** 1990-yillardagi «Osiyo inqirozi» juda qattiq ta’sir ko’rsatdi. Iqtisodiy o’sish sur’atlari pasayib ketdi. Bu aholining ommaviy noroziligini keltirib chiqardi. Prezident Suxarto iste’foga chiqishga majbur bo’ldi. Bu paytga kelib mamlakatni islom fundamentalizmi to’lqini qamrab oldi. Muslimonlar orasida g’alayonlar, xristianlarni qirg’in qilish, mamlakatning turli hududlarida ayirmachilik chiqishlari boshlanib ketdi.



Mahatxir  
Muhammad



Joko Widodo

2001-yili mamlakat prezidenti etib Megavati Sukarnoputri saylanshi aholi tomonidan iliq qarshi olindi, rupiyaning kursi tezda oshib ketdi, fond bozori ham faollashdi. 2014-yili bo'lib o'tgan navbatdagi saylovlarda Joko Widodo Indoneziya prezidenti etib saylandi.



Filippinlik Karen Ibasko – «Miss – 2017» dunyo go'zallari tanlovi g'olib

**Filippinda** 1992-yilgi saylovlarda general Fidel Ramos mamlakat prezidenti etib saylandi. U janubdag'i musulmon ayirmachilarini tor-mor qilishga urindi, ammo bunga erisha olmadni.

Filippinda musulmonlarning bir necha radikal tashkilotlari mavjud. Ularning ixtiyorida o'n minglab yaxshi qurollangan, Afg'oniston va Shimoliy Kavkazda tajriba orttirgan, Iraq va Suriyada ISHID saflariga borib qo'shilgan jangarilar bor.

Ichki holatning og'irligiga qaramasdan 1990-yillari iqtisodiy o'sishni jadallashtirishga erishildi. Filippin elektron va kimyo sanoati mahsulotlarini ishlab chiqaruvchi eng yirik mamlakatlardan biriga aylandi.

2016-yil may oyida bo'lib o'tgan saylovlarda Rodrigo Roa Duterte g'olib chiqib, Filippin prezidenti bo'ldi. U mamlakatda 2006-yili bekor qilingan o'lim jazosini qayta tiklash tarafdoi. 2016-yil iyul oyida mamlakatda narkotik savdosи bilan noqonuniy shug'ullanuvchilarga qarshi kampaniya boshlanib, narkotik savdosida gumon qilingan 2 mingdan oshiq kishi o'ldirildi. Narkotik savdosida gumon qilinganlarning sudsiz o'ldirilishi jahon jamoatchilagini tashvishga solmoqda.

**Janubiy-Sharqiy Osiyo mintaqasidagi «yangi industrial davlatlar».** XX asrning ikkinchi yarmi – XXI asr boshlarida jadal modernizatsiyalashni amalga oshirgan **Janubiy Koreya, Tayvan, Singapur, Gonkong** taraqqiyotning yuksak sur'atlarini ta'minlab, «Osiyo yo'lbarslari», «yangi industrial davlatlar» deb atala boshlandi. Ularda aholining yashash darajasi keskin yaxshilandi.

Bu mamlakatlarda sanoatning kemasozlik, avtomobilsozlik, neftni qayta ishlash sohalari va yengil sanoat buyumlari ishlab chiqarish rivojlangan. Ilmtalab yuqori texnologiyalarni joriy qilish, kompyuterlashtirish va robotlashtirish bo'yicha yuqoridagi davlatlar dunyoda eng ilg'orlardan hisoblanadi.

## **Mustahkamlash uchun savol va topshiriqlar**

1. Vyetnamda 1991-yili boshlangan iqtisodiy islohotlar qanday nati-jalarga olib keldi?
2. XXI asrda Kambodja va Laosda qanday o'zgarishlar sodir bo'lmoqda?
3. Sharqiy Osiyo mamlakatlari rivojlanishning qanday darajasida turibdi?
4. JSHO mintaqasidagi «yangi industrial davlatlar»da sanoatning qaysi sohalari rivojlangan?

### **Mustaqil ish**



Janubi-Sharqiy Osiyo mamlakatlarida amalga oshirilgan islohotlar bilan mustaqillik yillarida O'zbekistonda o'tkazilgan islohotlarni taqqoslang. O'xshash va farqli jihatlarini Venn diagrammasida aks ettiring.

### **19-MAVZU. 1991 – 2017-YILLARDA HINDISTON RESPUBLIKASI**

**1990-yillarda Hindiston.** Bu davrda Hindistonning iqtisodiy ahvoli yomonlashdi: jahon iqtisodiyotida yuz bergan tushkunlik Hindistonni ham chetlab o'tmadidi. Iqtisodiy o'sish deyarli to'xtadi, inflatsiya kuchaydi, ishsizlik oshdi. Mamlakatda turli etnik va diniy guruhlar o'rtasida ziddiyat, umumiyl tanglik holati kuchayib bordi. Shunday holatda 1991-yili tamil terrorchisi tomonidan Hindiston bosh vaziri Rajiv Gandhi o'ldirildi.



**Maxatma Gandhi faoliyati haqida nimalarini bilsiz?**

Hokimiyatga kelgan Narasimha Rao hukumati bozor islohotlarining yangi bosqichini boshladi. Davlat sektori qisqartirilib, yirik korxonalar xususiylashtirildi. Iqtisodga davlatning aralashuvi yanada kamaytirildi. Bir qator favqulodda tadbirlar ham amalga oshirildi. Xusan, rupiya



Narsimha Rao

devalvatsiya qilindi, soliq islohoti o'tkazildi, davlatning valuta zaxirasi to'ldirildi.

1990-yillarda Hindiston jiddiy yutuqlarga erishdi. Shu davrda YIM hajmi bir necha barobar oshdi. Ishlab chiqarishning yuqori o'sish sur'atlari ta'minlandi. Bu davrda Hindiston o'zining oltin-valuta zaxirasini oshirishga intildi, neft qazib olishni ko'paytirdi.

Qishloq xo'jaligi ham muvaffaqiyatli rivojlandi. 1992-yildan Hindiston g'alla eksport qilishni boshladi. Mamlakat ko'plab, jumladan, yuqori texnologiya mahsulotlarini ham eksport qiladi. Masalan, yuqori sifatli kompyuter dasturlarini sotishdan yiliga bir necha milliard dollar foyda olmoqda. Hindiston kompyuter dasturlarini yaratish sohasidagi yuqori malakali kadrlar soni bo'yicha dunyoda AQSHdan so'ng ikkinchi, ilmiy-texnik xodimlar soni bo'yicha uchinchi o'rinda turadi.



Atal Bihari  
Vajpeyi

**Zamonaviy Hindiston.** 1998-yil mart oyida bo'lib o'tgan parlament saylovlarida Xalq-demokratik alyansi g'alaba qozonib, uning yetakchisi Atal Bixari Vajpai bosh vazir lavozimini egalladi.

Ko'plab tabiiy qiyinchiliklarga, jumladan, mamlakat g'arbidagi qurg'oqchilikka qaramasdan, A.B.Vajpei hukumati o'zining bir qator rejalarini amalga oshirdi. Kashmirdagi musulmon separatizmini kuchsizlantirish tadbirlari o'tkazildi.


2000-yili mamlakat shimoli-g'arbida uchta yangi shtat tashkil qilindi. Hukumat mamlakatning bu mintaqasini rivojlantirishga katta e'tibor qaratdi, shu maqsadda birinchi marta maxsus vazirlik tuzildi.

A.B.Vajpei hukumati ovoz berishning yanada erkinligini, saylovoldi kampaniyasida moliyaviy xarajatlarning oshkoraligini ta'minlash maqsadida bir qator saylov islohotlarini amalga oshirdi.



**1991-yili tamil terrorchisi tomonidan Hindiston bosh vaziri Rajiv Gandhi o'ldirildi.**

**2000-yili mamlakat shimoli-g'arbida uchta yangi shtat tashkil qilindi.**



Hindiston Respublikasi

Iqtisodiy sohada A.B.Vajpai kabineti xo'jalik faoliyatiga hukumatning bevosita aralashuvini qisqartirish choralarini ko'rди. U ko'plab sohalarda davlat monopoliyasini bekor qildi, tadbirkorlar va firmalar faoliyati ustidan nazoratni kamaytirdi, soliqlarni pasaytirdi. Hukumat barqaror iqtisodiy o'sishni, Hindiston sanoatining raqobatbardoshligini, kompyuter texnologiyalari, transport va aloqa sohalari rivojlanishini ta'minladi. Ammo iqtisodiyotning yanada liberallashuvi ayniqsa yoshlар orasida ishsizlikning o'sishiga, qashshoqlik muammosining keskinlashuviga olib keldi. Natijada 2004-yil may oyida bo'lib o'tgan saylovlarda Hindiston milliy kongressi (HMK) so'llar bilan hamkorlikda g'olib chiqdi.

Hukumatni Manmoxan Singx boshqardi. Yangi hukumat mayda ishlab chiqaruvchilarni qo'llab-quvvatlashga, ishsizlikni kamaytirishga, aholining kamdaromad qismini oziq-ovqat bilan ta'minlashni yaxshilashga, qashshoqlar sonini kamaytirishga, inson manfaatlari yo'lida iqtisodiy islohotlar o'tkazishga va'da berdi.

Hindiston – XXI asrda dunyoning iqtisodiy yetakchilaridan biriga aylanishga da'vo qilayotgan mamlakat. 2006-yili e'lon qilingan Jahan bankining prognozlariga qaraganda, 2025-yilga kelib, Hindiston iqtisodiyoti dunyoda Xitoy va AQSHdan so'ng uchinchi o'rninga chiqishi mumkin. Hindiston hozirdanoq barqaror iqtisodiy o'sishni ta'minlash, yuqori qo'shimcha qiymatga ega bo'lgan sektorni rivojlanтирish, shuningdek, ta'lim va sog'liqni saqlash tizimini takomillashtirish yo'lidan bormoqda. 2014-yili Hindiston bosh vaziri bo'lgan Narendra Modi ham islohotlar siyosatini davom ettirmoqda.



Narendra Modi

Hindistonning ichki va tashqi siyosati shakllanishiغا, XXI asrda uning iqtisodiy yuksalishiga ta'sir ko'rsatgan va ko'rsatayotgan hal qiluvchi omil mamlakatning demokratik yo'lidan rivojlanishi bo'ldi. Unda hokimiyatning rahbar organlarida jamiyatning turli qatlamlari vakillari ishtiroti uchun imkoniyat yaratildi.

Hindistonda ijtimoiy-iqtisodiy rivojlanishning ancha yuqori sur'atlari aholi katta qismining yashash sharoitini yaxshilash imkonini berdi, bu hind jamiyati va davlati erishgan eng katta yutuq hisoblanadi.

**1991-yili ...**



**Demografik muammo ...**

**Zamonaviy Hindistonning muammolari ...**

**1998-yil martda ...**

Shunga qaramasdan, keng miqyosdagi ijtimoiy muammolar mamlakatning muntazam rivojlanishiga to'siq bo'lib turibdi. Ulardan eng asosiysi demografik muammo. 2017-yil oxiriga kelib, Hindistonda aholi soni 1 mlrd 350 mln kishidan oshib ketdi. Mamlakatda 400 mln qashshoqlar mavjud, aholining deyarli 1/3 qismi savodsiz. Shuningdek, Hindiston ko'p etnosli, ko'p tilli, aholisi eng tez ko'payayotgan mamlakat bo'lgani uchun etnik muammolar doimiy saqlanib qolmoqda. Ular, masalan, Panjobda sikxlar, Assamda bengallar, Janubiy Hindistonda tamillar, Kashmir muammosi kabilardan iborat. Bulardan

tashqari, diniy muammolar ham mavjud. Masalan, hozir Hindiston-dagi musulmonlar soni 160 mln kishidan oshib ketgan. Ularning hindlar bilan munosabatida kelishmovchiliklar mavjud. Qashshoqlini bartaraf qilish, ishsizlik darajasini pasaytirish va aholi yashash darajasini oshirish ham hamon davlat va jamiyatning eng dolzarb muammosi bo'lib qolmoqda.

Ushbu qiyinchiliklarga qaramasdan, Hindiston demokratik rivojlanish yo'lidan jadal ketmoqda. Bu mamlakatning yangi davr da'vatlariga munosib javob berishi uchun kuchli asos hisoblanadi.

Tashqi siyosatda Hindistoning bosh maqsadi dunyoning yetakchi davlatlaridan biriga aylanishdir. Iqtisodiyotni jadal rivojlantirish asosida davlatning iqtisodiy va siyosiy qudratini oshirish, yadro quroliga va zamonaviy texnikaga ega bo'lgan kuchli armiyani yaratish shu maqsadga qaratilgan edi. Hindiston BMT Xavfsizlik Kengashining doimiy a'zosi bo'lish uchun tinimsiz harakat qilib kelmoqda.

XXI asrda ham Hindiston tashqi siyosati an'anaviy yo'nalishda davom etmoqda. Bu siyosatning asosini jamiyatda demokratik qadriyatlar ustuvor bo'lgan sharoitda mamlakatning tashqi xavfsizligini ta'minlash kursi tashkil qilib, bu kurs jamiyatning katta qismi tomonidan qo'llab-quvvatlanmoqda.



**Devalvatsiya** – bu qat'iy xalqaro valutaga nisbatan milliy valutaning rasmiy kursini pasaytirish.

### Mustahkamlash uchun savol va topshiriqlar

1. Narasimxa Rao hukumati amalga oshirgan islohotlar natijasida Hindiston 1990-yillari qanday yutuqlarga erishdi?
2. A.B.Vajpai hukumati qanday muhim tadbirlarni amalga oshirdi?
3. Hindiston XXI asrda qanday yutuqlarga erishishni maqsad qilib rivojlanmoqda?
4. XXI asrda hind jamiyati oldida qanday dolzarb muammolar turibdi?

## Mustaqil ish



Xaritadan 1991–2017-yillarda Hindiston tarixida asosiy o‘rin egallagan shtatlarni toping va izoh bering.

### 20-MAVZU. 1991 – 2017-YILLARDA TURKIYA RESPUBLIKASI

**XX asrning 90-yillari – XXI asr boshlarida Turkiyaning siyosiy rivojlanishi.** XX asrning 80-yillari oxiri – 90-yillari boshlarida dunyoda yuz berayotgan siyosiy o‘zgarishlar Turkiyaga ham o‘z ta’sirini ko‘rsatdi. 1989-yili taniqli islohotchi Turg‘ut O‘zol Turkiya Respublikasi prezidenti etib saylandi. Saylov to‘g‘risida yangi qonun qabul qilinib, siyosiy partiyalar uchun bir qator yengilliliklar yaratildi.

Ammo bu yengilliklardan birinchi navbatda turli islom dini tarafdarlarining partiyalari unumli foydalandi. M.K.Otaturk davridan beri Turkiya Respublikasining dunyoviy taraqqiyot yo‘lidan borishiga o‘zini mas‘ul hisoblab kelayotgan armiya rahbarlarining ogohlantirishiga qaramasdan, jamiyatda islomchi partiyalarning ta’siri oshib bordi. Shunday sharoitda 1993-yili T.O‘zol vafot etdi. Turkiya prezidenti etib Sulaymon Demirel saylandi.



### Turkiya tarixida Mustafо Kamol Otaturk xizmatlari nimalardan iborat?

1995-yil oxirida navbatdan tashqari parlament saylovlari bo‘lib o‘tdi. Saylov jamiyatda islom dinining ta’siri o‘sganligini yana bir bor namoyish qildi. Islom dini tarafdarlarining Nejmiddin Erbakan boshchiligidagi «Refax» (Farog‘at) partiyasi hammadan ko‘p ovoz oldi.

Shu davrda kurdlar muammosi ham dolzarb bo‘ldi. Hukumat siyosatidan norozi bo‘lgan Abdulla Ojalon boshchiligidagi Kurd ishchi partiyasi hukumatga qarshi urush e’lon qildi. Ko‘zga ko‘ringan siyosatchilarga nisbatan terroristik aktlar amalga oshirildi. Faqat A.Ojalon qamoqqa olingandan so‘ng Kurd ishchi partiyasi jangovar harakatlarni to‘xtatishga, muammolarni tinch yo‘l bilan hal etishga qaror qildi.

Mamlakatda islom dini tarafdarlarining mavqeyi kuchayishda davom etdi, ular mahalliy hokimiyat organlarida borgan sari ko'p o'rirlarni egalladi, buning ustiga hukumatni ham boshqardi. Ko'pchilikning fikricha, navbatdagi saylovlarda islom dini tarafdarlari to'liq g'alabaga erishishi lozim edi. Bundan norozi bo'lgan armiya rahbariyati prezident S. Demirelni bir necha bor ogohlantirdi.



**1993-yil T.O'zol vafot etgandan so'ng Sulaymon Demirel Turkiya prezidenti etib saylandi.**

**2000-yillarda ham harbiylar va islomchilar o'rtasidagi munosabat Turkiya uchun asosiy muammo bo'lib qoldi.**

2000-yili bo'lib o'tgan parlament saylovlarida Demokratik so'l partiya g'alaba qozondi. Mamlakatda islom dini tarafdarlariga nisbatan qat'iy pozitsiya saqlanib turdi. Turkiya prokuraturasi «Nurchilar» tashkilotini konstitutsiyaga xilof deb tan oldi. Bu tashkilot va «Hizbulloh» partiyasining turk filiali faoliyati taqiqlandi. Armiya bosh shtabi boshlig'i agar islomchilar hokimiyatga kelsa, harbiylar konstitutsiyani himoya qilishga tayyorligi to'g'risida yana bir bor ogohlantirdi. Shunga qaramasdan, 2002-yilgi saylovlarda islom dini tarafdarlarining Rejep Tayyip Erdo'g'on boshchiligidagi Adolat va taraqqiyot partiyasi (ATP) parlament saylovlarida g'alaba qozondi. R. Erdo'g'on sud hukmiga ko'ra siyosiy lavozimlarni egallash huquqidан mahrum qilinganligi uchun bosh vazir lavozimini Abdulloh Gul egalladi.

Armiya hushyor bo'lib turdi. Harbiylar holatni diqqat bilan kuzatib bordi va zarur bo'lganda aralashishga tayyor edi. 2003-yili R. Erdo'g'on Turkiya bosh vaziri lavozimini egalladi.

**Iqtisodiy rivojlanish.** Turkiyada iqtisodiy islohotlar 1990-yillarda ham davom ettirildi. YIMning yillik o'sishi ancha yuqori bo'lib, 1990-yillar oxirida eksportning asosiy qismini sanoat mahsulotlari tashkil qildi. Yuqori sifatlari mahsulotlar ishlab chiqaruvchi juda ko'plab xususiy korxonalar paydo bo'ldi. Turkiyaning valuta zaxirasi ko'payib, YIM jon boshiga 3 ming dollardan oshib ketdi. Turkiya jahon bozoriga raqobatbardosh mahsulot yetkazib beruvchi yuqori darajada rivojlangan mamlakatga aylandi. XX asr oxiriga kelib Turkiyaning asosiy sanoat mahsulotlari Yevropa mamlakatlarining shunday mahsulotlari bilan bemalol raqobatlasha olardi.

Turkiyaning juda katta muammosi davlatning hamma sohalarini qamrab olgan korrupsiya bo'lib qoldi. Shu masala bo'yicha 2000-yillar

boshida prezident bilan bosh vazir o'rtaida ajralish yuz bergandan so'ng moliyaviy inqiroz sodir bo'ldi: mamlakatdan investitsiyalar keta boshladи. Turkiya Markaziy banki aralashishga majbur bo'ldi, bu esa zaxiradagi chet el valutasining keskin kamayishiga olib keldi. Oqibatda erkin qo'yib yuborilgan lira birdaniga keskin qadrsizlandi. Ammo inqirozlar Turkiyaning so'nggi yillardagi iqtisodiy yutuqlarini yo'qqa chiqara olmadi. Turkiya bugun dunyoning eng jadal rivojlanayotgan mamlakatlardan biri bo'lib, G-20 klubining a'zosi hisoblanadi.



Turkiya Respublikasi

**XXI asrda Turkiya.** 2000-yillarda ham harbiylar va islom dini tarafdoirlari o'rtaсидаги munosabat Turkiya uchun asosiy muammo bo'lib qoldi. 2007-yili o'ta millatchi «Ergenekon» yashirin tashkilotining faoliyati bilan bog'liq tergov va qamoqqa olishlar boshlandi. Turkiya sudi uch nafar iste'fodagi generallarni davlat to'ntarishini amalga oshirishga urinishda aybdor deb topdi va 20 yildan qamoq jazosiga hukm qildi. Turli muddatga qamalganlar orasida yozuvchilar, jurnalistlar, professorlar va parlament deputatlari ham bor edi. Bu tashkilot a'zolari R.Erdog'on hukumatini ag'darib tashlashga tayyorgarlik ko'rishda ayblandi. Tashki-

lot a'zolari va ularga xayrixoh bo'lgan ayrim jurnalistlarning fikricha, bu sud jarayoni mamlakatda o'z mavqeyini mustahkamlashga intilayotgan hukumat tomonidan uyuşhtirilgan ig'vo edi.

Shu davrdan Turkiya Suriyadagi voqealarga faol aralasha boshladi. Suriya bilan chegaradosh Diyorbakir aviabazasiga F-16 qiruvchi samolyotlar joylashtirildi. NATO ham Turkiyani qo'llashga tayyorligini bildirdi.

2014-yili bo'lib o'tgan prezidentlik saylovlarida R. Erdo'g'on Turkiya Respublikasi prezidenti etib saylandi. Bu Turkiyada prezident bevosita xalq tomonidan saylangan birinchi saylov edi. Ilgari prezident parlament tomonidan saylangan. Referendumda aholi prezidentning xalq tomonidan to'g'ridan to'g'ri saylanishi uchun ovoz bergandan so'ng 2012-yili bu haqda qonun qabul qilindi.

2015-yilning ikkinchi yarmida Suriyada ISHIDga qarshi antiterror-chilik operatsiyasida ishtirok etayotgan Rossiyaning Su-24 harbiy samolyoti Turkiya tomonidan urib tushirildi. Bu ikki mamlakat o'rtaсидаги munosabatlarni murakkablashtirdi, Rossiya Turkiyaga qarshi iqtisodiy sanksiyalar e'lon qildi.



### **2015-yilning ikkinchi yarmida ... R. Erdo'g'on davri ...**

2016-yili Turkiya harbiylari navbatdagi davlat to'ntarishini amalga oshirishga urinib ko'rdi. Bir qator harbiy qismlar Anqara, Istanbul, Marmaris, Ko'nya va Malate shaharlarida strategik muhim obyektlarni o'z nazoratiga olishga urindi. Istanbul shahridagi prezident qarorgohi samolyotlardan bombardimon qilindi. Ayni paytda isyonchilar Istanbul va mamlakat poytaxti Anqara shaharlaridagi xalqaro aeroportlarni o'z nazoratiga oldi. R. Erdo'g'on isyonchilar egallahsga ulgurmagan telekanal orqali xalqqa murojaat qildi. Aholi prezidentni qo'llab shaharlarda namoyishga chiqdi. To'ntarishga urinish jahon jamoatchiligi tomonidan ham qoralandi.

Isyon bostirildi. 60 mingdan oshiq kishi, asosan armiya ofitserlari qamoqqa olindi. Turkiya armiyasida, davlat apparatida tozalash o'tkazildi. Muxolifatga aloqador deb hisoblangan o'nlab gazetalar, telekanallar yopildi. 2017-yil aprelda referendum o'tkazilib, uning nati-jalariga ko'ra, Turkiyada prezident boshqaruvi joriy qilindi.

Harbiy to'ntarishga urinishdan keyin muxolifatga qarshi qat'iy harakatlari uchun AQSH va YI tomonidan tanqidga uchragan Turkiya hukumati Rossiya bilan yaqinlashish yo'lini tutdi. Turkiya prez-

denti R. Erdo‘g‘on Rossiya prezidenti V. Putin bilan bir necha bor uchrashib, ikki mamlakat o‘rtasida uzilib qolgan savdo, iqtisodiy va gumanitar aloqalarni tiklashga kelishib oldi. 2017-yil noyabr oyida Rossianing Sochi shahrida V. Putin, R. Erdo‘g‘on va Eron prezidenti H. Ruhoniy o‘rtasida muzokaralar o‘tkazilib, unda terrorchilikka qarshi hamkorlikda kurashishga, Suriyada tinchlik o‘rnatishga qaror qilindi.

### **Mustahkamlash uchun savol va topshiriqlar**

1. 1990-yillar oxiri – 2000-yillari Turkiyadagi siyosiy jarayonlarning o‘ziga xos tomoni nimalardan iborat?
2. Turkiyadagi siyosiy jarayonlarda islom omili qanday rol o‘ynaydi?
3. Turkiyaning iqtisodiy rivojlanishida qanday muammolar mavjud?
4. Yaqin Sharqdagi voqealar Turkiyaning tashqi siyosatida qanday rol o‘ynamoqda?

### **Mustaqil ish**



Mustaqillik yillarda O‘zbekiston Respublikasi va Turkiya o‘rtasidagi aloqalarning xronologiyasini tuzing.

### **21-MAVZU. 1991 – 2017-YILLARDA ERON ISLOM RESPUBLIKASI**

**XX asr oxirlarida Eron.** XX asrning ikkinchi yarmi Eron jamiyatida ijtimoiy-iqtisodiy va siyosiy beqarorlik davri bo‘ldi. Ammo aynan shu davrda mamlakat uchun eng muhim voqealar sodir bo‘lib, ular ma’lum ma’noda zamonaviy Eronning taraqqiyot yo‘lini belgilab berdi.



Eron tarixida «Oq inqilob» qanday natijalar bilan yakunlandi?

Shu davrda Eron Islom Respublikasida muhim siyosiy jarayonlar yuz berib, jahon tarixida ilk bor inqilobiyl islam XX asrda butun is-

lom sivilizatsiyasi oldida turgan muammolarni hal qilishning vositasiga aylandi. Islom dini Yaqin Sharq va Shimoliy Afrikada juda qudratli ijtimoiy-siyosiy kuch sifatida maydonga chiqdi va ushbu mintaqalarda G'arb qadriyatlarining joriy qilinishiga faol qarshi turmoqda.

1990-yillar boshlarida Eronning iqtisodi ham barqarorlashib, YM ning jadal o'sishiga olib keldi. Islom radikalizmi ham biroz susaydi. Eron jahon sport va madaniyat maydoniga qaytdi. 1999-yili Eronning «Osmon bolalari» filmi AQSHda «Oskar» mukofotiga tavsiya qilindi. Mamlakatda chet el musiqasi va internet-kafelarga ruxsat berildi. Ayollar ham faol ijtimoiy hayotga qaytdi.

Eron xalqaro yakkalanishdan qutulish uchun islohotlar o'tkazishga majbur bo'ldi. 1997-yili islohotchilik qarashlarini qo'llab-quvvatlovchi M. Hotamiy prezident etib saylandi. U Eronda demokratik va tolerant jamiyat qurishga qaratilgan islohotlarning boshlanganligini, shuningdek, G'arb mamlakatlari bilan munosabatda ijobiyl o'zgarishlar bo'lishini e'lon qildi. Ammo islohotlarni amalga oshirishda Muhammad Hotamiy mutaassiblarning qat'iy qarshiligiga duch keldi.

**Zamonaviy Eron.** 2001-yil 11-sentabr kuni Nyu-Yorkda amalga oshirilgan terrorchilik aktidan so'ng AQSH Eronni «xalqaro terrorizmning sherigi» deb atadi. Bu tamg'adan qutulish uchun Eron ancha ishlarni amalga oshirdi. «Hizbulloh» rahbarlari Erondan quvib chiqarildi, Sudan, Liviya, Bosniyadagi eronlik diniy maslahatchilar chaqirib olindi. Ammo, shunga qaramasdan, AQSH Eronni yashirin ravishda yadro quroli yaratish ustida ish olib borayotganlikda aybladi. 2002-yili AQSH prezidenti J.Bush Eronni «yovuzlik tayanchi» mamlakatlari qatoriga qo'shib, terrorizmni moliyalashtirishda aybladi. AQSH Eronni xalqaro izolatsiya qilishga harakat qildi. Ammo bu harakat Fransiya, Germaniya, Buyuk Britaniya tomonidan ma'qullanmadи hamda Eronga harbiy texnika yetkazib berayotgan va atom elekrostansiyasini qurayotgan Rossianing qarshiligiga uchradi.

2005-yili ultrakonservator Mahmud Ahmadinajodning prezident etib saylanishi Eronda islohotlarning borishini, mamlakatning jahon hamjamiyatiga qaytishini biroz susaytirdi. M. Ahmadinajod o'zidan oldingi prezidentlarning bir qator liberal islohotlarini to'xtatib qo'ydi.

Humayniy vafotidan so'ng Eronda saqlanib qolayotgan teokratik rejim yanada kuchaydi. Islom huquqiga (shariatga) asoslangan qonunlar inson



Mahmud Ahmadinajod

huquqlari bo'yicha qator muammolarni vujudga keltirdi. Masalan, shu davrda Eron o'lim jazosini amalga oshirish bo'yicha dunyoda ikkinchi o'rinda (Xitoydan so'ng) turardi. 2006-yili mamlakatda ikki yuzdan oshiq kishi, jumladan, yetti nafar balog'at yoshiga yetmagan bolalar qatl qilindi. Tashqi siyosatda M. Ahmадinajod konservativ qarashlarga amal qildi. U J. Bush ma'muriyatini keskin tanqid qildi, Eronning arab mamlakatlari va Rossiya bilan hamkorligini kuchaytirish tarasfdori bo'ldi.



Eron Islom Respublikasi



**1997-yili Eronda islohotchilik qarashlarini qo'llab-quvvatlovchi M. Hotamiy prezident etib saylandi.**

**2002-yili AQSH prezidenti J. Bush Eronni «yovuzlik tayanchi» mamlakatlari qatoriga qo'shib, terrorizmni moliyalashtirishda aybladi.**

2009-yili navbatdagi prezidentlik saylovlari bo'lib o'tdi. Saylovlarda amalda-gi prezidentdan tashqari yana uch nafar nomzod qatnashdi. Asosiy kurash kon-servator-prezident M. Ahmadinajod bilan islohotlar va'da qilayotgan Mir-Husayn Musaviy o'rtaida kechdi. Ammo birinchi turdayoq M. Ahmadinajod g'alaba qozondi.

Muxolifat saylovlar natijasini tan olma-di. Tehron va boshqa bir qator shaharlarda namoyishlar va politsiya bilan to'qnashuvlar bo'lib o'tdi. Ayrim muxolifatchi partiyalarning a'zolari qamoqqa olindi.

Mavjud muammolarga qaramasdan, XXI asrda Eron qashshoqlik, savodsizlik va jaholat botqog'iga botgan mamlakatga mutlaqo o'xsha-maydi. Zamonaviy Eron – O'rta Sharqning eng yirik iqtisodiyotiga ega bo'lgan industrial mamlakat. U 2009-yili Semnondagi kosmodromdan Safir – 2 raketasi yordamida o'zining «Umid» nomli sun'iy yo'ldoshini fazoga chiqarib, koinotni o'zlashtirayotgan davlatlar qatoridan o'rin egalladi.

Eronda ta'lif va fan rivojlangan, urbanizatsiya darjasasi 70 % ga yaqinlashmoqda, sog'liqni saqlash va ijtimoiy ta'minot tizimi yax-shi yo'lda qo'yilgan. Eron yoshlar mamlakati, aholisining yarmini 30 yoshdan kichik bo'lgan yoshlar tashkil qiladi. Eronning zamonaviy muammolari ichida eng dolzarblari ishsizlik va inflatsiya darajasining yuqoriligi bo'lib kelmoqda.



**Tolerantlik** – bu o'zgacha dunyoqarash, hayot tarzi, xulq-atvor, axloq va urf-odatlarga nisbatan sabr-bardoshli bo'lish.

**Izolatsiya** – xalqaro hamjamiyatdan ajratib qo'yish, yakkalash.

**Ultrakonservator** – bu keskin konservativ qarashlarga ega bo'lgan mutaassib kishi.

2013-yil iyun oyida bo'lib o'tgan prezidentlik saylovlarida Hasan Ruhoniying g'alaba qozonishi Eronda yuz berayotgan chuqur o'zgarishlarni ifoda etadi. Eronning jahon hamjamiyatiga to'laqonli integratsiyalashuviga to'siq bo'lib turgan yadroviy dasturi ham o'n yildan oshiq davom etgan muzokaralardan so'ng 2015-yil iyulda Eron bilan oltita davlat (AQSH, Rossiya, Xitoy, Buyuk Britaniya, Fransiya,



Eronlik sportchi qizlar



Hasan Ruhoni

Germaniya) vakillari tomonidan imzolangan kelishuv orqali hal qilindi. Eron 15 yil ichida boyitilgan uran ishlab chiqarmaydigan, evaziga G'arb davlatlari 2015-yil oxiridan boshlab unga qarshi qo'llanilgan sanksiyalarni bosqichma-bosqich bekor qiladigan bo'ldi. Shunday sharoitda, 2016-yil fevral oyida Eronda parlament saylov-

lari bo'lib o'tdi. Saylovlarda islohotchilar koalitsiyasi konservatorlardan ko'proq ovoz oldi. Bu mamlakatdagi ijobiliy o'zgarishlar uchun yaxshi asos bo'lib, president Hasan Ruhoni obro'yining yuqoriligini namoyish qildi.

### Mustahkamlash uchun savol va topshiriqlar

1. Prezident M. Hotamiy demokratik islohotlarni o'tkazishda qanday qarshiliklarga uchradi?
2. 2001-yil 11-sentabrdan so'ng Eron bilan AQSH o'rtaqidagi muносabatlarda muammolarning kuchayishiga nimalar sabab bo'ldi?
3. M. Ahmadinajodning ultrakonservativ siyosati Eron jamiyatida qanday muammolarni keltirib chiqardi?
4. Zamonaviy Eronning yutuq va muammolari haqida so'zlab bering.

### Mustaqil ish



Mavzuga doir asosiy tushunchalarni lug'at yordamida tarjima qiling va daftaringizga yozing.

## 22-MAVZU. 1991 – 2017-YILLARDA POKISTON VA AFG'ONISTON

**Pokiston.** 1990-yillari Pokistonda qizg'in siyosiy jarayonlar va hokimiyatning yuqori pog'onasida korrupsiya bilan bog'liq mojarolar davom etdi. Benazir Bxutto hukumati iste'foga chiqarilgandan so'ng 1990-yili o'tkazilgan saylovlarda g'olib chiqqan Musulmon ligasi partiyasining rahbari Navoz Sharif hokimiyatni boshqardi. Ammo

1993-yili prezident G'ulom Is'hoqxon yangi hukumatni ham korrupsiya va qarindosh-urug'chilikda ayblab, iste'foga chiqardi. Shu yili bo'lib o'tgan saylovlarda g'olib chiqqan B.Bxutto yana bosh vazir lavozimini egalladi. Ammo 1996-yili prezident Sardor Farruk Ahmadxon Legariy Milliy assambleyani tarqatib yubordi va B.Bxutto hukumatini yana iste'foga jo'natdi. O'tkazilgan parlament saylovlarida Pokiston xalq partiyasi (PXP) qaqshatqich mag'lubiyatga uchradi.



Benazir Bhutto

### **Pokiston tarixida 1977-yilda qanday voqeа sodir bo'lgan?**

1999-yil kuzda Pokistonda yana harbiy to'ntarish amalga oshirilib, hokimiyatga general Parvez Musharraf boshchiligidagi harbiy qo'mondonlik keldi. 2001-yil 11-sentabrda Nyu-Yorkda yuz bergan terrorchilik aktidan so'ng Pokiston terrorchilikka qarshi AQSH boshchiligidagi tuzilgan koalisiyaga qo'shildi. Biroq, ko'plab pokistonliklar nazarida AQSH terrorchilarga emas, musulmonlarga qarshi kurashga kirishi. AQSH bilan yaqinlashish kursini tanlagan P.Musharrafga qarshi suiqasdlar uyuşhtirildi. U jinoyatlarda terrorchilarни aybladi va mamlakatni ulardan tozalashga va'da berdi. 2003 – 2005-yillari Pokiston armiyasi AQSH yordamida qo'shni Afg'oniston hududida harbiy operatsiyalar olib bordi. Islom fundamentalislari esa P.Musharrafni dushman deb e'lon qilib, uni ag'darib tashlashga va'da berdi. Ko'pchilikning fikricha, P.Musharraf mamlakatda holatni barqarorlashtirishga erisha olmadi va iste'foga chiqishga majbur bo'ldi. 2008-yilgi saylovlarda PXP hamraisi Asif Ali Zardariy prezident etib saylandi. 2013-yilgi parlament saylovlari dan so'ng Muhammad Navoz Sharif bosh vazir lavozimini egalladi.

Pokiston rivojlanayotgan agrar-industrial mamlakat. U BRIKS davlatlari bilan bir qatorda, XXI asrda dunyoning eng yirik iqtisodiyotlaridan biriga aylanish imkoniyatiga ega bo'lgan o'n bitta mamlakat qatoriga kiradi.



Parvez Musharraf



Navoz Sharif

Hozir aholining katta qismi qishloq xo‘jaliqi bilan shug‘ullanadi. Eksport qilinadigan asosiy mahsulotlarga to‘qimachilik, teri mahsulotlari, sport buyumlari, kimyoviy moddalar va gilamlar kiradi.

Sanoatning qayta ishslash, neft, tog‘-kon sohalari rivojlanmoqda. SHHTning 2016-yili Toshkentda bo‘lib o‘tgan sammitida Pokistonni tashkilotga qabul qilish tartibi va muddatlari to‘g‘risidagi hujjat imzolandi.

**Afg‘oniston.** SSSR tarqalib ketgandan so‘ng Afg‘onistonda holat ancha og‘irlashdi. 1992-yil aprel oyida Kobul shahriga mujohidlar otryadlari kirib keldi.

### Sovet davlatiga murojaat qilib, Afg‘onistonga sovet qo‘shinlari kiritilishini so‘ragan shaxs kim edi?

Afg‘onistonda hokimiyatni Jihod kengashi deb atalgan guruh o‘z qo‘liga oldi. Mamlakat nomi Afg‘oniston Islom Respublikasi deb o‘zgartirildi, barcha qonunlar bekor qilinib, shariat qoidalari joriy qilindi. Ammo mujohidlar o‘rtasida boshlangan kelishmovchilik yangi urush harakatlariga olib keldi, minglab kishilar halok bo‘ldi, elchixona va xalqaro missiyalar Afg‘onistonni tark etdi. 1994-yili mojaroga yangi siyosiy kuch – islom fundamentalislarning tolibonlar harakati qo‘shildi. Ularning yetakchisi mulla Umar Afg‘onistonda fuqarolar urushini tutgatib, islomiy tartib o‘rnatishini e’lon qildi. Ular 1996-yil sentabrda Kobulni egallab, mamlakatni «Afg‘oniston Islom amirligi» deb e’lon qildi.

Tolibonlar Afg‘onistonda qat’iy islomiy tartiblarni o‘rnata boshladи. Ayni paytda bu yerda turli xil terrorchilar qo‘nim topdi. Tolibonlar rejimi bilan hamkorlikni yo‘lga qo‘yan xalqaro terrorchi Usoma bin Lodin ham Afg‘onistonga keldi. U terrorchilar tayyorlash uchun harbiy bazalar va lagerlar tizimini yaratdi. Tolibonlar rejimi Usoma bin Lodin ni xalqaro sudga topshirishdan bosh tortgandan so‘ng BMT Xavfsizlik Kengashi (XK) Afg‘onistonga qarshi iqtisodiy sanksiyalar e’lon qildi.

Xalqaro hamjamiyat tomonidan tan olinishdan umidini uzgan mulla Umar islomgacha bo‘lgan barcha e’tiqod obyektlari, tarixiy yodgorliklarni yo‘q qilishga buyruq berdi. V asrga oid ikkita noyob yodgorlik – qoyaga o‘yib ishlangan Buddanining ulkan haykallari yo‘q

qilindi. Musulmon bo'Imagan aholining o'z kiyimiga sariq belgi taqib yurishi haqida qabul qilingan dekret jahon jamoatchiligining g'azabini keltirdi. BMT XK tolibonlar hukumatiga qarshi sanksiyalarini kuchaytirish to'g'risida yangi rezolutsiya qabul qildi.



Pokiston va Afg'oniston

2001-yil 11-sentabrda Nyu-Yorkda uyushtirilgan terrorchilik aktlari uchun javobgarlikni AQSH ma'muriyati «Al-Qaida» tashkiloti bilan Usoma bin Lodinga yukladi va terrorchilarning bazalarini bombardimon qildi. Tolibonlar qo'shinlariga qarshi kuchlarning muvaffaqiyatli hujumlaridan so'ng tolibonlar hukumati ag'darilib, mamlakatga xalqaro harbiy kuchlar joylashtirildi.



## 1994-yili ... V asrga oid ...

## 1996-yil sentabrda ...

2002-yil iyun oyida bo'lib o'tgan umumafg'on Loyya Jirgasida Homid Karzay Afg'oniston prezidenti etib saylandi. Afg'onistonga 5 mlrd dollar xalqaro yordam ajratildi. Biroq, mamlakat ichkarisida terrorchilik harakatlari davom etdi.

2003-yili Afg'onistonning yangi konstitutsiyasi qabul qilindi. Mamlakat «Afg'oniston Islom Respublikasi» nomini oldi. Yangi konstitutsiya mamlakatda prezidentlik boshqaruvini o'rnatdi, ikki palatali parlament, mustaqil sud tizimi tuzilishini ko'zda tutdi, shuningdek, fuqarolarning demokratik huquq va erkinliklarini e'lon qildi. Konstitutsiya kichik millatlarning huquqlarini kafolatladи, barchaning, jumladan, erkak va ayollarning qonun oldida tengligini va e'tiqod erkinligini o'rnatdi.



Homid Karzay

Konstitutsiya saylovlar va siyosiy partiylar tuzish uchun yo'l ochib berdi. 2004-yil bo'lib o'tgan prezidentlik saylovlarida Homid Karzay Afg'oniston prezidenti etib saylandi.

2005-yil sentabrda o'tkazilgan parlament saylovlarida islom dini tarafдорлари bo'lган partiylar katta ta'sirga ega bo'ldi va umuman parlament muxolifat xarakterida edi. Shu davrda mamlakatning asosiy muammo-laridan biri narkotik savdosi bilan bog'liq edi. BMT axborotiga ko'ra, 2005-yili dunyodagi narkotik savdosining 87%ni Afg'onistonga to'g'ri keladi. 2007-yildan narkotik savdosi susaya bordi, ammo 2017-yili yana keskin o'sdi.



1970-yillardagi va hozirgi afg'on yoshlari



**2001-yil 11-sentabrda Nyu-Yorkda uyuştırılmış terrorchilik aktları uchun javobgarlıknı AQSH ma'muriyati «Al-Qaida» tashkiloti bilan Usama bin Lodinga yulkadi.**

**2002-yil iyunda bo'lib o'tgan umumafg'on Loyya Jargasida Homid Karzay Afg'oniston prezidenti etib saylandi.**

H. Karzay hukumatining mavjud muammolarni yechishga ojizligi jahon hamjamati tini Afg'onistonga yordamni kuchaytirishga, mamlakatni tiklashda faol ishtirok etishga undadi. Shuningdek, ta'lif tizimini kengaytirish, ijtimoiy masalalarни hal etish va qashshoqlikka qarshi kurash, transport va energetika infratizimini modernizatsiya qilish rejalashtirildi.



Muhammad Ashraf Gani

2014-yili bo'lib o'tgan prezidentlik saylovlarining ikkinchi turida Muhammad Ashraf Gani Afg'oniston prezidenti, Abdulla Abdulla esa hukumat raisi lavozimlarini egalladi.

Ammo Afg'onistonda hamon mustahkam tinchlik o'rnatilgani yo'q. 2016 – 2017-yillari bir qator terrorchilik harakatlari amalga oshirilib, oqibatda o'nlab kishilar halok bo'ldi, yuzlab kishilar jabrlandi. Afg'onistonning sobiq prezidenti Homid Karzay bayonot berib, mamlakatdagi beqaror ahvolning sababi sifatida mintaqada AQSH olib borayotgan siyosatni ko'rsatdi va AQSH hukumatini o'z xatolarini tan olishga chaqirdi.



**Loyya jrgasi** – bu afg'on qabilalari tomonidan saylanadigan umumafg'on oqsoqollar kengashi.

### Mustahkamlash uchun savol va topshiriqlar

1. Pokistonda P.Musharrafning qanday siyosati uning iste'fosisiga sabab bo'ldi?
2. Pokistonda iqtisodiyotning qaysi sohalari yaxshi rivojlangan?
3. SSSR tarqalib ketgandan so'ng Afg'onistonda qanday siyosiy vaziyat vujudga keldi?
4. Zamonaviy Afg'onistonning asosiy muammolari nimalardan iborat?



Afg'oniston siyosiy xaritasi bilan tanishing va tarixiy voqeliklar bilan bog'liqlikda sharh yozing.



Mavzu matnini o'qish jarayonida notanish bo'lgan so'zlarni daftaringizga yozing va lug'atlar yordamida tushunchalarni tahlil qiling.

### 23-MAVZU. 1991 – 2017-YILLARDA SURIYA VA IROQ

**Suriya.** 1943-yili Suriya o'z mustaqilligini e'lton qildi. Bugun u shu qisqa tarix davomidagi eng chuqur siyosiy inqirozni boshdan kechirmoqda.



**Qadimgi davrda Suriya va Misrda qanday davlatlar mavjud bo'lgan?**



Bashar Asad

1970-yili harbiy to'ntarish orqali hokimiyatga kelgan Hafiz Asad Suriyani 2000-yilgacha boshqardi. Shu davrda mamlakat katta taraqqiyot yo'lini bosib o'tdi. Neft va gaz zaxiralari ishga tushirildi, sanoat va qishloq xo'jaligi rivojlandi, aholi soni ko'payib, yashash darajasi yaxshilandi. Ammo 1990-yillarda iqtisodda turg'unlik boshlandi. Buning sabablari shu davrda yuz bergen sotsialistik tizimning inqirozidan tashqari Suriyaning yangi tarixidagi eng dahshatli qurg'oqchilik bilan ham bog'liq edi.

Shunday holatda 2000-yili H. Asad vafot etdi. Mamlakatda o'tkazilgan referendum natijasida hokimiyatga H. Asadning o'g'li Bashar Asad keldi.

B. Asad otasidan farqli ravishda tashqi siyosatda «yumshoq» kurs olib bordi. Isroil bilan Jo'lan tepaliklari masalasida muzokaralarni

tikladi. 30 yildan beri Livanda turgan Suriya qo'shinlarini u yerdan olib chiqdi. Iroq diktatori Saddam Husayn bilan yarashdi.

Ichki siyosatda siyosiy partiylar faoliyatiga ruxsat berdi, korrupsiyaga qarshi juda keskin choralar qo'lladi. Ayni paytda otasi hukmronlik qilgan davrni tanqid qilgan amaldorlarni ham jazoladi.

Iqtisoddagi turg'unlikni B. Asad savdo va moliya sohasini liberallashtrish orqali yengib o'tishga urindi. Ammo bu faqat Damashq va Halab singari yirik shaharlarda iqtisodning jonlanishiga olib keldi. Qishloqlar va kichik shaharlarda esa ishsizlar soni ortib ketdi. Bundan tashqari, shu davrda qo'shni davlatlardan kelgan qochoqlar ham Suriyaning katta muammosiga aylandi. 2011-yili Suriyada yarim millionga yaqin falastinlik va bir milliondan oshiq iroqlik qochoqlar bor edi.



Suriya va Iroq



1970-yili harbiy to'ntarish orqali hokimiyatga kelgan H. Asad Suriyani 2000-yilgacha boshqardi.

Suriyada 2000-yili H. Asad vafot etdi, referendum natijasida hokimiyatga Bashar Asad keldi.



Suriyada dahshatli urush oqibatlari

2000-yillari arab mamlakatlarida boshlangan «Arab bahori» nomli inqilobiy jarayonlar Suriyani ham qamrab oldi. 2011-yili mamlakatning janubidagi Dar'ya shahrida juma namozidan so'ng boshlangan g'alayonlar «Juma inqilobi» nomini oldi. Isyonchilar B.Asad rejimini ag'darish, demokratik islohotlar o'tkazishni tabab qildilar.

Mojaroda amaldagi prezident B.Asad tarafida Suriya arab armiyasi va unga qarshi bo'lgan Suriya «mo'tadil» muxolifatining Suriya ozodlik armiyasi, kurdlar otryadlari, shuningdek, turli xil terrorchi tashkilotlar – «Iraq va Shom islom davlati» (ISHID), Jibhat an-Nusra va shu kabilar ishtirok etdi. Shu tariqa mamlakatda fuqarolar urushi boshlanib, arab mamlakatlaridan, butun dunyodan kelgan turli xil terrorchi guruuhlar hukumat qo'shinlari bilan jang olib bormoqda.

2013-yili Iraq va qisman Suriya hududida terrorchi guruuhlar «Iraq va Shom islom davlati» deb ataluvchi davlatni tuzdi. 2014-yili u «Umumjahon xalifati» deb e'lon qilindi. Bu hol AQSH va uning ittifoqchilarini harbiy intervensiyanı amalga oshirishga undadi. Ular 2014-yil sentabrdan boshlab Suriyadagi terrorchilar pozitsiyalarini bombardimon qilmoqda. 2015-yil sentabrdan xuddi shunday harbiy operatsiyani o'tkazishda Rossiya harbiy-kosmik kuchlari ham ishtirok etmoqda. Mojroda Turkiya, Eron, Saudiya Arabiston, Jordaniya, Iraq, Livan, Isroiil kabi davlatlarning ham manfaatlari namoyon bo'lmoqda. Shu tariqa Suriya hududi juda katta, har biri o'z manfaatini ko'zlagan xalqaro kuchlarning to'qnashuv maydoniga aylandi.

Urush oqibatida 2017-yil sentabr oyigacha mamlakatni 4 mln dan oshiq kishi tark etgan. 2017-yil oxiriga kelib, Suriya armiyasi Rossiya harbiy-kosmik kuchlari va AQSH boshchiligidagi xalqaro koalitsiya yordamida mamlakat hududini jangarilardan deyarli to'liq ozod qildi. Aholining bir qismi o'z uylariga qaytmoqda. Dekabr oyida V.Putin Suriyadagi Rossiya harbiy-kosmik kuchlarining asosiy qismini o'z hududiga qaytarish to'g'risida buyruq berdi.

**Iraq.** 1932-yili o'z mustaqilligini e'lon qilgan Iraqda 1968-yili hokimiyatga Arab sotsialistik uyg'onish (BAAS) partiyasi keldi. Hukumatni president Hasan al-Bakr boshqardi, ammo real hokimiyat mudofaa vaziri Saddam Husayn qo'liga o'tdi. Bu jarayonlar Iroqqa

neftdan keladigan daromadning beqiyos oshishi davriga to'g'ri keldi. Aholining hayot darajasi sezilarli yaxshilandi.

1979-yili Saddam Husayn rasman Iroq prezidenti etib saylandi. 1980-yil sentabrda Iroq Eronga qarshi urush boshladi. Bu urush XX asrning eng uzoq davom etgan hududiy to'qnashuvi bo'ldi. U ko'plab qurbanlarga olib keldi.

1990-yili Iroq yana bir xalqaro janjalga sabab bo'ldi. U Quvaytga bostirib kirib, uning hududini egallab oldi. BMT Xavfsizlik kengashi Quvayt dan Iroq qo'shinlarining zudlik bilan olib chiqib ketilishini talab qildi. Iroqqa qarshi sanksiya e'lon qilindi. Bir necha oylik diplomatik harakatlardan so'ng 1991-yil yanvarda AQSH boshchiligidagi xalqaro kuchlar Quvaytni ozod qilish bo'yicha «Sahrodagi bo'ron» operatsiyasini boshladi. Iroq armiyasi to'liq tor-mor qilindi. Kuzatuvchilar S.Husaynning qulashini bashorat qilgandilar, biroq u o'z hokimiyatini saqlab qoldi.

Hokimiyatni mustahkamlab olib, S.Husayn BMTning Iroq harbiy dasturlarini to'xtatishga yo'naltirilgan urinishlariga qarshilik ko'rsatdi. U BMT inspektorlarini AQSH foydasiga josuslik qilishda aybladi va barcha xalqaro inspektorlarni mamlakatdan quvib chiqardi. Shundan so'ng, 1999 – 2000-yillari AQSH boshchiligidagi xalqaro kuchlar Iroq harbiy obyektlarini bombardimon qildi. 2003-yili AQSH va Buyuk Britaniya qo'shinlari Bag'dodga bostirib kirdi. S. Husayn hukumati quladi. Amerikaliklar va ularning ittifoqchilari butun mamlakat huddida o'z nazoratini o'rnatdi. Ular S. Husaynning ikki o'g'li va yosh nabirasini o'ldirishdi. 2003-yil dekabrda S. Husaynning o'zi ham qo'lga olindi va osib o'ldirildi.

Diktator o'ldirildi. Ammo va'da berilganidek Iroqda demokratiya va tinchlik o'rnatilmadi. AQSH va uning ittifoqchilari Iroqdagi vaziyatni jilovlay olmadilar. Terrorchilik harakatlari avj oldi. Bularning natijasida ko'plab begunoh odamlar qurban bo'ldi.

2005-yili qabul qilingan konstitutsiyaga binoan Iroq uning xalqini tashkil qiluvchi uchta etnos – arab-sunniylar, arab-shialar va kurdlar keli shuviga asoslangan parlamentar federativ respublika deb e'lon qilindi.

S. Husayn paytida hokimiyatda bo'lgan sunniylar endi muxolifatga o'tdi. Ammo 2010-yili bo'lib o'tgan parlament saylovlariida kutilmaganda muxolifatdagi sunniylar g'alaba qozondi. Biroq, joylarda real hokimi-



Saddam Husayn

yat turli qurolli guruhlar qo'lida qoldi. Ular o'zlarini egallagan hududda shariat qonunlarini joriy qilib, minglab begunoh kishilarni o'rta asr chilik usullari bilan qatl qildi. Millionlab kishilar qochoqqa aylandi.



**1990-yillarda ...  
2013-yili ...**

**1991-yil yanvarda ...**

**«Sahrodagi bo'ron» operatsiyasi ...**

AQSH hukumati, jumladan, prezident B. Obama AQSHning Iroqqa nisbatan siyosati xato ekanligini tan oldi. Ko'pchilik mutaxassislar aynan Amerika siyosati Yaqin Sharqda vaziyatning keskinlashuviga, ISHID singari terrorchi tashkilotlarning paydo bo'lishiga sabab bo'ldi, deb hisoblashmoqda. 2016-yil dekabrda AQSH prezidenti etib saylangan D. Tramp Yaqin Sharqdagi o'z siyosatini qayta ko'rib chiqishga va'da berdi.

### **Mustahkamlash uchun savol va topshiriqlar**

1. Suriyada siyosiy inqirozning kelib chiqishi va fuqarolar urushining boshlanishiga qanday omillar sabab bo'ldi?
2. Suriyadagi urushda qaysi davlatlarning manfaatlari aks etgan?
3. Saddam Husaynning qanday harakatlari Iroqning xalqaro kuchlar tomonidan bombardimon qilinishiga olib keldi?
4. S.Husaynning ag'darilishi nima uchun Iroqqa tinchlik olib kelmadidi?

### **Mustaqil ish**



Xaritadan foydalanib 1991–2017-yillar Suriya va Iroq davlatlaridagi siyosiy, ijtimoiy-iqtisodiy rivojlanishdagi muammolar va ularning yechimlarini daftaringizga jadval ko'rinishida yozing.



«Iroq va Shom islom davlati», «Umumjahon xalifati» tushunchalarini qiyosiy tahlil qilish asosida hozirgi kundagi axborot xurujlarini chizma ko'rinishida daftaringizga yozing.

## **24-MAVZU. 1991 – 2017-YILLARDA ISROIL DAVLATI VA FALASTIN MUAMMOSI**

**Isroilning ijtimoiy-iqtisodiy rivojlanishi.** 1947-yili BMT Xavfsizlik Kengashi Falastin bo'yicha rezolutsiya qabul qildi. Unga binoan 1948-yil 1-avgustdan Falastinda ikkita – yahudiylarning Isroil va arablarning Falastin davlatlarini tashkil qilish tavsiya etildi.

### **Qadimgi dunyo tarixida Falastin hududida Isroil podsholigi qachon vujudga keldi?**

Isroil yahudiylarning milliy davlati hisoblanadi. U dastlab yahudiylarning milliy o'chog'i, boshpanasi sifatida tashkil topdi va shunday bo'lib qolmoqda. Vatanga qaytish to'g'risidagi qonunga binoan har qanday yahidiy o'z oilasi, ya'ni turmush o'rtog'i, farzandlari, nabiralari bilan doimiy yashash uchun Isroilga kelish huquqiga ega. Shundan so'ng qabul qilingan fuqarolik to'g'risidagi qonunga ko'ra Isroilga kelgan barcha yahudiylar o'z-o'zidan fuqarolikka ega bo'lishi tartibi o'rnatildi. Bu qonunlar repatriatsiya hisobiga Isroil aholisining tez o'sishiga olib keldi.

O'z mustaqil taraqqiyotining bir necha o'n yili ichida Isroil harbiy-sanoat kompleksi nihoyatda rivojlangan mamlakatga aylandi. Harbiy-sanoat kompleksining rivojlanishi metallga ishlov berish, mashinasozlik, elektrotexnika, elektronika va olmosga ishlov berish singari boshqa turdosh sohalarning ham jadal taraqqiy etishiga sabab bo'ldi.

1990-yillardan Isroil iqtisodi jadal rivojlanayotgan mamlakatlar qatoriga kirdi. Mutaxassislarning fikriga ko'ra, bu mamlakatda haqiqiy iqtisodiy yuksalish boshlandi. Isroil xo'jaligi o'z tuzilishiga ko'ra AQSH va G'arbiy Yevropa mamlakatlarinikiga yaqinlashdi va postindustrial modelga moslashdi.

Bunday muvaffaqiyatlarga erishishga ichki va tashqi holatlarning qulayligi yordam berdi. 1990-yillari sobiq SSSRdan 600 ming kishining Isroilga ko'chib kelishi qurilish, sanoatning ayrim sohalarida jadal rivojlanishni ta'minladi. Yuqori ma'lumot darajasi va iqtisodiy faollikka ega bo'lgan yangi immigrantlar Isroilning qiyofasini o'zgartirib yubordi.

Ayni paytda ko'plab omillar sababli mamlakat iqtisodiyoti tashqi molivaviy manbalarga kuchli bog'langan (AQSH har yili 3 mlrd dollar miqdorida beminnat yordam ko'rsatadi) va uning uchun yuqori militarizatsiya darajasi xarakterlidir.



Isroil



Yosir Arafat

**XX asr oxirlarida Falastin muammosining hal etilishi.** 1948-yili Isroil va Falastin davlatini tuzish rejasini arab aholisiadolatsiz deb hisobladi va qabul qilmadi. Shu davrdan boshlab falastin xalqining o‘z davlatini tuzish uchun kurashi boshlandi. Bu kurash arab davlatlari va sobiq Ittifoq tomonidan qo‘llab-quvvatlandi. Falastin arablarining kurashiga boschilik qilish uchun

Falastinni ozod qilish tashkiloti (bu tashkilot arabcha FATX nomi bilan mashhur) tuzilib, unga uzoq yillar Yosir Arofat boshchilik qildi.

Ammo faqat 1990-yillarga kelib, Falastin muammosini hal qilish imkoniyati paydo bo'ldi. 1991-yil oktabrda Madridda Yaqin Sharq bo'yicha xalqaro konferensiya ish boshladi va unda Falastin delegatsiyasi ham ishtirok etdi. Keyin Norvegiya hukumati taklifiga ko'ra Oslo shahrida Isroil bilan FATX o'rtaida muzokaralar boshlandi. Muzokaralar natijasida 1993-yili Isroil va FATX bir-birini tan olganligi e'lon qilindi.

**Falastin davlatini tuzish yo'lidagi dastlabki muvaffaqiyatlar.** 1993-yili Vashingtonda Isroil va FATX delegatsiyalari Falastin avtonomiyasini tuzish to'g'risida kelishuvni imzoladi. Avtonomiyani tuzish bosqichma-bosqich 5 yil ichida amalga oshirilishi ko'zda tutildi.



**1990-yillardan ...**

**1993-yili ...**

**1991-yil oktabrda Madridda ...**

**FATX – bu ...**

Birinchi bosqichni amalga oshirish G'azo sektori va Iordan daryosining G'arbiy sohilini FATXning avtonom boshqaruviga berish to'g'risida kelishuv imzolanishi bilan boshlandi. Bu kelishuv Falastin tashkilotlarida norozilikni kuchaytirib yubordi va FATXda bo'linish yuz berdi. Y. Arofat ekstremistlar tomonidan «xoin» sifatida o'llimga hukm qilindi. Radikal islom yo'nalishidagi tashkilotlar – «Xamas», «Jihod» va «Hizbulloh» (bu tashkilotlar O'zbekistonda taqiqlangan) faollashib ketdi. Ular turli yo'llar bilan kelishuvni buzishga harakat qildi. Shunga qaramasdan, kelishuv jarayoni davom etdi.



Isxak Rabin



**1947-yili BMT Xavfsizlik Kengashi Falastin bo'yicha rezolutsiya qabul qildi.**

**1990-yillari sobiq ittifoqdan 600 ming kishining Isroilga ko'chib kelishi qurilish, sanoatning ayrim sohalarida jadal rivojlanishni ta'minladi.**

1995-yili FATX bilan Isroil o'rtasida muvaqqat kelishuv imzolandi. Bu Falastin avtonomiyasini tuzishning keyingi bosqichi bo'lib, Iordan daryosining g'arbiy sohilidagi ko'plab shahar va qishloqlar FATX ixtiyoriga o'tkazildi. Falastin avtonomiyasida saylovlar bo'lib o'tdi va FATX ixtiyoridagi hududlarni nazorat qilish uchun politsiya kuchlari tuzildi.

Bu kelishuv Isroil jamiyatida ham ajralishni keltirib chiqardi. 1995-yil noyabrda Isroil bosh vaziri Isxak Rabin mutaassib-yahudiy tomonidan o'ldirildi. Bu falastinliklarga qilingan yon bosishlardan Isroil jamiyatining bir qismi noroziligini ko'rsatar edi. Shu yili bo'lib o'tgan saylovlarda «Likud» bloki g'alaba qozondi va Falastinga nisbatan qat'iy yo'nalish tarafdori bo'lган Binyamin Netanyahu bosh vazir lavozimini egalladi.

1996-yil yanvarda Y. Arofat boshchiligidagi Falastin qonunchilik kengashi saylandi. Falastin davlatini qurish jarayoni qiyinchilik bilan bo'lsa-da, davom etdi.



**1995-yil noyabrda ...**

**Radikal tashkilotlar ...**

**Falastin qonunchilik kengashi – bu ...**

**1996-yil yanvarda ...**

2006-yili Falastinning o'ziga xos ramziga aylangan Y. Arofat vafot etdi. Uning o'rniga Mahmud Abbas Falastin avtonomiyasining raisi va FATX yetakchisi etib saylandi. 2012-yili Falastin kuzatuvchi-davlat maqomida BMT faoliyatida qatnashish huquqini oldi. Bu jarayon va M.Abbosning BMT Bosh Assambleyasida so'zlagan nutqi Isroil vekillari tomonidan norozilik bilan qarshi olindi. Shunga qaramasdan, 2017-yilga kelib, Falastinni 140 ga yaqin davlat tan oldi.



**Repatriatsiya** – bu vatanga qaytish. Atama, odatda, harbiy asirlar, ko'chirilgan shaxslar, qochoqlar, emigrantlarga nisbatan qo'llaniladi. Yahudiylarning tarixiy vatani bo'lган Falastinga qaytishi ham repatriatsiya deb ataladi.

**Immigratsiya** – aholining bir mamlakatdan boshqasiga vaqtincha yoki doimiy yashash uchun ko'chib o'tishi.

**Militarizatsiya** – davlat organlarining iqtisod, siyosat va ijtimoiy sohadagi harakati bo'lib, u davlatning harbiy qudratini oshirishga yo'naltirilgan.

## Mustahkamlash uchun savol va topshiriqlar

1. Isroil davlati o‘z tarixining qisqa davri ichida qanday omillar hisobiga rivojlangan mamlakatga aylandi?
2. Falastin muammosining asosiy sabablari nimada va ular qanday hal etilmoqda?
3. Falastin davlatini tuzish yo‘lidagi asosiy to‘sishlar nimalardan iborat edi?
4. Isroil va Falastin munosabatlariga xalqaro siyosiy holatning ta’siri nimalarda namoyon bo‘ldi?

### Mustaqil ish



Xaritadan foydalanib, Isroil va Falastinga tegishli hududlarni daftaringizga ajratib yozing va hududiy bo‘linishiga o‘z munosabatingizni bildiring.

### 25-MAVZU. 1991 – 2017-YILLARDA LOTIN AMERIKASI MAMLAKATLARI

**XX asr oxirida Lotin Amerikasi mamlakatlari.** XX asr oxiriga kelib Lotin Amerikasi mintaqasida 34 ta mustaqil davlat va bir necha qaram hududlar mavjud edi. XX asrning ikkinchi yarmida yuz bergen jadal iqtisodiy o’sishga qaramasdan, Lotin Amerikasi mamlakatlari jahon siyosatining chekka mintaqasi bo‘lib qolmoqda. Asr oxiriga kelib mintaqada ijtimoiy-iqtisodiy taraqqiyotning neoliberal modeli oldingi o‘ringa chiqdi. Aslida bu model Augusto Pinochet davrida **Chilida** muvaffaqiyatli amalga oshirilgan edi. Bugun ham Chili barqaror rivojlanayotgan mamlakat bo‘lib, mintaqada yetakchi o‘rinni egallaydi. Ammo, umuman, Lotin Amerikasi mamlakatlari uchun neoliberal islohotlarning natijalari ziddiyatli bo‘lib chiqdi. Agar bu islohotlarning birinchi bosqichi iqtisodiy o’sishga turtki bo‘lgan, modernizatsiyaga ko‘maklashgan bo‘lsa, keyinchalik to‘sishlar paydo bo‘ldi, ayrim hollarda esa islohotlar retsessiyaga, xo‘jalikning chuqr tushkunligiga olib keldi.



## XX asrda Lotin Amerikasi uchun umumiy bo'lgan modernizatsiyaning qanday variantlari mavjud edi?

Mintaqada birinchi bo'lib neoliberal islohotlar yo'liga kirgan **Meksikada** 1994-yil dekabrda moliyaviy-iqtisodiy inqiroz boshlandi. Mamlakatda ijtimoiy-iqtisodiy ahvol og'irlashdi. Shunday sharoitda Meksikadan kapitalning ommaviy ravishda AQSHga ko'chishi boshlandi. Milliy valuta – peso keskin tushib ketdi, amalda milliy moliya tizimi izdan chiqdi, 20 ming korxona xonavayron bo'ldi, mamlakat YIMi keskin tushib ketdi.

Meksika inqirozi 1990-yillarda Lotin Amerikasi mamlakatlarini larzaga solgan ijtimoiy-iqtisodiy va siyosiy inqirozlar zanjirining birinchisi edi. Neoliberal islohotlar oqibatida mintaqada davlatlarining tashqi omilga qaram bo'lib qolishi Braziliya va Argentina kabi eng yirik davlatlar iqtisodiga ham og'ir zarba berdi.

Ayniqsa, 1990-yillari «neoliberal islohot yutuqlarining namoyishi» bo'lgan **Argentina** iqtisodiyoti qattiq zarar ko'rди. 2001-yili Argentinada defolt e'lon qilinishi jahon tarixidagi eng yirik bankrot holati bo'lib, Lotin Amerikasi mamlakatlaridagi neoliberal tajribalarga nuqta qo'ydi va mintaqada siyosiy hamda iqtisodiy rivojlanishning yangi davrini boshlab berdi.

Bu jarayonlar ta'sirida iqtisodiy kursdan norozilik, an'anaviy partiyalar va ularning yetakchilariga ishonchsizlik hollari kuchaydi, qarshilik harakati, jumladan, radikal ko'rinishdagi tashkilotlarning (qo'zg'olonchilik, terrorchi tashkilotlar, narkomafiya) faollahuvi uchun sharoit tug'ildi.

XX asrning 90-yillarida **Kolumbiyada** quro'llangan so'l radikal harakat avj olib, ularning qo'shinlari mamlakat hududining 40% ini nazorat qilardi. 1992-yili **Peruda** ham «Oydin yo'l» qo'zg'olonchi-terrorchilik tashkiloti faollahdi. 1994-yili Meksikada hindularning ommaviy qo'zg'oloni boshlandi. Hukumat siyosatining ijtimoiy oqibatlariga qarshi Argentina, Meksika, Ekvador va boshqa bir qator mamlakatlarda aholining ommaviy chiqishlari bo'lib o'tdi.



**Meksika inqirozi ...  
1994-yili ...**

**1992-yili ...  
2001-yili ...**



Latin Amerikasi davlatlari

Ijtimoiy-siyosiy munosabatlarda hindu xalqlarining o‘z huquqlari, o‘ziga xos madaniyatini saqlab qolish, avtonomiya va yerga bo‘lgan huquqi uchun kurashi alohida o‘rin egallaydi. XX asr oxiriga kelib

hindular Boliviya, Gvatemala, Peru, Meksika, Ekvador kabi mamlakatlar aholisining 25 – 50%ini tashkil qiladi.

1990-yillarning boshlarida X.Kolumb tomonidan Amerikaning kashf etilganiga 500 yil to'lishi keng nishonlandi. Ammo bu voqealarda mintaqaga aholisi tomonidan bir xilda ijobiy qabul qilinmadi. Sof madaniy muammolardan tashqari neoliberal islohotlar natijasida hindu jamoalarining yerlarini tortib olish hollaridan norozilik kuchaydi. Hukumatlarning hindu aholisiga nisbatan olib borgan adolatsiz siyosati oqibatida mintaqaning ayrim mamlakatlarida hindularning tartibsiz chiqishlari bo'lib o'tdi. Bu harakat Ekvador, Boliviya, Peru, Braziliyada va Meksikaning janubida ayniqsa ommaviy tus oldi.

**Lotin Amerikasi mamlakatlari XXI asr boshlarida.** Yangi asr boshiga kelib Lotin Amerikasi mamlakatlari o'z tarixida birinchi marta diktaturalarsiz rivojlanish yo'liga kirdi, deyarli barcha davlatlarda saylov yo'li bilan hokimiyatga konstitutsiyaviy rejimlar keldi. Mintaqalarning mutlaq ko'pchiligidagi o'ziga xos jihatni dohiy parastlik va populizm bo'lgan siyosiy tizim hamda prezidentlik boshqaruvi o'rnatildi.

 «Neoliberal islohot yutuqlarining namoyishi» ...  
1992-yili ...  
1990-yillarning boshlarida ...

XX asr oxiridan boshlab aholining an'anaviy partiyalarga ishonchi so'nib bordi va buning natijasida XXI asr boshida Braziliya, Peru, Venesuela, Ekvador kabi mamlakatlarda hokimiyatga yangi, mustaqil deb atalayotgan nomzodlar keldi.

XX asr oxiri – XXI asr boshlarida mintaqadagi mamlakatlar siyosiy hayotining boshqa bir xarakterli jihatni komunistik partiyalarning o'z mavqeyini yo'qotishi bo'ldi. Bu, albatta, dunyoda yuz berayotgan global jarayonlar bilan bog'liq edi.

1959-yilgi inqilobdan so'ng o'ziga xos komunistik siyosiy rejim shakllangan Kubada ham shunday jarayonlar yuz berdi. Sotsialistik tizim barbos bo'lgandan so'ng Kuba tashqi moddiy-texnik va molliyaviy yordamdan mahrum bo'ldi, bu esa, birinchi navbatda, aholining ahvoliga salbiy ta'sir ko'rsatdi. Ammo bu qiyinchiliklarga qaramasdan, XXI asrda ham Kuba ijtimoiy davlat bo'lib qolmoqda.

XXI asr boshlarida Lotin Amerikasi mamlakatlarida integratsiyalashuv jarayonlari kuchaydi. Bu jarayonlarning asosiy yo'nalishi mintaqaviy erkin savdo zonalarini tuzish bo'ldi. Kelajakda Shimoliy va

Janubiy Amerika miqyosidagi erkin savdo zonalarini tuzish, savdo va sanoatini rivojlantirish mo'ljallangan.

Ammo yirik rejalar va katta imkoniyatlarga qaramasdan, bu mamlakatlar, hatto Braziliya va Meksika kabi gigantlar ham bugun global siyosiy va iqtisodiy muammolarni hal etish jarayonida arzigulik ta'sirga ega emas. 2008-yildan mintaqadagi eng yirik uchta davlat – Braziliya, Meksika va Argentina G-20 («Katta yigirma-lik») obro'li klubiga a'zo bo'lsa-da, jahon siyosatida hali katta rol o'ynamaydi. Shunga qaramasdan, bu davlatlar katta istiqbolli imkoniyatlarga ega. Masalan, Meksika 1994-yili Shimoliy Amerika erkin savdo zonasiga kirdi va 1994 – 2010-yillari Meksikaga kiritilgan chet el investitsiyalari miqdori to'rt marta o'sdi. Shuning 75 % i AQSH ulushiga to'g'ri keladi. Agar yaqin o'tmishda eksportning asosini neft tashkil qilgan bo'lsa, hozir Meksika eksportining 80 % ini sanoat mahsulotlari tashkil qiladi.

**XXI asr boshida Braziliya, Peru, Venesuela, Ekvador hokimiyatiga yangi, mustaqil nomzodlar keldi.  
1994 – 2010-yillari Meksikaga kiritilgan chet el investitsiyalari miqdori to'rt marta o'sdi.**

Braziliya bugun dunyoning yirik iqtisodiyotlardan biri, jadal rivojlanayotgan Xitoy, Hindiston, Janubiy Afrika Respublikasi va Rossiya bilan birgalikda BRIKS tashkilotining a'zosi hisoblanadi. Braziliya XXI asrda Lotin Amerikasining tan olingan yetakchisiga aylanish, AQSHning doimiy ta'siridan butunlay qutulish va BMT XKning doimiy a'zolaridan biri bo'lish kabi olamshumul vazifalarni qo'yib, shunga intilmoqda.

Aytish lozimki, Lotin Amerikasi mamlakatlari XX asrda o'z oldilariга qo'ygan murakkab muammolarni to'liq hal qila olmadи, ammo buning yo'llarini qidirishda davom etmoqda. XXI asrda bu muammolar o'z yechimini qanday topishini hayot ko'rsatadi.

**Populizm** – saralangan fuqarolarning ehtiyojlariga emas, xalq ommasi ehtiyojlariga qaratilgan siyosiy pozitsiya yoki nutq shakli.

## Mustahkamlash uchun savol va topshiriqlar

1. Rivojlanishning neoliberal yo'li Lotin Amerikasi mamlakatlari uchun qanday ahamiyat kasb etdi va qanday muammolarni keltirib chiqardi?
2. XX asr oxiriga kelib Lotin Amerikasi mamlakatlarining AQSH bilan munosabatlarida qanday modellar shakllandi?
3. XX asr oxiridan boshlab Lotin Amerikasi mamlakatlarida an'anaviy siyosiy partiyalarga aholi ishonchining so'nib borishiga qanday jarayonlar sabab bo'ldi?
4. Lotin Amerikasining yirik davlatlari XXI asrda qanday maqsadlarni oldiga qo'yib rivojlanmoqda?

### Mustaqil ish



Internet asosida Lotin Amerikasi mamlakatlariga virtual sayohat uyushtiring va mavzuda o'r ganilgan materiallar asosida tarixiy vogelikni tahlil qiling.

### 26-MAVZU. 1991 – 2017-YILLARDA AFRIKA MAMLAKATLARI

**Shimoliy Afrika.** Shimoliy Afrika mamlakatlariga Misr, Sudan, Liviya, Jazoir, Tunis, Marokash, Mavritaniya va G'arbiy Sahroyi kabir kiradi.



**5-Panafrika kongressi qachon bo'lib o'tdi?**

**Misr** sivilizatsiyaviy jihatdan ko'proq Sharqiy O'rtayer dengiziga mansub bo'lsa-da, Afrikaning arab mamlakatlari hayotida katta rol o'ynaydi. XX asr oxiri – XXI asr boshlarida Misr iqtisodiy rivojlanishda, qishloq xo'jaligi, madaniyatda katta yutuqlarni qo'lga kiritdi, rivojlangan sayyohlik industriyasini yaratdi, mamlakatning valuta zaxirasi to'xtovsiz ortib bordi. Bu yutuqlar Misrga arab va musulmon dunyosining yetakchisi bo'lish imkonini berdi.

Ammo 2000-yillarga kelib, Misrda ham islom fundamentalizmi faollashib qoldi. Ular bosimi ostida Misr prezidenti Husni Muborak 2011-yili iste'foga chiqdi. Shundan so'ng bo'lib o'tgan prezidentlik saylovlarida «Musulmon birodarlar» radikal tashkilotidan nomzod Muhammad Mursi g'alaba qozondi. M. Mursi mamlakat prezidenti «inqilob himoyasiga yo'naltirilgan har qanday dekretni» imzolashi va u sudda rad etilishi mumkin emasligini belgilab qo'ydi. Bu harakati uchun muxolifatchilar M. Mursini hokimiyatni egallab olishda, diktaturani tiklashda aybladi. Armiyada norozilik boshlandi. Natijada 2013-yili M. Mursi harbiylar tomonidan ag'darildi va qamoqqa olindi. Hokimiyatga mudofaa vaziri general Abdul Fattoh as-Sisi keldi. U 2014-yili bo'lib o'tgan saylovlarda Misr prezidenti etib saylandi.

«Musulmon birodarlar» terrorchi tashkilot deb e'lon qilindi, uning faollari qatag'onga uchradi. M. Mursi va tashkilotning yana bir qator faollari o'lim jazosiga hukm qilindi.

Ammo Misrda terroristik xavf yuqoriligicha qolmoqda. 2017-yil 24-noyabrda ISHID tarkibiga kiruvchi «Viloyat Sinay» terrorchi tashkiloti vakillari Sinay yarimorolidagi masjidda juma namozi paytida portlash uyuştirib, namozxonlarga qarshi avtomatlardan o't ochdi. Oqibatda 235 kishi, jumladan, bolalar halok bo'ldi, 100 dan oshiq kishi yaralandi.

**Sudan** XX asr oxiri – XXI asr boshlarida mintaqaning eng qoloq mamlakati bo'lib qolmoqda. Mamlakat aholisining asosiy qismi qishloq xo'jaligida band. Sanoat juda sust rivojlangan, mamlakat aholisining faqat 5%i bu sohada band.

Sudanning chegarasi mustamlaka davrida sun'iy bo'lingan bo'lib, bu ko'plab etno-konfessional mojarolarga sabab bo'lib kelmoqda.

**Liviyyada** M. Kaddafiyning uzоq hukmronligi davrida neftdan olin-gan daromad yirik ijtimoiy islohotlarni amalga oshirish imkonini berdi. Liviyaliklar Shimoliy Afrikada eng ta'minlangan aholiga aylandi.



**Shimoliy Afrika mamlakatlari – bu ...**

**2011-yili ...**

**2013-yili M. Mursi ...**

Ammo tashqi siyosatda M. Kaddafiy hukumati inqilobiy va terrorchi tashkilotlariga, ayniqsa, islom dini bayrog'i ostida harakat qiluvchilarga yordam ko'rsatdi. M. Kaddafiyning nomi bir qator terroristik aktlar bilan bog'landi va bu xalqaro jamoatchilikning noroziligiga sabab bo'ldi.

2011-yili Liviyada ham hukumatga qarshi g'alyonlar boshlandi. Qo'zg'olonchilar muvaqqat hukumat tuzib, yordam so'rab NATOga murojaat qildi. NATO kuchlari Liviyani bombardimon qildi, M. Kadafiy o'ldirildi, ammo turli guruhlar o'rtasida to'qnashuvlar to'xtamadi. 2016-yili mamlakatda fuqarolar urushi boshlanib ketdi. Bu urushda turli turli diniy tashkilotlar ishtirok etmoqda. Urush Liviyani iqtisodiy halokat yoqasiga olib keldi. Millionlab kishilar mamlakatni tark etib, qochoqqa aylandi.



Afrika davlatlari

Mintaqaning Jazoir, Tunis, Marokash va Mavritaniya kabi mamlakatlarida ham shu davrda yuz bergan inqiloblar va to'ntarishlar murakkab ko'rinishga, ko'pincha diniy asosga ega bo'lib, bu jamiyatlarning modernizatsiyaga muhtojligini ko'rsatmoqda.

**Tropik va Janubiy Afrika.** 1990-yillari Tropik va Janubiy Afrika mamlakatlarida ham muhim va o'ta murakkab o'zgarishlar yuz berdi. Bular Afrika mamlakatlarining o'zidagi rivojlanish tendensiyalari va umumjahon ahamiyatiga ega bo'lgan voqeа – «sovуq urush»ning yakunlanishi bilan bog'liq edi. Ikki qarama-qarshi bloklar o'rtasida Afrikaga ta'sir uchun kurash yakun topdi.

Afrika mamlakatlarida demokratlashtirish tendensiyalari, fuqarolik jamiyatini tuzishga intilish paydo bo'ldi. Bir partiyali tizimdagи davlatlarning ko'philigi ko'p partiyali tizimga o'tdi. Dasturida marksizm-leninizm haqidagi nizom saqlanib qolayotgan hukmron partiyalar bu yo'riqlardan voz kechdilar, marksizmga sodiq qolgan **Efiopiya**даги Mengistu Xayle Mariam hukumati 1991-yili ag'darib tashlandi.

Ammo bu jarayonlar mintaqadagi siyosiy holatni keskinlashtirib yubordi. 1989-yili **Liberiyada** etnik asosda boshlangan fuqarolar urushi ko'plab qurbanlar va 1 mln aholining qo'shni davatlarga om-maviy qochishiga olib keldi. Mamlakat xarob ahvolga keldi. Faqat Liberiyaga xalqaro harbiy kuchlarni kiritish ahvolni biroz tartibga keltirdi.

**Syerra-Leoneda** ham harbiy to'ntarishlar va qurolli mojarolar fuqarolar urushiga olib keldi. Faqat BMT aralashuvi keskinlikni biroz yumshatdi, ammo mamlakat iqtisodi vayron bo'lgan edi.

**Ruanda va Burundida** ham qonli mojarolar bo'lib o'tdi. 1990-yillar o'rtalariga kelib tutsi va xutu xalqlari o'rtasidagi kurash keskinlashib, genotsidga olib keldi. Natijada Ruandaning 1 mln ga yaqin aholisi halok bo'ldi, Burundida 1 mln ga yaqin kishi qochoqqa aylandi.

1997-yili **Kongo Demokratik Respublikasida** Mobutuning diktatorlik rejimi ag'darildi. Ammo yangi hukumat uzoq yillar davomida to'planib qolgan ijtimoiy-iqtisodiy inqirozni yengib, etnik ziddiyatlarni yumshata olmadi. BMT Kongo Demokratik Respublikasini dunyoning eng qashshoq mamlakati deb tan oldi.

Kongo inqiroziga Afrikadagi qator davlatlar: Janubiy Afrika Respublikasi, Angola, Namibiya, Uganda, Ruanda, Zimbabve ham u yoki bu darajada hissa qo'shdi. Ularning barchasi mojaroni tinch yo'l bilan hal qilish to'g'risida bayonet bersalar-da, bir guruhi markaziy hokimiyatni, boshqalari isyonchilarni qo'llab-quvvatladi.

Hozirgi kunda qashshoqlik va korrupsiya bilan birga mamlakatning eng katta muammolaridan biri gender tengsizlik bo'lib qolmoqda. Ayollarga nisbatan zo'ravonlik oddiy hol bo'lib, eng dahshatlisi, aholining katta qismi buni oddiy hol sifatida qabul qiladi. Boshqa bir muammo Afrika mamlakatlarida zamonaviy qullikning saqlanib qolayotganligi bo'lmoqda. Ayniqsa, bolalarning qullik holati jahon ja-moatchiliginini tashvishga solmoqda. Bugun Afrika mamlakatlarida millionlab bolalar qullik holatida hayot kechirishayotir.



Gender tengsizlik xaritasi: yashil rang – gender tengsizlikning past darajasi; qizil rang – gender tengsizlikning yuqori darajada

**2011-yili Liviyada hukumatga qarshi g'alayonlar boshlandi.**

**2014-yil Misrda bo'lib o'tgan saylovlarda Abdul Fattoh as-Sisi mamlakat prezidenti etib saylandi.**

Bu kabi kulfatlar Tropik va Janubiy Afrikaning katta qismidagi holatni aks ettiradi. Ijtimoiy-iqtisodiy inqiroz borgan sari kuchayib bor-di. Aholi o'sish darajasining yuqoriligi ishsizlik muammosini yanada keskinlashtirdi. Jahon bozorida Tropik va Janubiy Afrika xomashyo-siga bo'lgan talabning kamayishi mintqa mamlakatlari iqtisodiga katta zarba bo'ldi. Afrikaning ko'plab mamlakatlarida aholi jon boshiga yil-

lik daromad 1960-yildagidan ham pastga tushib ketdi. Faqt XXI asr boshlarida ijobiy tomonga o'zgarish boshlandi. Ammo XXI asrda afrikaliklar oldida katta muammolar turgani aniq. Bulardan eng kattasi demografik muammo. Qashshoqlik, dahshatli kasallikkлага qaramasdan, XXI asr boshlarida Afrikaning ko'plab mamlakatlarda aholining yillik o'sishi juda yuqori. BMTning hisob-kitobiga ko'ra, Afrika aholisi 2050-yilga kelib 2 mlrd kishiga yetadi. Bu yangi asrda Afrika juda katta muammolar oldida turganligidan dalolat beradi.



**Etno-konfessional mojaro** – bu etnik mojaroning shakllaridan biri bo'lib, unda etnik ziddiyat diniy ziddiyat bilan qo'shilib ketadi.

**Gender tengsizlik** – bu ijtimoiy tizimning muhim belgisi bo'lib, unga binoan turli ijtimoiy guruhlar, ayni holatda – erkaklar va ayollarning jamiyatdagi imkoniyatlari bir-biridan keskin farq qiladi.

### Mustahkamlash uchun savol va topshiriqlar

1. XXI asr boshiga kelib Misrning siyosiy hayotida islom fundamentalizmi qanday rol o'ynadi?
2. XX asr oxiri – XXI asr boshlarida Liviya va boshqa Shimoliy Afrika mamlakatlaridagi inqilob va to'ntarishlar qanday oqibatlarga olib keldi?
3. «Sovuq urush»ning yakunlanishi Afrika mamlakatlarida qanday jarayonlarni keltirib chiqardi?
4. XXI asrda Afrika mamlakatlari oldida qanday dolzarb muammolar turibdi?

### Mustaqil ish



Afrika davlatlari taraqqiyotidagi muammolar va yutuqlar masalasini T-chizma asosida tahlil qilib, dafaringizga yozing.

### III BOB. YANGI MINGYILLIK BOSHLARIDA JAHON SIVILIZATSIYASI MUAMMOLARI

#### 27-MAVZU. XX ASR OXIRI – XXI ASR BOSHLARIDA GLOBALLASHUV MUAMMOLARI, HARBIY, EKSTREMISTIK VA EKOLOGIK XAVF-XATARLAR

**Globallashuv muammolari.** Globallashuv (globus – Yer shari) deganda umumjahon iqtisodiy, siyosiy va madaniy integratsiyalashuv va unifikatsiyalashuv jarayoni tushuniladi. Globallashuv obyektiv va tizimli jarayon bo'lib, jamiyat hayotining barcha sohalarini qamrab olmoqda.

Iqtisodning globallashuvi natijasida iqtisodiy yuksalishlar va inqirozlar umumjahon miqyosida global xarakterga ega bo'lib bormoqda. Zamonaviy axborot tizimlari moliya kapitaliga juda tez harakatlanish, moliya bozorlariga esa to'xtovsiz faoliyat yuritish imkonini yaratdi.



Globallashuv g'arblashuvmi?

Madaniy sohada globallashuv jarayoni ziddiyatli natijalarga ham olib kelmoqda. Bir tomondan, madaniy globallashuv jarayonida Internet, xalqaro sayyoqlik, kinofilmlar, kitoblar va ijodiy mehnatning boshqa mahsulotlari katta rol o'ynaydi. Boshqa tomondan, ko'pincha sifati uncha yuqori bo'limgan xalqaro madaniy hodisalarning ommalashuvi, milliy madaniyatlarning rivojlanishi uchun xavf sola boshladi. Masalan, hozir «ommaviy madaniyat» deb atalayotgan jarayon shunday salbiy holatlarga ega bo'lgan hodisalardan biridir.

Janubiy Amerika miqyosidagi erkin savdo zonalarini tuzish, savdo va sanoatini rivojlantirish mo'ljallangan.

Ammo yirik rejalar va katta imkoniyatlarga qaramasdan, bu mamlakatlar, hatto Braziliya va Meksika kabi gigantlar ham bugun global siyosiy va iqtisodiy muammolarni hal etish jarayonida arzigulik ta'sirga ega emas. 2008-yildan mintaqadagi eng yirik uchta davlat – Braziliya, Meksika va Argentina G-20 («Katta yigirma-lik») obro'li klubiga a'zo bo'lsa-da, jahon siyosatida hali katta rol o'ynamaydi. Shunga qaramasdan, bu davlatlar katta istiqbolli imkoniyatlarga ega. Masalan, Meksika 1994-yili Shimoliy Amerika erkin savdo zonasiga kirdi va 1994 – 2010-yillari Meksikaga kiritilgan chet el investitsiyalari miqdori to'rt marta o'sdi. Shuning 75 % i AQSH ulushiga to'g'ri keladi. Agar yaqin o'tmishda eksportning asosini neft tashkil qilgan bo'lsa, hozir Meksika eksportining 80 % ini sanoat mahsulotlari tashkil qiladi.



**XXI asr boshida Braziliya, Peru, Venesuela, Ekvador hokimiyatiga yangi, mustaqil nomzodlar keldi.**

**1994 – 2010-yillari Meksikaga kiritilgan chet el investitsiyalari miqdori to'rt marta o'sdi.**

Braziliya bugun dunyoning yirik iqtisodiyotlaridan biri, jadal rivojlanayotgan Xitoy, Hindiston, Janubiy Afrika Respublikasi va Rossiya bilan birgalikda BRIKS tashkilotining a'zosi hisoblanadi. Braziliya XXI asrda Lotin Amerikasining tan olingan yetakchisiga aylanish, AQSHning doimiy ta'siridan butunlay qutulish va BMT XKning doimiy a'zolaridan biri bo'lish kabi olamshumul vazifalarni qo'yib, shunga intilmoqda.

Aytish lozimki, Lotin Amerikasi mamlakatlari XX asrda o'z oldilariga qo'ygan murakkab muammolarni to'liq hal qila olmadi, ammo buning yo'llarini qidirishda davom etmoqda. XXI asrda bu muammolar o'z yechimini qanday topishini hayot ko'rsatadi.



**Populizm** – saralangan fuqarolarning ehtiyojlariga emas, xalq ommasi ehtiyojlariga qaratilgan siyosiy pozitsiya yoki nutq shakli.

## Mustahkamlash uchun savol va topshiriqlar

1. Rivojlanishning neoliberal yo'li Lotin Amerikasi mamlakatlari uchun qanday ahamiyat kasb etdi va qanday muammolarni keltirib chiqardi?
2. XX asr oxiriga kelib Lotin Amerikasi mamlakatlarining AQSH bilan munosabatlarida qanday modellar shakllandi?
3. XX asr oxiridan boshlab Lotin Amerikasi mamlakatlarida an'anaviy siyosiy partiyalarga aholi ishonchining so'nib borishiga qanday jarayonlar sabab bo'ldi?
4. Lotin Amerikasining yirik davlatlari XXI asrda qanday maqsadlarni oldiga qo'yib rivojlanmoqda?

### Mustaqil ish



Internet asosida Lotin Amerikasi mamlakatlariga virtual sayohat uyshtiring va mavzuda o'r ganilgan materiallar asosida tarixiy voqelikni tahlil qiling.

### 26-MAVZU. 1991 – 2017-YILLARDA AFRIKA MAMLAKATLARI

**Shimoliy Afrika.** Shimoliy Afrika mamlakatlariga Misr, Sudan, Liviya, Jazoir, Tunis, Marokash, Mavritaniya va G'arbiy Sahroyi kabir kiradi.



### 5-Panafrika kongressi qachon bo'lib o'tdi?

Misr sivilizatsiyaviy jihatdan ko'proq Sharqiy O'rtayer dengiziga mansub bo'lsa-da, Afrikaning arab mamlakatlari hayotida katta rol o'ynaydi. XX asr oxiri – XXI asr boshlarida Misr iqtisodiy rivojlanishda, qishloq xo'jaligi, madaniyatda katta yutuqlarni qo'lga kiritdi, rivojlangan sayyoohlilik industriyasini yaratdi, mamlakatning valuta zaxirasi to'xtovsiz ortib bordi. Bu yutuqlar Misrga arab va musulmon dunyosining yetakchisi bo'lish imkonini berdi.

Ammo 2000-yillarga kelib, Misrda ham islom fundamentalizmi faollashib qoldi. Ular bosimi ostida Misr prezidenti Husni Muborak 2011-yili iste'foga chiqdi. Shundan so'ng bo'lib o'tgan prezidentlik saylovlarida «Musulmon birodarlar» radikal tashkilotidan nomzod Muhammad Mursi g'alaba qozondi. M. Mursi mamlakat prezidenti «inqilob himoyasiga yo'naltirilgan har qanday dekretni» imzolashi va u sudda rad etilishi mumkin emasligini belgilab qo'ydi. Bu harakati uchun muxolifatchilar M. Mursini hokimiyatni egallab olishda, diktaturani tiklashda aybladi. Armiyada norozilik boshlandi. Natijada 2013-yili M. Mursi harbiylar tomonidan ag'darildi va qamoqqa olindi. Hokimiyatga mudofaa vaziri general Abdul Fattoh as-Sisi keldi. U 2014-yili bo'lib o'tgan saylovlarda Misr prezidenti etib saylandi.

«Musulmon birodarlar» terrorchi tashkilot deb e'lon qilindi, uning faollari qatag'onga uchradi. M. Mursi va tashkilotning yana bir qator faollari o'lim jazosiga hukm qilindi.

Ammo Misrda terroristik xavf yuqoriligidcha qolmoqda. 2017-yil 24-noyabrda ISHID tarkibiga kiruvchi «Viloyat Sinay» terrorchi tashkiloti vakillari Sinay yarimorolidagi masjidda juma namozi paytida portlash uyushtirib, namozxonlarga qarshi avtomatlardan o't ochdi. Oqibatda 235 kishi, jumladan, bolalar halok bo'ldi, 100 dan oshiq kishi yaralandi.

**Sudan** XX asr oxiri – XXI asr boshlarida mintaqaning eng qolqo mamlakati bo'lib qolmoqda. Mamlakat aholisining asosiy qismi qishloq xo'jaligida band. Sanoat juda sust rivojlangan, mamlakat aholisining

~~taqaffu - zor nu'schanda davri~~

Sudanning ehegarasi mustamaka davrida sun'iy bordingan bo'lib,

bu ko'plab etno-konfessional mojarolarga sabab bo'lib kelmoqda.


**Liviyada** M. Kaddafiyning uzog' hukmronligi davrida neftdan olin-  
gan daromad yirik ijtimoiy islohotlarni amalga oshirish imkonini berdi. Liviyaliklar Shimoliy Afrikada eng ta'minlangan aholiga aylandi.



### Shimoliy Afrika mamlakatlari – bu ... 2011-yili ... 2013-yili M. Mursi ...

Ammo tashqi siyosatda M. Kaddafiy hukumati inqilobiy va terrorchi tashkilotlariga, ayniqsa, islom dini bayrog'i ostida harakat qiluvchilarga yordam ko'rsatdi. M. Kaddafiyning nomi bir qator terroristik aktlar bilan bog'landi va bu xalqaro jamoatchilikning noroziligiga sabab bo'ldi.

2011-yili Liviyada ham hukumatga qarshi g‘alayonlar boshlandi. Qo‘zg‘olonchilar muvaqqat hukumat tuzib, yordam so‘rab NATOGa murojaat qildi. NATO kuchlari Liviyani bombardimon qildi, M. Kad-dafiy o‘ldirildi, ammo turli guruhlar o‘rtasida to‘qnashuvlar to‘xtamadi. 2016-yili mamlakatda fuqarolar urushi boshlanib ketdi. Bu urushda turli turli diniy tashkilotlar ishtirok etmoqda. Urush Liviyani iqtisodiy halokat yoqasiga olib keldi. Millionlab kishilar mamlakatni tark etib, qochoqqa aylandi.



Afrika davlatlari

Mintaqaning Jazoir, Tunis, Marokash va Mavritaniya kabi mamlakatlarida ham shu davrda yuz bergan inqiloblar va to'ntarishlar murakkab ko'rinishga, ko'pincha diniy asosga ega bo'lib, bu jamiyatlarning modernizatsiyaga muhtojligini ko'rsatmoqda.

**Tropik va Janubiy Afrika.** 1990-yillari Tropik va Janubiy Afrika mamlakatlarida ham muhim va o'ta murakkab o'zgarishlar yuz berdi. Bular Afrika mamlakatlarining o'zidagi rivojlanish tendensiyalari va umumjahon ahamiyatiga ega bo'lgan voqeа – «sovуq urush»ning yakunlanishi bilan bog'liq edi. Ikki qarama-qarshi bloklar o'rtasida Afrikaga ta'sir uchun kurash yakun topdi.

Afrika mamlakatlarida demokratlashtirish tendensiyalari, fuqarolik jamiyatini tuzishga intilish paydo bo'ldi. Bir partiyali tizimdagи davlatlarning ko'pchiligi ko'p partiyali tizimga o'tdi. Dasturida marksizm-leninizm haqidagi nizom saqlanib qolayotgan hukmon partiyalar bu yo'riqlardan voz kechdilar, marksizmga sodiq qolgan **Efiopiyadagi** Mengistu Xayle Mariam hukumati 1991-yili ag'darib tashlandi.

Ammo bu jarayonlar mintaqadagi siyosiy holatni keskinlashtirib yubordi. 1989-yili **Liberiyada** etnik asosda boshlangan fuqarolar urushi ko'plab qurbanlar va 1 mln aholining qo'shni davlatlarga om-maviy qochishiga olib keldi. Mamlakat xarob ahvolga keldi. Faqat Liberiyaga xalqaro harbiy kuchlarni kiritish ahvolni biroz tartibga keltirdi.

**Syerra-Leoneda** ham harbiy to'ntarishlar va qurolli mojarolar fuqarolar urushiga olib keldi. Faqat BMT aralashuvi keskinlikni biroz yumshatdi, ammo mamlakat iqtisodi vayron bo'lgan edi.

**Ruanda va Burundida** ham qonli mojarolar bo'lib o'tdi. 1990-yillar o'rtalariga kelib tutsi va xutu xalqlari o'rtasidagi kurash keskinlashib, genotsidga olib keldi. Natijada Ruandaning 1 mln ga yaqin aholisi halok bo'ldi, Burundida 1 mln ga yaqin kishi qochoqqa aylandi.

1997-yili **Kongo Demokratik Respublikasida** Mobutuning diktorlik rejimi ag'darildi. Ammo yangi hukumat uzoq yillar davomida to'planib qolgan ijtimoiy-iqtisodiy inqirozni yengib, etnik ziddiyatlarni yumshata olmadi. BMT Kongo Demokratik Respublikasini dunyoning eng qashshoq mamlakati deb tan oldi.

Kongo inqiroziga Afrikadagi qator davlatlar: Janubiy Afrika Respublikasi, Angola, Namibiya, Uganda, Ruanda, Zimbabwe ham u yoki bu darajada hissa qo'shdi. Ularning barchasi mojaroni tinch yo'l bilan hal qilish to'g'risida bayonot bersalar-da, bir guruhi markaziy hokimiyatni, boshqalari isyonchilarni qo'llab-quvvatladi.

Hozirgi kunda qashshoqlik va korrupsiya bilan birga mamlakatning eng katta muammolaridan biri gender tengsizlik bo'lib qolmoqda. Ayollarga nisbatan zo'ravonlik oddiy hol bo'lib, eng dahshatlisi, aholining katta qismi buni oddiy hol sifatida qabul qiladi. Boshqa bir muammo Afrika mamlakatlarida zamonaviy qullikning saqlanib qolayotganligi bo'lmoqda. Ayniqsa, bolalarning qullik holati jahon ja moatchiligini tashvishga solmoqda. Bugun Afrika mamlakatlarida millionlab bolalar qullik holatida hayot kechirishayotir.



Gender tengsizlik xaritasi: yashil rang – gender tengsizlikning past darajasi; qizil rang – gender tengsizlikning yuqori darajada



**2011-yili Liviyada hukumatga qarshi g'alyonlar boshlandi.**

**2014-yil Misrda bo'lib o'tgan saylovlarda Abdul Fattoh as-Sisi mamlakat prezidenti etib saylandi.**

Bu kabi kulfatlar Tropik va Janubiy Afrikaning katta qismidagi holatni aks ettiradi. Ijtimoiy-iqtisodiy inqiroz borgan sari kuchayib bor-di. Aholi o'sish darajasining yuqoriligi ishsizlik muammosini yanada keskinlashtirdi. Jahon bozorida Tropik va Janubiy Afrika xomashyosiga bo'lgan talabning kamayishi mintaqaga mamlakatlari iqtisodiga katta zarba bo'ldi. Afrikaning ko'plab mamlakatlarida aholi jon boshiga yil-

lik daromad 1960-yildagidan ham pastga tushib ketdi. Faqat XXI asr boshlarida ijobiy tomonga o'zgarish boshlandi. Ammo XXI asrda afrikaliklar oldida katta muammolar turgani aniq. Bulardan eng kattasi demografik muammo. Qashshoqlik, dahshatli kasallikkarga qaramasdan, XXI asr boshlarida Afrikaning ko'plab mamlakatlarida aholining yillik o'sishi juda yuqori. BMTning hisob-kitobiga ko'ra, Afrika aholisi 2050-yilga kelib 2 mlrd kishiga yetadi. Bu yangi asrda Afrika juda katta muammolar oldida turganligidan dalolat beradi.



**Etno-konfessional mojaro** – bu etnik mojaroning shakllaridan biri bo'lib, unda etnik ziddiyat diniy ziddiyat bilan qo'shilib ketadi.

**Gender tengsizlik** – bu ijtimoiy tizimning muhim belgisi bo'lib, unga binoan turli ijtimoiy guruhlar, ayni holatda – erkaklar va ayollarning jamiyatdagi imkoniyatlari bir-biridan keskin farq qiladi.

### Mustahkamlash uchun savol va topshiriqlar

1. XXI asr boshiga kelib Misrning siyosiy hayotida islom fundamentalizmi qanday rol o'ynadi?
2. XX asr oxiri – XXI asr boshlarida Liviya va boshqa Shimoliy Afrika mamlakatlaridagi inqilob va to'ntarishlar qanday oqibatlarga olib keldi?
3. «Sovuq urush»ning yakunlanishi Afrika mamlakatlarida qanday jarayonlarni keltirib chiqardi?
4. XXI asrda Afrika mamlakatlari oldida qanday dolzarb muammo-lar turibdi?

### Mustaqil ish



Afrika davlatlari taraqqiyotidagi muammolar va yutuqlar masalasini T-chizma asosida tahlil qilib, daf-taringizga yozing.

### **III BOB. YANGI MINGYILLIK BOSHLARIDA JAHON SIVILIZATSIYASI MUAMMOLARI**

#### **27-MAVZU. XX ASR OXIRI – XXI ASR BOSHLARIDA GLOBALLASHUV MUAMMOLARI, HARBIY, EKSTREMISTIK VA EKOLOGIK XAVF-XATARLAR**

**Globallashuv muammolari.** Globallashuv (globus – Yer shari) deganda umumjahon iqtisodiy, siyosiy va madaniy integratsiyalashuv va unifikatsiyalashuv jarayoni tushuniladi. Globallashuv obyektiv va tizimli jarayon bo‘lib, jamiyat hayotining barcha sohalarini qamrab olmoqda.

Iqtisodning globallashuvi natijasida iqtisodiy yuksalishlar va inqirozlar umumjahon miqyosida global xarakterga ega bo‘lib bormoqda. Zamonaviy axborot tizimlari moliya kapitaliga juda tez harakatlanish, moliya bozorlariga esa to‘xtovsiz faoliyat yuritish imkonini yaratdi.



**Globallashuv g‘arblashuvmi?**

Madaniy sohada globallashuv jarayoni ziddiyatlari natijalarga ham olib kelmoqda. Bir tomonidan, madaniy globallashuv jarayonida Internet, xalqaro sayyohlik, kinofilmlar, kitoblar va ijodiy mehnatning boshqa mahsulotlari katta rol o‘ynaydi. Boshqa tomonidan, ko‘pincha sifati uncha yuqori bo‘limgan xalqaro madaniy hodisalarining ommalashuvi, milliy madaniyatlarning rivojlanishi uchun xavf sola boshladi. Masalan, hozir «ommaviy madaniyat» deb atalayotgan jarayon shunday salbiy holatlarga ega bo‘lgan hodisalardan biridir.

Kimyo va gen muhandisligining yutuqlari tufayli kimyoviy hamda bakteriologik qurollarni takomillashtirish imkoniyatlari ham insoniyatni tashvishga solmoqda. Bunday qurollarni yaratishning nisbatan arzonligi, nazorat qilishning murakkabligi, bu esa ko'plab kishilarining yo'q qilish imkoniyatini yaratmoqda, kichik to'qnashuv o'choqlarida paydo bo'lish xavfini oshirmoqda.

**Ekstremizm va terrorizm.** Zamonaviy jamiyatning ko'plab muammolari orasida so'nggi paytda bir-biri bilan uzviy bog'langan ikki muammo – ekstremizm va terrorizm alohida o'rin tutadi. Ekstremizm va terrorizm insoniyatning ijtimoiy qadriyatlariiga katta zarar yetkazadi, jamiyatda insonning himoyalanganlik hissini poymol qiladi.

Ekstremizm – bu ijtimoiy-siyosiy, diniy, milliy maqsadlarga taqilangan usullar orqali erishishning nazariyasi va amaliyoti. Taqilangan usullar deganda inson huquq va erkinliklariga qonunda man etilgan kuch ishlatish, zo'rlik yo'li bilan tajovuz qilish tushuniladi.



Terrorizmnning mudhish basharasi

Ekstremist o'zining siyosiy, diniy yoki boshqa ijtimoiy xavfli g'oyalari haqligiga ishongan va ularni kishilar, ayniqsa, yoshlar ongiga singdirish uchun harakat qiladigan «g'oyaviy» jinoyatchi. Bugun o'zining mutaassib g'oyalarini isbotlash va ularni jamiyatning asosiga aylantirish uchun harakat qilayotgan, o'z faoliyati davomida dahshatli g'ayriinsoniy usullardan foydalanayotgan bu guruhlar shunday ekstremistlardir.

Ekstremizmning eng xavfli shakli terrorizmdir. Terrorizm – bu davlat hokimiyyati va mahalliy boshqaruv organlari hamda xalqaro tashkilotlarning qarorlar qabul qilish jarayonida aholini qo'rqtish yoki qonunga xilof boshqa harakatlar bilan bog'liq zo'ravonlik orqali ta'sir ko'rsatish mafkurasi va amaliyotidir. Ya'ni terrorchilar hech narsa bilan chegaralanmagan vahshiyliklar, masalan, aholi to'plangan joyda portlash so'dir etish, ommaviy qatl qilish kabi usullar orqali siyosiy hokimiyatga intiladilar. Ular hozirda ayniqsa diniy niqobdan keng foydalanmoqda. Masalan, «Al-Qoida», ISHID kabi islam dinini niqob qilib olgan terrorchi tashkilotlar bugun dunyoning eng katta ekstremistik va terroristik xavfiga aylandi. Bu xavfni bilmaydigan yoki oxirigacha tushunib yetmayotgan kishilar, ayniqsa, yoshlar terrorchilar changaliga ilinib qolmoqda. Ekstremistik g'oyalarning yoyilishida Internet va boshqa zamonaviy axborot vositalari ham ma'lum salbiy rol o'ynamoqda.

Yaqin Sharqdagi notinch holat, u yerdan o'n minglab qochoqlarning Yevropaga intilishi butun dunyoda terrorizm xavfini keskin oshirdi. Eng xavfisi, zamonaviy kishilarga yot bo'lgan qo'rqinch va xavotir holati butun dunyoni qamrab olmoqda.

**Tabiiy resurslar muammosi va biosferaning ifloslanishi.** Yer yuzidagi hayotga tahdid qilayotgan xavflardan yana biri insonning ishlab chiqarish faoliyati bilan bog'liq. Inson ishlab chiqarish faoliyatining Yer biosferasiga salbiy ta'siri kun sayin oshib bormoqda. Keyingi yillarda sayyoramizni quyoshning radioaktiv nurlaridan himoya qilib turgan ozon qatlami buzilmoqda. Oqibatda odamlarning saraton kasalligiga yo'liishi, hayvon va o'simliklarning kasallanishi xavfi oshmoqda. Atmosferaga is gazlarining ko'plab chiqarilishi global iqlim o'zgarishi jarayonini boshlab berdi. Natijada sayyoramizda o'rtacha harorat yil sayin oshib bormoqda. Kelajakda qutb muzliklari, Grenlandiya va Antarktida muz qatlamlarining erishi, dunyo okeani sathining ko'tarilishi, qirg'oq bo'yidagi yuzlab shaharlarni, keng hosildor yerkarni suv bosishi kutilmoqda.

O'zbekistonda hal qilinishi lozim bo'lgan shunday eng katta muammo – bu Orol dengizi muammosi. So'nggi qirq yil mobaynida Orol dengizi havzasasi keskin qisqardi, suv hajmi kamaydi, uning minerallashuvi esa o'nlab marta oshib, dengizni tirik organizmlarning yashashi uchun yaroqsiz holga keltirdi. Bugunga kelib, dengizning 90 %idan ortiqrog'i qurib bo'lgan. Bunday manzara Orolbo'yini aholisi, ayniqsa, bolalar sog'lig'i, millat genofondi, atrof-muhit musafoligiga jiddiy zarar yetkazmoqda.

So'nggi davrda Yer yuzi aholisining katta qismi to'plangan shaharlarda inson o'tmishdagiga nisbatan ancha katta axborot ta'siriga uchramoqda. Natijada asab-psixologik, saraton va yurak-qon tomir kasalliklari ko'payib bormoqda. Yuz yillar davomida shakillangan turmush tarzidagi o'zgarishlar, ayniqsa, zamonaviy qulayliklar natijasida harakatning kamayishi ham inson salomatligiga salbiy ta'sir ko'rsatmoqda.



Zaharli gazlar – insoniyatning global muammosi

Albatta, yuqorida keltirilganlar insoniyat hal qilishi lozim bo'lgan muammolarning barchasini qamrab olmaydi. Ulardan ayrimlari, masalan, insoniyatning ma'nnaviy inqirozi, axloqiy buzilish kabi muammolar juda murakkab bo'lib, ularning hal qilinishi Yer yuzida insoniyatni saqlab qolish va keyingi rivojlanishini ta'minlash uchun favqulodda muhim hisoblanadi. Shu qatori insoniyat oldida jamiyat va tabiat o'rtaсидаги muvozanatni tiklash, ekologik, texnologik va ijtimoiy jarayonlarni uyg'unlashtirish, ijtimoiy tanglikni bartaraf qilish va natijada insoniyat sivilizatsiyasini saqlab qolishdek olamshumul murakkab

vazifa turibdi. Bu muammolarni hal qilish insoniyatdan, eng avvalo, hamkorlik va hamjihatlikni talab qiladi.



**Unifikatsiya** – bu bitta tizim yoki shaklga keltirish.

### **Mustahkamlash uchun savol va topshiriqlar**

1. Siyosiy, iqtisodiy va madaniy sohalardagi globallashuv jarayoni nimalarda namoyon bo'ladi?
2. Atrof-muhit va inson salomatligining yomonlashuviga qanday omillar sabab bo'lmoqda?
3. Ekstremizmning g'oyaviy xavfi qanday ko'rinishlarda namoyon bo'ladi?
4. Zamonaviy mutaassib diniy guruhlarning ekstremistik xavfi nimada?
5. Nima uchun terrorizm ekstremizmning eng xavfli turi hisoblanadi?
6. Tabiiy resurslarning kamayishi va atmosferaning ifloslanishi insoniyat oldiga qanday muammolarni qo'yemoqda?

### **Mustaqil ish**



«Ekstremizm va terrorizm – taraqqiyot zavoli» mavzusida taqdimot tayyorlang va videorolik ko'rinishida to'garak mashg'ulotida namoyish qiling.



Internet yordamida dunyoda tabiiy resurslar muammoasi va biosferaning ifloslanishi masalasini tahlil qiling. Mazkur muammolarning yechimlarini jahon tajribasida qanday hal qilinishini daftaringizga yozing.

## **28-MAVZU. XX ASR OXIRI – XXI ASR BOSHLARIDA BARQAROR RIVOJLANISH VA ETNO-IJTIMOIY MUAMMOLAR**

**Barqaror xavfsiz rivojlanish muammolari.** Barqaror rivojlanish – bu iqtisodiy va ijtimoiy o'zgarishlar jarayoni bo'lib, unda tabbiy resurslardan foydalanish, investitsiyalarni yo'naltirish, ilmiy-texnik taraqqiyotning yo'nalishini belgilash, shaxsnинг rivojlanishi va institutsional o'zgarishlar bir-biri bilan moslashtiriladi, inson ehtiyojlari va intilishlarini qondirish uchun bugungi va istiqbolli imkoniyatlar kuchaytiriladi. Bularidan maqsad, albatta, kishilarning sifatli yashash darajasini ta'minlashdir.

### **Birlashgan Millatlar Tashkiloti qanday maqsadda tuzilgan?**

Insoniyatning barqaror xavfsiz rivojlanishi ko'p jihatdan xalqaro hamkorlikka ham bog'liq. Sanoatni energiya va resurslar sarfini kamaytiruvchi yuqori texnolgiyalarga asoslangan postindustrial tizimga o'tkazish hozirgi sivilizatsiya zimmasiga tushayotgan yukni ancha kamaytirishi mumkin. Masalan, so'nggi 50 yil ichida ilm-fan yutug'i natijasida dunyoda yonilg'i sarfining keskin kamayishi tabiatdan oshiqcha boyliklarni olmasdan, atrof-muhitni iflos qilmasdan yuqori texnologiyalar asosida mahsulot olish mumkinligini isbotladi.

Tabiatni himoya qilish bo'yicha alohida davlatlar tomonidan olib borilayotgan tadbirlar bilan bir qatorda, bu sohadagi xalqaro hamkorlik ham rivojlanmoqda. Atrof-muhitni himoya qilish va barqaror taraqqiyot bo'yicha 1992-yili Rio-de-Janeyro shahrida o'tkazilgan konferensiyada XXI asrdagi harakat, jumladan, butun insoniyat uchun barqaror-xavfsiz rivojlanish konsepsiyasini ishlab chiqish dasturi qabul qilindi. Dunyoning yetakchi mamlakatlari ozon qatlamini yemiruvchi moddalarni atmosferaga chiqarishni kamaytirish va keyinchalik butunlay to'xtatish majburiyatini oldilar. Yadro texnologiyalaridan foydalanuvchi davlatlar atom elektrostansiyalari xavfsizligining xalqaro standartlariga rioya qilmoqdalar.

Shunga qaramasdan, global, umumjahon miqyosida barqaror-xavfsiz taraqqiyot modeliga o'tish muammosini yechish uchun hozircha sha-

roit yaratilgan emas. Ammo insoniyat shu yo‘nalishda rivojlanmoqda, hamkorlik qilishda davom etmoqda. Bu insoniyatning ertangi kuniga ishonchini mustahkamlaydi.



Atrof-muhitning ifloslanishi davrimizning eng dolzarb  
global muammosiga aylanmoqda

**Irqchilik va irqiy kamsitilishga qarshi kurash.** Jamiyatdagi irqiy keskinlikni yumshatishga qaratilgan tadbirlar etnik ozchilikning teng huquqlarini, jumladan, ijtimoiy sohadagi huquqlarini mustahkamlashga qaratilgan qonunlar qabul qilinishini o‘z ichiga oladi. Shunday qonunlar dastlab SSSRda, AQSH va G‘arbiy Yevropa mamlakatlarida qabul qilindi. Ayniqsa, Yevropada irqiy kamsitilishga qarshi qonullarni mustahkamlashga qaratilgan tadbirlar amalga oshirildi.



**Iraqiy kamsitish – bu ...**

**Atom elektrostansiyalari – ...**

**Barqaror-xavfsiz rivojlanish konsepsiysi – bu ...**

roit yaratilgan emas. Ammo insoniyat shu yo‘nalishda rivojlanmoqda, hamkorlik qilishda davom etmoqda. Bu insoniyatning ertangi kuniga ishonchini mustahkamlaydi.



Atrof-muhitning ifloslanishi davrimizning eng dolzarb  
global muammosiga aylanmoqda

**Irqchilik va irqiy kamsitilishga qarshi kurash.** Jamiyatdagi irqiy keskinlikni yumshatishga qaratilgan tadbirlar etnik ozchilikning teng huquqlarini, jumladan, ijtimoiy sohadagi huquqlarini mustahkamlashga qaratilgan qonunlar qabul qilinishini o‘z ichiga oladi. Shunday qonunlar dastlab SSSRda, AQSH va G‘arbiy Yevropa mamlakatlarida qabul qilindi. Ayniqsa, Yevropada irqiy kamsitilishga qarshi qonunlarni mustahkamlashga qaratilgan tadbirlar amalga oshirildi.



**Irqiy kamsitish – bu ...**  
**Atom elektrostansiyalari – ...**  
**Barqaror-xavfsiz rivojlanish konsepsiysi – bu ...**



Dunyo xalqlari irqchilikka qarshi

Etnik ozchilikning ijtimoiy muammolari va siyosiy maqomiga fuqarolik jamiyatining nodavlat tizimlari ayniqsa katta e'tibor qaratdi. Masalan, kasaba uyushmalarida etnik ozchilik vakillari manfaatlarini ifoda etuvehi bo'limlar paydo bo'ldi. Yetakchi siyosiy partiyalar ham etnik ozchilik vakillari uchun o'z bo'limlarini ochdi. Parlamentga, mahalliy hokimiyat organlariga etnik ozchilik vakillaridan nomzodlar ko'rsatildi. 1987-yili Buyuk Britaniyada ilk bor jamoa palatasiga etnik ozchilik vakillaridan to'rt nafari saylandi. Keyin qora tanli Devid Dinkins Nyu-York shahar meri, afro-amerikalik Barak Husayn Obama AQSH prezidenti, kelib chiqishi belujlardan bo'lgan Sodiq Omonxon London shahrining meri etib saylandi.

Ammo 2015-yili AQSHning bir necha shaharlarida politsiyachilar va irqchilar tomonidan qora tanli amerikaliklarning o'ldirilishi ortidan prezident B.Obama AQSH uchun irqchilik hamon dolzarb muammo ekanligini tan oldi.

**XX asr oxiri – XXI asr boshlaridagi etno-ijtimoiy muammolar.** XX asr oxiriga kelib katta moddiy resurslarga ega bo'lмаган davlatlar ham etno-ijtimoiy muammolar bilan to'qnash kela boshladi. Zotan, XXI asrda etno-ijtimoiy mojarolar o'tgan asrdagi sinfiy kurashlarga nisbatan ham jiddiyroq muammolar manbayi bo'lishi mumkinligini bugungi voqealar ko'rsatmoqda.



Millatlararo hamjihatlik – etnik mojarolarning oldini olishning samarali yo‘li

Jahonda aholisi 1 milliondan ziyod bo‘lgan 164 ta davlatning yarmidan kamroq‘i nisbatan bir millatli, ya’ni asosiy aholisi bitta millatga mansub davlatlardir. Qolgan davlatlar ko‘p millatli hisoblanadi.

Aholining ko‘p millatli tarkibi shu davlatda etno-ijtimoiy mojarolar kelib chiqishini muqarrar qilib qo‘ymaydi. Ko‘pmillatli mamlakatlar, masalan, O‘zbekistonda turli millatlarning tinch-totuv yashash an’anasi shakllangan. Ammo dunyoning ayrim hududlarida etnik mojarolarning keskinlashuvi yuz bermoqda. XX asrning 80-yillari oxiriga kelib, yuz bergen jami harbiy mojarolarning yarmidan ko‘pi bir davlat ichkarsida, etnoslararo mojarolar edi. O’sha paytda bu mojarolarning asosiy maydoni Osiyo va Afrika mamlakatlari bo‘ldi.

Ammo SSSR tarqalib ketishi bilan uning sobiq hududida o’nlab etnoslararo keskinlik o‘choqlari vujudga keldi. SSSRda milliy-hududiy chegaralarish o’tkazilgan XX asrning 20-yillarida sovet respublikalari o’rtasidagi chegaralarni belgilashda etnik omil yaxshi inobatga olinmagan, natijada ko‘plab aholi o‘z milliy respublikalari hududidan tashqarida qolib ketgan. Bu muammo ayniqsa Kavkazorti respublikalari va O‘rta Osiyoda SSSR qulagandan so‘ng yaqqol sezilib qoldi. Bu hududlarda ko‘plab etnoslararo mojarolarning kelib chiqishiga sabab bo‘ldi.



**1992-yili Rio-de-Janeyro shahrida atrof-muhitni himoya qilish va barqaror taraqqiyot bo'yicha konferensiya o'tkazildi.**

**Qora tanli Devid Dinkins Nyu-York shahar meri, afro-amerikalik Barak Husayn Obama AQSH prezidenti, kelib chiqishi belujlardan bo'lgan Sodiq Omonxon London shahrining meri etib saylandi.**

Sovet davrida barcha respublikalarning sanoat potensiali bir xil rivojlantirilmaganligi ham SSSR parchalangandan so'ng bir qator etno-ijtimoiy muammolar manbayiga aylandi. Ayniqsa, 2000-yillardan boshlab sobiq sovet respublikalaridan mehnat muhojirlarining omma-viy ravishda Rossiya Federatsiyasiga kelishi bu yerda etno-ijtimoiy holatni keskinlashtirib yubordi.

Xullas, XX asrdagi juda katta siyosiy va harbiy to'qnashuvlarning mahsuli bo'lgan etno-ijtimoiy muammolar asr oxirida Yevropada yuz bergen siyosiy bo'hronlar, SSSR va sotsialistik lagerning tarqalib ketishi natijasida yanada avj oldi. XXI asrga kelib, kishilarni irqiy va diniy mansublik asosida kamsitishlar kamaygan bo'lsa-da, ijtimoiy tengsizlik, migratsiya jarayonlari bilan bog'liq muammolar hamon saqlanib qolmoqda.



**Institutsional o'zgarishlar** – bu ijtimoiy-iqtisodiy taraqqiyotning tarkibiy qismi bo'lib, ijtimoiy institatlardagi rivojlanish va o'zgarishlarda namoyon bo'ladi.

**Potensial** – bu qaysidir soha, jabbada mavjud barcha imkoniyatlar, vositalar yig'indisi; keng ma'noda «zaxira» vositalari.

**Irqchilik** – bu irqlarning teng emasligi, «oliv» irqlarning «past» irqlar ustidan hukmronlik qilishi to'g'risidagi g'ayriimiy, reaksiyon nazariya.

### **Mustahkamlash uchun savol va topshiriqlar**

1. Etno-ijtimoiy muammolar deganda nimani tushunasiz?
2. Migratsion jarayonlar etno-ijtimoiy munosabatlarga qanday ta'sir ko'rsatadi?
3. Irqchilik va irqiy kamsitilish deganda nimani tushunasiz?
4. Etno-ijtimoiy munosabatlarga migratsion jarayonlarning ta'siri nimalarda namoyon bo'lmoqda?

5. SSSR parchalangandan keyin sobiq sovet respublikalarida etnoslararo mojarolar kelib chiqishining qanday sabablari bor edi?

### Mustaqil ish



«Irqiylamsizlarga qarshi kurash» va «Etno-ijtimoiy muammolar» tushunchalarini qiyosiy tahlil qilish asosida ularning shakllarini daftaringizga yozing.

### 29-MAVZU. XX ASR OXIRI – XXI ASR BOSHLARIDA ILMIY-TEXNIK TARAQQIYOT. ILM-FAN, ADABIYOT, SAN'AT


**ITI va uning natijalari.** XX asrning ikkinchi yarmidagi ilmiy-teknik inqilob so'nggi yuz yil davomida ilm-fan rivojlanishining qonuniy natijasi bo'ldi. Bu inqilobning asosiy belgilari tabiy va sintetik materiallardan mahsulotlarni ommaviy ishlab chiqarish, mashinalardan keng foydalanish, ishlab chiqarishning konveyerli liniyalarini, zavod-avtomatlarni va sanoat robotlarini yaratish bo'ldi. ITI jahoning ilg'or mamlakatlarini sivilizatsiyaning industrial bosqichidan postindustrial davriga olib chiqdi.



**Internetning o'tmishdoshi Arpanet qachon kashf etilgan?**

Axborot va yangi texnologiyalarning jadal rivojlanishi, XX asrning so'nggi 30 yilda yuz bergen yangi texnologik inqilob, umumiy kompyuterlashtirish va jamiyatning axborotlashuvi, ishlab chiqarishning intellektuallashuvi kabi jarayonlar rivojlangan mamlakatlarda jamiyatning mutlaqo yangi holatini keltirib chiqardi. Buni olimlar «axborot jamiyat» deb atamoqdalar. Olimlarning fikricha, «axborot jamiyat» industrial jamiyatdan keyin keladigan, jamiyatning ancha yuqori bosqichidir. Hozir industrial rivojlangan mamlakatlarda intellektual mehnat bilan band bo'lgan aholi soni butun ishchi kuchining yar-

miga yaqinlashmoqda. AQSH va Yaponiyada bu ko'rsatkich yanada yuqori. Agar Afrikada aholining 2/3 qismi qishloq xo'jaligi sohasida band bo'lsa, AQSHda bu ko'rsatkich 3% dan oshmaydi. AQSHda axborot texnologiyalari sohasida 80% aholi mehnat qilmoqda.



Fan va texnologiyalar

**Tabiiy fanlar va tibbiyot.** XX asrning ikkinchi yarmida biologiya, biokimyo va tibbiyatning rivojlanishi inson hayotining keskin o'zgarishiga, industrial jamiyatning yangi sifat bosqichiga o'tishiga olib keldi. XX asrda qorachechak, ispan grippi, o'lat, vabo, terlama, sil, bezgak kabi kasalliklar Yer yuzida 1 mldr ga yaqin kishining o'limiga olib keldi. Asr oxiriga kelib yangi yuqumli kasallik – OITS paydo bo'ldi. Shunga qaramasdan, aynan XX asrda tarixda birinchi bor yuqumli kasalliklar odamlar o'limining asosiy sababi bo'lmay qoldi. XX asrning ikkinchi yarmi, ayniqsa, asr oxirlariga kelib, yurak-qon tomir tizimi va saraton kasalliklari kishilar o'limining bosh sababchilariga aylandi. Biologiya, qishloq xo'jaligi va tibbiyot fanidagi inqilobiy yutuqlar natijasida Yer yuzi aholisi asr boshidagi bir yarim milliard kishidan asr oxiriga kelib olti milliard kishiga-

cha ko'paydi. Juda ko'plab kasalliklarga qarshi vaksinalar yaratildi. Tibbiyot texnikasi sohasidagi yutuqlar kishilarning hayot farovonligini yaxshiladi va umrini uzaytirdi.

**Qadriyatlar tizimidagi o'zgarishlar.** Ommaviy axborot vositalari-ning takomillashuvi uni kishilarning ongiga, yurish-turish va kayfiyatiga ta'sir o'tkazuvchi qudratli vositaga aylantirdi. XX asrning ikkinchi yarmida sun'iy yo'ldosh orqali teleko'rsatuvlarni namoyish qilish, global kompyuter tarmog'ini yaratish orqali insoniyatning ma'naviy hayotini baynalmilallashtirish uchun sharoit tug'ildi. Shu munosabat bilan odamlarda savol tug'ilma boshladi: aynan qaysi qadriyatlar, g'oyalar, timsollar, tasavvurlar endi universal xarakter kasb etadi, barcha uchun umumiy bo'ladi? Aytish mumkinki, hozir g'oyalar, madaniy qadriyatlarning o'ziga xos jahon bozori paydo bo'ldi. Unda kuchli davlatlar o'zining siyosiy va madaniy ta'sirini ta'minlash uchun kurashmoqda.

Hamma joyda radioeshittirish va televideniyening keng tarqalishi, ko'pchilik mamlakatlarda aholi savod darajasining o'sishi tez foyda keltiradigan, ommaviy iste'molchiga mo'ljallangan badiiy mahsulotlarga ehtiyojni keltirib chiqardi.

Ommaviy madaniyat nafaqat ko'ngil ochadigan, balki ma'lum maf-kuraviy maqsadni ham ko'zlagan ommaviy vaqtichog'likning audio va video mahsulotlarini ishlab chiqaruvchi butun boshli sanoatning paydo bo'lishiga olib keldi. Jahonning yetakchi korporatsiyalari bunda o'z mahsulotlarini to'g'ridan to'g'ri va bilsosita reklama qilishning kuchi imkoniyatlarini ko'rdilar. Kino, estrada va sport «yulduzlari»ning mashhurligi ularning hayot tarzini, kiyinish uslubini, hayotiy va siyosiy qarashlarini ko'pchilik, ayniqsa, yoshlar taqlid qilishi uchun namunaga aylantirdi.



**XX asrning ikkinchi yarmida ...**

**ITI – bu ...**

**«Axborot jamiyati» – bu ...**

**Yangi yuqumli kasallik ...**

So'nggi paytda ko'plab xalqlarning taqlid obyektiga aylangan G'arb sivilizatsiyasi texnik va texnologik innovatsiyalar, demokratiya va inson huquqlari kabi tushunchalar bilan birga madaniy tolerantlikning yangidan yangi jihatlarini namoyon qilmoqda. Bir qator G'arb mam-

lakatlarida bir jinsli kishilar o'rtasida oila qurishning qonunlashtirilishi, urf-odatlar va dinning qarshiligiga qaramasdan, bu odatni boshqa joylarda ham ommalashtirishga urinishi ko'pchilik tomonidan bugungi G'arb jamiyatining ma'naviy inqirozi sifatida qaralmoqda. Shu sababli G'arbning o'zida ham ommaviy madaniyat ko'pchilik faylasuflar, jamiyatshunos va madaniyatshunoslardan tomonidan juda tashvishli hodisa sifatida qaralmoqda. U olamni o'ta jo'n qabul qilishga choralgani uchun intellektual buzilish manbayi sifatida ta'riflanmoqda. Olimlarning fikricha, ommaviy madaniyat shaxsning chuqur ehtiyojlarini ro'yobga chiqarish va amalga oshirishga qarshilik qiladi. Xulqatvorning taqlidchilik modeli kishilarda sustkashlik, moslashuvchanlik, ya'ni dunyonи qanday bo'lsa, shundayligicha qabul qilishga tayyorlik psixologiyasini shakllantiradi.

**Adabiyot.** XX asr oxiri – XXI asr boshlariga kelib adabiy jarayonlar tez o'zgardi, har o'n yilda adabiyotda yangi yo'nalish paydo bo'lyapti, yangi maktablar shakllanyapti. Bu davr adabiyotida intellektual izlanish jarayonini davom ettirmoqda, u zamonaviy jamiyatning ehtiyojlarini va rivojlanish usullarini anglashga intilmoqda.

Yangi asr boshida ko'plab tillarda nashr qilingan va katta shovshuvga sabab bo'lgan shunday asarlardan biri afg'onistonlik Xolid Husayniyning «Shamol ortidan yugurayotgan odam» deb nomlangan romani bo'ldi. Roman voqealari Kobulda «tolibon» harakati avjiga chiqqan davrda yuz beradi. Bu – Amir va Hasan o'rtasidagi do'stlik tarixi. Unda odamlar o'rtasidagi do'stlik va majburiyatning ma'naviy asoslari haqida fikr yuritiladi. Asar 2001-yil sentabr voqealaridan keyin nashr etilgani uchun ham katta qiziqish uyg'otdi.

XXI asrda o'zbek kitobxoniga yetib kelgan yana bir mashhur asar braziliyalik yozuvchi Paulo Koelyoning «Alkimyogar» romanidir. Asar yoshlik, orzu va unga intilish haqida. «O'z Taqdiriga erishish – mana insonning haqiqiy burchi», deb yozadi P. Koelyo.

XX asr oxiri – XXI asr boshlarida jahon jamoatchiligining e'tiborini qozongan eng mashhur asarlardan biri ingliz yozuvchisi Joan Rouling qalamiga mansub «Garri Potter» haqidagi romanlar bo'ldi. Olimlar katta tarbiyaviy ahamiyatga ega deb hisoblaydigan bu romanlar o'limni ham yengib o'tgan xudovash o'spirin Garri Potterning sarguzashtlariga bag'ishlangan. Asar bugungi dunyo har qachongidan ham ezgulikka, odamlarga yaxshilik eltuvchi ulug' zotga muhtoj ekanligi, ezgulik yo'li hozir har qachongidan og'ir va ziddiyatli bo'lsa-da, Garri Potterdek sof qalbli insonlar ularni yengib o'tishi mumkinligi

haqida hikoya qiladi. An'analarni saqlab qolishga intilgan yozuvchi bu asarlarda betakror obrazlar yordamida o'zining o'ta ishonchli badiiy olamini yaratishga muvaffaq bo'ldi.

Bu turdag'i asarlarning ko'pligiga qaramasdan, bugungi adabiyotning ko'p qismini asosan tijoriy va reklama xarakteridagi asarlar tashkil etmoqda.

Zamonaviy jamiyat o'z rivojlanishining muhim intellektual qismi bo'lgan adabiyotning ahamiyati va muammolarini, jamiyat adabiyotsiz mavjud bo'lishi va rivojlanishi mumkin emasligini to'liq anglab yetishi lozim. Televideniye, radio va Internet tarmoqlari orqali beriladigan kunning muhim yangiliklari qatorida nashr etilgan kitoblarni taqdim etish, ularni reklama qilish odatiy holga aylanmog'i lozim. Bu aslida zamonaviy jamiyat madaniyatining muhim qismi, uni inobatga olmaslik mumkin emas.

**San'at.** Zamonaviy san'at XX asrning ikkinchi yarmida shakllangan an'analar asosida tashkil topdi. Bu davr san'ati modernizmga muqobil, ba'zan unga keskin qarama-qarshi yo'nalishlarni izlash, yangi san'at tilini yaratishga urinish bilan xarakterlanadi. U yangi obrazlarni, ifodalashning yangi, nomoddiy vosita va materiallarni izlash jarayonida aks etdi.

Axborot davrining yangi texnologiyalari, axborotning haddan ziyodligi, inson bilan mashina o'rtasida ziddiyatga olib keldi. Bu ziddiyatni hal qilish yo'li sifatida telekommunikatsiyaga estetik asoslarni olib kirish, uni axborot yetkazish funksiyasidan ozod qilish, xususan, ko'rsatuvlar mazmunini sharqona mistitsizm, irratsional negiz bilan to'ldirish taklif qilinadi. Intellektni «ishga solmasdan», bevosita insonning ichki olamiga murojaat qilish – bu tamoyil kompyuter grafikasi, videokliplar yaratish kabi san'atning yangi turlarida, qisman zamonaviy kino san'atida qo'llanilmoqda.



**XX asrning ikkinchi yarmi, ayniqsa, asr oxirlariga kelib, yurak-qon tomir tizimi va saraton kasalliklari kishilar o'limining bosh sababchilariga aylandi.**

**Biologiya, qishloq xo'jaligi va tibbiyot fanidagi inqilobi yantuqlar natijasida Yer yuzi aholisi asr boshidagi bir yarim milliard kishidan asr oxiriga kelib olti milliard kishigacha ko'paydi.**

Telekommunikatsiyalarning global tarmog‘i, ommaviy madaniyat paydo bo‘lishining eng muhim natijasi badiiy san‘atning ijtimoiy-siyosiy roli oshganligida namoyon bo‘ldi. Endi san‘at faqat hayotning in’ikosi bo‘lmasdan, ijtimoiy reallikni shakllantiruvchi omilga ham aylandi. Shundan kelib chiqib, bir qator rassomlar «postdemokratik jamiyat»da san‘at hokimiyat qo‘lidagi qurolga aylanadi, deya xavotir bildirishmoqda.



**Vaksina** – yuqumli kasalliklarga qarshi emlashda qo‘llaniladigan vosita.

**Mistitsizm** – bu mistikaga moyillik, mistikaga asoslangan diniy-idealistik dunyoqarash shakli.

**Irratsionallik** – bu vogelikni bilishda ongning imkoniyatini rad etuvchi yoki uni juda cheklangan deb biluvchi falsafiy konsepsiya.

**Ommaviy madaniyat** – bu zamonaviy jamiyat hayotining deyarli barcha sohalariga kirib kelgan maishiy, ko‘ngilochar va axborot madaniyati.

### Mustahkamlash uchun savol va topshiriqlar

1. ITI rivojlangan mamlakatlarda jamiyatning qanday sifat o‘zgarishlari ko‘zga tashlandi?
2. Siz qadriyatlar tizimining baynalmilallahuvi jarayoniga qanday qaraysiz? Unda milliy madaniyatlar uchun qanday xavf yashiringan?
3. Ommaviy madaniyat jamiyatdagi qadriyatlar tizimiga qanday ta’sir ko‘rsatmoqda?
4. Zamonaviy axborot vositalari adabiyot va san‘atda qanday yangi yo‘nalishlar va muammolarni keltirib chiqarmoqda?
5. Hozirgi zamon adabiyotining kitobda keltirilgan namunalaridan qaysi birlarini o‘qigansiz? Ular haqida so‘zlab bering.

### Mustaqil ish



Internet yordamida «XX asr oxiri – XXI asr boshlarida ilm-fan, adabiyot, san‘at» mavzularini aks ettiruvchi videorolik tayyorlang va taqdimotga tayyorgarlik ko‘ring.

## MUNDARIJA

Kirish .....	3
--------------	---

### I BOB. XX ASR OXIRI – XXI ASR BOSHLARIDA DUNYO MAMLAKATLARI

1-mavzu. XX asr oxiri – XXI asr boshlarida xalqaro munosabatlar.....	4
2-mavzu. Sharqiy Yevropa mamlakatlarda demokratik inqiloblar va sotsialistik lagerning parchalanishi .....	9
3-mavzu. Sovet davlatining parchalanishi va sobiq sovet respublikalarida mustaqillikning e'lon qilinishi.....	15

### II BOB. 1991 – 2017-YILLARDA DUNYO MAMLAKATLARI

4-mavzu. 1991 – 2017-yillarda Rossiya Federatsiyasi .....	19
5-mavzu. 1991 – 2017-yillarda Ukraina, Belarus va Moldova respublikalari.....	23
6-mavzu. 1991 – 2017-yillarda Boltiqbo'yи davlatlari.....	29
7-mavzu. 1991 – 2017-yillarda Kavkazoti davlatlari.....	33
8-mavzu. 1991 – 2017-yillarda Markaziy Osiyo davlatlari.....	38
9-mavzu. G'arb mamlakatlarda integratsiyalashuv jarayonlarining jadallashuvi. Yevropa Ittifoqi va AQSH munosabatlari.....	44
10-mavzu. 1991 – 2017-yillarda Amerika Qo'shma Shtatlari .....	48
11-mavzu. 1991 – 2017-yillarda Germaniya Federativ Respublikasi.....	52
12-mavzu. 1991 – 2017-yillarda Buyuk Britaniya .....	55
13-mavzu. 1991 – 2017-yillarda Fransiya .....	60
14-mavzu. 1991 – 2017-yillarda Italiya.....	64
15-mavzu. Osiyo, Afrika va Lotin Amerikasi mamlakatlari siyosiy, ijtimoiy-iqtisodiy rivojlanishining asosiy yo'nalishlari .....	68
16-mavzu. 1991 – 2017-yillarda Xitoy Xalq Respublikasi .....	72
17-mavzu. 1991 – 2017-yillarda Yaponiya .....	77
18-mavzu. 1991 – 2017-yillarda Janubi-Sharqiy Osiyo mamlakatlari .....	81

19-mavzu.	1991 – 2017-yillarda	Hindiston Respublikasi .....	85
20-mavzu.	1991 – 2017-yillarda	Turkiya Respublikasi.....	90
21-mavzu.	1991 – 2017-yillarda	Eron Islom Respublikasi .....	94
22-mavzu.	1991 – 2017-yillarda	Pokiston va Afg'oniston .....	98
23-mavzu.	1991 – 2017-yillarda	Suriya va Iraq.....	104
24-mavzu.	1991 – 2017-yillarda	Isroil davlati va Falastin muammosi .....	109
25-mavzu.	1991 – 2017-yillarda	Lotin Amerikasi mamlakatlari.....	113
26-mavzu.	1991 – 2017-yillarda	Afrika mamlakatlari.....	118

### **III BOB. YANGI MINGYILLIK BOSHLARIDA JAHON SIVILIZATSIYASI MUAMMOLARI**

27-mavzu.	XX asr oxiri – XXI asr boshlarida globallashuv muammolari, harbiy, ekstremistik va ekologik xavf-xatarlar .....	124
28-mavzu.	XX asr oxiri – XXI asr boshlarida barqaror rivojlanish va etno-ijtimoiy muammolar .....	130
29-mavzu.	XX asr oxiri – XXI asr boshlarida ilmiy-texnik taraqqiyot. Ilm-fan, adabiyot, san'at .....	135

**Shuhrat Ergashev, Begzod Xodjayev,  
Jamshid Abdullayev**

# **JAHON TARIXI**

**(1991–2017-yillar)**

O'rta ta'lif muassasalarining 11-sinfi va o'rta maxsus,  
kasb-hunar ta'limi muassasalarining o'quvchilari uchun darslik

Birinchi nashr

*(o'zbek tilida)*

**«TURON-IQBOL»**

Toshkent, 100182. H. Boyqaro ko'chasi, 51-uy.  
Toshkent – 2018

Muharrir	T. Mirzayev
Badiiy muharrir	E. Abdiyirova
Texnik muharrir	A. Yuldasheva
Musahhih	S. Alimboyeva
Kompyuterda sahifalovchi	A. Muhammadiyev

Nashriyot litsenziyasi AI №223, 16.11.2012.

Bosishga 2018-yilda 16-mayda ruxsat etildi. Bichimi  $70 \times 90^{1/16}$ .  
Offset bosma. «Times New Roman» garniturasi. Sharhl b.t. 10,53.  
Hisob-nashriyot t. 9,95. Adadi 432 771 nusxa.  
18-276 raqamli buyurtma.

O'zbekiston Matbuot va axborot agentligining  
«O'zbekiston» nashriyot-matbaa ijodiy uyi bosmaxonasida  
chop etildi. 100011, Toshkent, Navoiy ko'chasi, 30.

*Ijaraga berilgan darslik holatini ko'rsatuvchi jadval.*

T.r.	O'quvchi-nинг ismi, familiyasi	O'quv yili	Darslikning olingandagi holati	Sinf rahbari-ning imzosi	Darslik-ning topshiril-gandagi holati	Sinf rahbarining imzosi
1.						
2.						
3.						
4.						
5.						
6.						

*Darslik ijara ga berilib, o'quv yili yakunida  
qaytarib olinganda yuqoridagi jadval sinf rahbari  
tomonidan quyidagi baholash mezonlariga  
asosan to'ldiriladi:*

<b>Yangi</b>	Darslikning birinchi marotaba foydalanishga berilgandagi holati.
<b>Yaxshi</b>	Muqova butun, darslikning asosiy qismidan ajralmagan. Barcha varaqlari mayjud, yirtilmagan, ko'chmagan, betlarida yozuv va chiziqlar yo'q.
<b>Qoniqarli</b>	Muqova ezligan, birmuncha chizilib, chetlari yedirilgan, darslikning asosiy qismidan ajralish holati bor, foydalanuvchi tomonidan qoniqarli ta'mirlangan. Ko'chgan varaqlari qayta ta'mirlangan, ayrim betlariga chizilgan.
<b>Qoniqarsiz</b>	Muqovaga chizilgan, yirtilgan, asosiy qismidan ajralgan yoki butunlay yo'q, qoniqarsiz ta'mirlangan. Betlari yirtilgan, varaqlari yetishmaydi, chizib, bo'yab tashlangan. Darslikni tiklab bo'lmaydi.

# SOTUVGA CHIQARISH TAQIQLANADI



Vasiliy Kandinskiy. «Kompozitsiya № 5»

ISBN 978-9943-14-511-5



9 789943 145115